



Fa'atonufolau o Fa'ailoga ma Tusi Pasi Taualoa a Samoa

**Lōmiga 3
2026**



Fa'asino Matā'upu

1. FA'ATOMUĀGA	
1.1. O le Fa'atonufofau o Fa'ailoga ma Tusi Pasi Taualoa a Samoa	4
1.2. O le Fa'amoemoe o le Fa'atonufofau o Fa'ailoga ma Tusi Pasi Taualoa a Samoa.....	5
1.3. Ta'iala fa'avae mo le Fa'atonufofau o Fa'ailoga ma Tusi Pasi Taualoa a Samoa	5
1.4. O Suiga i le Lōmiga Lona Tolu	6
1.5 Aso e Aloa'ia ai.....	7
2. O LE FA'ATONUFOLAU	7
Ata 1: Fa'atonufofau o Fa'ailoga ma Tusi Pasi Taualoa a Samoa	9
2.2. Tulaga Maualuga ma le Fa'amatalaina o Tulaga Maualuga	9
2.3 Umi o le taimi e a'oa'oina ai	13
2.4 O Togi Fa'atafau	15
2.5 O Itūaiga Fa'ailoga ma Tusi Pasi Taualoa ma o latou Uiga.....	17
2.6 Fa'amatalaga fa'aopoopo o itūaiga fa'ailoga ma tusi pasi.	20
2.6.1 Ātamua IV	20
2.6.2 Tu'ufa'atasia o Fa'ailoga	21
2.6.3 Tikerī.....	21
2.6.4 Tikerī Lātū o Faiva.....	21
2.6.5 Tikerī o le Matua o Faiva o le Tofamanino.....	22
2.7 Fa'ailoga ma Tusi Pasi o Kolisi Maualuluga a Samoa	23
3. FAIGA FA'AVAE O LE FA'ATONUFOLAU O FA'AILOGA MA TUSI PASI TAUALOA A SAMOA	23
3.1.1 Fa'ailoga ma Tusi Pasi Taualoa a Samoa.....	24
3.1.2 Fa'ailoga ma Tusi Pasi Taualoa a Fa'alapotopotoga e Tu'uina atu A'oa'oga Fa'aāuau.....	24
3.2 Fa'amatalaga o tomai o se Fa'ailoga po'o se Tusi Pasi Taualoa	25
3.3 A'oga Fa'aāuau mai fafo ma faailoga ma tusi pasi taualoa.	25
3.4 Fa'amauiina o Tusi Aloa'ia o Agava'a ma Tomai i le Fa'atonufofau o Fa'ailoga ma Tusi Pasi Taualoa a Samoa	26
3.5 A'oa'oga Tau Tomai Fa'apitoa ma A'oa'oga i Totonu o le Atunu'u (na fa'aigoa muamua i A'oga Pupu'u)	28
3.6 Auala e A'oa'oina ai ma le Aloa'ia o Ulua'i A'oa'oga.....	29

3.6.1 Auala e a'oa'oina ai	29
3.6.2 O le Aloa'ia o Ulua'i A'oa'oga (Recognition of Prior Learning)	30
3.6.3 Fa'aliliuina o Togi.....	31
3.6.4 Amana'ia o Agava'a o iai nei (Recognition of Current Competency).....	32
3.7 Fa'asinoala mo le Fa'aigoaina o fa'ailoga a A'oga Fa'aauau	33
3.7.1 Maliega mo le fa'aaogaina o Igoa	33
3.7.2 Mata'itusi po'o fa'apu'upu'uga o igoa o itū'aiga fa'ailoga,.....	34
3.8 Fa'asinoala mo le tu'uina atu o tusi pasi ma fa'amaumauga o i'uga tau le a'oa'oina.....	35
3.8.1 Faamaoniga o se Faailoga poo Ātamua	35
3.8.2 Fa'amaumauga o I'uga tau le a'oa'oina, po'o pepa aloa'ia o fa'amatalaga tusitusia tau a'oa'oga	36
3.9 Suiga o le tulaga aloa'ia mo se fa'ailoga po'o se tusi pasi taualoa fa'amauina.....	38
3.9.1 Tulaga aloa'ia o se fa'ailoga ua fa'amauina i le Fa'atonufofau o Fa'ailoga ma Tusi Pasi Taualoa a Samoa.	38
3.9.2 Suia o le tulaga aloa'ia o se fa'ailoga po'o se tusi pasi taualoa fa'amauina.....	39
3.9.3 Fa'afouga po'o le fa'amutaina ona toe fa'aaogaina o se fa'ailoga po'o se tusi pasi taualoa fa'amauina.....	39
3.9.4 O le toe maua o le Tulaga aloa'ia o iai nei o Fa'ailoga ma Tusi Pasi Taualoa Fa'amauina	40
Pepa Fa'apipi'i A – O Fa'apu'upu'uga o Upu ma le fa'aliliuina ma lisi o Upu ma latou uiga	
O le Fa'asologa o fa'apu'upu'uga o upu i mata'itusi ua fa'aaogaina i totonu o lenei pepa aloha'ia.....	42
Pepa Fa'apipi'i E : Fuaitau /Faaupuga Puipuia	51
Pepa Fa'apipi'i I – Ta'iala Fa'ata'oto mo Agava'a aloaia	53
Pepa Fa'apipi'i O – Fa'afetai ma le Fa'amālo ma Fa'asinomaga	56
Pepa Fa'apipi'i U – Faiga Fa'avae ma Ta'iala a le Pulega o Faailoga ma Tusi Pasi Taualoa a Samoa e Feso'ota'i i ai	57

1. FA'ATOMUĀGA

1.1. O le Fa'atonufofou o Fa'ailoga ma Tusi Pasi Taualoa a Samoa

O le Fa'atonufofou o Fa'ailoga ma Tusi Pasi Taualoa a Samoa o se fa'atulagaga o lo'o fa'avasegaina ai le tulaga maualuga ma le ituaiga o fa'ailoga ma tusi pasi ua 'ausia le li'otau olo'ula tau a'oa'oga ua fa'amaonia i totonu o Samoa.

O le matāfaioi o le puleaina ma le fa'atinoga o le Fa'atonufofou o Fa'ailoga ma Tusi Pasi Taualoa a Samoa e fitoitonu lea i le Pūlega o Fa'ailoga ma Tusi Pasi Taualoa a Samoa, fa'atasi ai ma le tiute tau'ave o le tu'ufa'atasia ma fa'amaopoopo le olo'ula o le mao'a e 'ausigata o A'oga Fa'aauu ma polokalame o lo'o ofoina ma tu'uina atu e i latou o fa'atinoina.

O lo'o aofia ai i le Fuafuaga a le Vaega o A'oga 2019-2024 ma le Fuafuaga Fa'ata'atia Alualu Mamao a A'oa'oga Fa'aauu 2020-2024, o le pūlea ma le fa'atinoina o le Fa'atonufofou o Fa'ailoga ma Tusi Pasi Taualoa a Samoa, o se tasi lea o galuega 'autū fa'aauu pea a le Pūlega o Faailoga ma Tusi Pasi Taualoa a Samoa.

E tusa ai ma le Tulafono o Fa'ailoga ma Tusi Pasi Taualoa a Samoa 2010, e ao i le Pūlega o Faailoga ma Tusi Pasi Taualoa a Samoa ona:

- fa'atonutonu fa'aletulafono fa'ailoga ma tusi pasi taualoa ma li'otau faitaulia mo A'oa'oga Fa'aauu, ma
- faia fa'ai'uga talafeagai mo le fa'atulagaga o fa'ailoga ma tusi pasi taualoa a Samoa. E aofia ai le fa'amatala manino o tu'utu'uga ma aiaiga ina ia mautinoa ma fa'atumauiina le talafeagai lelei, ma fa'atuatuaina o fa'ailoga ma tusi pasi taualoa a le atunu'u ma fa'avāomālo. Fa'atasi ai ma le tulaga lelei ma mautū o Fa'alapotopotoga o A'oa'oga Fa'aauu.

O le Va'aiga Taula'i o A'oa'oga Fa'aauu e fa'apea "o se vaega filifilia o tagata tomai fa'apitoa i auala ma metotia fou e gafatau'aveina tulaga aupito sili ona mana'omia, talafeagai lelei, faigofie ona avanoa iai ma aofia uma ai A'oa'oga Fa'aauu mo tagata lautele o a'oa'oina i totonu o Samoa".

O le Fa'atonufofou o Fa'ailoga ma Tusi Pasi Taualoa a Samoa o se alāfua o polokalame tau tomai o lo'o fa'ata'oto ai le fa'atulagaga lautele o fa'ailoga ma tusi pasi taualoa fa'atulafonoina o A'oa'oga Fa'aauu. O fa'ailoga ma tusi pasi taualoa e iai igoa fa'apitoa e pei o le Ātamua II o Au'aunaga mo le Vaega o Tagata Tafafao Maimoa e mafai ona "fa'amauiina" e le Pūlega o Fa'ailoga ma Tusi Pasi Taualoa. Pe afai ua ausia vaega e faamalieina e nei tusi pasi mana'oga fa'apitoa ua aiaia. O lo'o faamauiina e le Pūlega o Fa'ailoga ma Tusi Pasi Taualoa a Samoa le lisi o le fa'asologa o tusi pasi taualoa o A'oa'oga Fa'aauu ma fa'ailoga ua mae'a ona fa'amauiina aloa'ia i le Fa'atonufofou o Fa'ailoga ma Tusi Pasi Taualoa a Samoa.

O lo'o aofia foi i le Fa'atonufofou o Fa'ailoga ma Tusi Pasi Taualoa a Samoa ni isi o fa'amatalaga o faiga fa'avae e uiga i auala e ofoina atu ma fa'ae'eina ai fa'ailoga ma tusi pasi taualoa tau a'oa'oga mo A'oa'oga Fa'aauu. E ao i fa'alapotopotoga ma tagata o lo'o tu'uina atu au'aunaga tau a'oa'oga fa'aauu ona fa'amalieina Faiga Fa'avae o le

Fa'atonufofau o Fa'aailoga ma Tusi Pasi Taualoa a Samoa, atoa ma faiga fa'avae ua tā'ua i le Fa'amaoniga o le olo'ula o le mao'a'e e 'ausigatā a le Pūlega.

O le Lōmiga Lona Tolu lenei o le Fa'atonufofau o Fa'aailoga ma Tusi Pasi Taualoa a Samoa ma o le lōmiga taluai na fa'amaonia i le tausaga e 2012.

1.2. O le Fa'amoemoe o le Fa'atonufofau o Fa'aailoga ma Tusi Pasi Taualoa a Samoa

O le Fa'atonufofau o Fa'aailoga ma Tusi Pasi Taualoa a Samoa:

- a) Ua aiaā ai mo le fa'avaeina o le tulaga tutusa o tusi pasi taualoa ma fa'aailoga a le atunu'u e fua fa'atatau ma fa'atusatusa i fa'aailoga ma tusi pasi taualoa fa'atulafonoina o A'oa'oga Fa'aāuau ma isi a'oa'oga.
- e) Ua lagolago i le fua fa'atusatusa fa'aitūlagi ma fa'avāomālo o fa'aailoga ma tusi pasi taualoa ua fa'ae'eina i totonu o Samoa.
- i) Ia fa'afaigofie le malamalama i le poto, atamai ma le agava'a o tagata a'o'oga fai fa'aailoga ua fa'ai'uina a'oa'oga, e tauala mai i fa'amatalaga auili'ili manino e patino i le poto ma atamai fa'apitoa ua ausia.
- o) Ia fa'afaigofie ona fa'atusatusa le tomai o lo'o manaomia mai galuega tau alamanuia ma tagata faigaluega tomai e fa'amatu'u atu.
- u) Ia mafai ona saunia se lesitala o agava'a fa'amaonia o le oloula o le mao'a'e 'ausigatā o A'oa'oga Fa'aāuau ina ia si'itia ai avanoa mo galuega leipa ma fa'agasologa tau a'oa'oga.
- f) Ia lagolagosua i le atia'eina ma le si'itia o le atamai ua iai i tagata e ala i auala fetu'utu'una'i e mafai ai ona a'oa'oina atili, e aofia ai auala ese'ese tau a'oa'oga mai isi a'oa'oga fa'aopoopo i a'oa'oga masani.
- g) Ia fa'afaigofie le tulaga amana'ia ma le aloa'ia o le poto ua maua, atamai ma agava'a ua mafai ona ausia ma maua i le taimi nei.
- l) Ia lagolagosua i A'oga Fa'aāuau ina ia atia'eina ma saunia ni isi fa'aailoga ma tusi pasi taualoa fou e tali atu i mana'oga o suiga ua iai nei.

1.3. Ta'iala fa'avae mo le Fa'atonufofau o Fa'aailoga ma Tusi Pasi Taualoa a Samoa

O ta'iala fa'avae nei ua fa'aaogaina i le tu'ufa'atasiga o le Fa'atonufofau o Fa'aailoga ma Tusi Pasi Taualoa a Samoa.

Ua taula'i le va'ai o le Fa'atonufofau o Fa'aailoga ma Tusi Pasi Taualoa a Samoa e fa'apea:

Fa'atuatuaia: Ia fa'atuatuaia ma mafai ona tali atu le Fa'atonufofau o Fa'aailoga ma Tusi Pasi Taualoa a Samoa i manaoga o tagata o le atunu'u, alamanuia, mālo ma kamupanī ma tagata e ana galuega e uiga i itūaiga fa'aailoga ese'ese ma tusi pasi taualoa fa'apitoa.

Galulue fa'atasi: Ua tusia ma fa'atino le Fa'atonufofau o Fa'aailoga ma Tusi Pasi Taualoa a Samoa e ala i feutana'iga, fa'atalanoaga, malamalama'aga ma talia aloa'ia agava'a e A'oga Fa'aauau, alamanuia, le mālo ma isi pa'aga tōtino.

Mafai ona fetu'utu'unai: Ua ave le fa'amamafa i le Fa'atonufofau o Faailoga ma Tusi Pasi Tauloa a Samoa i le atamai ua leva ona iai i le tagata, e tulimata'i ai auala e mafai ai e ia lava ona a'oa'oina e ala i le fa'asolo atu i le ese'ese o le maualuga o a'oa'oga ma agava'a. E mafai ai foi ona fetu'utu'unai ma malamalama ai le tagata a'oga i ona lava mana'oga ma atamai tau a'oa'oga e mana'omia e ia lava.

Lagolagosua ia amana'ia agava'a tau a'oa'oga o tagata e fegāsoloa'i ai: O le Fa'atonufofau o Fa'ailoga ma Tusi Pasi Tauloa a Samoa o lo'o tulaga tutusa ai mana'oga o Samoa ma iloiloga fa'aitūlagi e aofia ai faiga e laugatasia ai, taumafaiga ina ia mafai ai ona amana'ia ma felagolagoma'i o fa'ailoga ma tusi pasi tauloa e mau avanoa ai tagata ta'ito'atasi e fa'aaoga o latou agava'a i si'osi'omaga ese'ese po'o atunu'u foi. O le Fa'atonufofau o Fa'ailoga ma Tusi Pasi Tauloa a Samoa 2026 ua fua fa'atatauina aga'i i le tulaga lautele o fa'atulagaga fa'aitūlagi ma fa'aleatunu'u o fa'ailoga ma tusi pasi tauloa.

Aogā: Ua tu'uina atu i le Fa'atonufofau o Fa'ailoga ma Tusi Pasi Tauloa a Samoa fa'amatalaga aloa'ia ma fautuaga tau faiga fa'avae e fesoasoani ai ina ia o gatasi le malamalama, atina'e, oloula o le maoa'e 'ausigatā ma le fa'aaogaina tusi pasi tauloa o A'oa'oga Fa'aūau.

1.4. O Suiga i le Lōmiga Lona Tolu

O le Lōmiga Lona Tolu o le Fa'atonufofau o Fa'ailoga ma Tusi Pasi Tauloa a Samoa o lo'o fa'aaūau pea ona iai le tele o matā'upu o le Lomiga Lua. Peita'i ane, o lo'o ave le fa'amamafa i le Fa'atonufofau ma fautuaga tau faiga fa'avae mo fa'alapotopotoga ma tagata o tu'uina atu au'aunaga, ae māmā mo le fa'agasologa o le fa'amaūina o fa'ailoga ma tusi pasi tauloa.

Ua ta'ua i lalo ni isi o suiga tāua:

- Ua tu'ufa'atasia i totonu o le Vaega 2 vaega iti o le Fa'atonufofau e pei o fa'amatalaga o faavasegaga ma le umi o le taimi e aoaoina ai se tagata na mafai ai ona ausia ni isi o taunu'uga fa'apitoa tau a'oa'oga, ina ia manino lelei ai le uiga moni o le Fa'atonufofau,
- E tele fa'atalanoaga e uiga i le umi o le taimi e a'oa'oina ai se tagata e mafai ai ona ausia ni isi o taunu'uga tau a'oa'oga ma le maoa'e o le tomai ma ni isi fautuaga auili'ili e uiga i le ta'iala fa'avae o le maualalo ma le maualuga foi o togi fa'ataū,
- O lo'o fa'ailoa atu auala tau a'oa'oga o lo'o fa'aaogaina i fa'ailoga ma tusi pasi o a'oga maualuluga.
- O lo'o fa'ailoa ai tomai ma fa'amaūmauga o taunu'uga tau le a'oa'oina, ma le mana'omia o le saunia ai o le fa'afoega o tusi pasi tau tomai, e pei o le fa'atulagaga o le potō, le gafatia o le tulaga e fa'avae ai le ono mana'omia o le fa'amaūina o fa'ailoga ma le tulaga a'oa'oina ua ausia e se tagata i a'oa'oga.
- O lo'o iai le ta'iala mo fa'alapotopotoga ma tagata o tu'uina atu au'aunaga e uiga i auala e a'oa'oina ai, aloa'ia o ulua'i a'oa'oga, agava'a o iai i le taimi nei ma togi fa'ataū ma vaiililiga.

- O lo’o iai le ta’iala mo fa’alapotopotoga ma tagata o tu’uina atu au’aunaga tau a’oa’oga e uiga i maliega e tusa ai ma tulaga agava’a o fa’ailoga ma tusi pasi taualoa ma le tu’uina atu o tusi pasi ma fa’amaumauga o taunu’uga o le a’oa’oina.
- Ua suia le igoa o “A’oga Pupu’u” e avea o “A’oa’oga o Tomai Fa’apitoa ma Tagata Lautele”.

O le Lōmiga Lona Tolu o lo’o iai le lisi o le Fa’apu’upu’uga o Upu i Mata’itusi Amata ma le Fa’asologa o Upu ma Fuaitau Fa’apitoa i le **Pepa Fa’apipi’i A**.

1.5 Aso e Aloa’ia ai

O le Lōmiga Lona Tolu o le Fa’atonufofou o Fa’ailoga ma Tusi Pasi a Samoa o le a aloa’ia ia Aperila 2026 i le mae’a ai ona faalauiloa ma avanoa ai loa le Faatonufofou o Faailoga ma Tusi Pasi Taualoa a Samoa mo fa’alapotopotoga ma tagata o tu’uina atu ‘au’aunaga o A’oa’oga Fa’aauau ma isi pā’aga totino ia lava saunia mo suiga.

2. O LE FA’ATONUFOLAU

2.1. Oto’otoga o le Fa’atonufofou o Fa’ailoga ma Tusi Pasi Taualoa a Samoa

E fa vaega ‘autū o le Fa’atonufofou o Pūlega o Fa’ailoga ma Tusi Pasi Taualoa a Samoa:

- Tulaga Maua (10 tulaga maua)
- Fa’amatalaina o Tulaga Maua (taunu’uga o a’oa’oga lautele i tulaga maua ta’itasi)
- Umi o le taimi e a’oa’oina ai ma togi fa’atatau
- Itūaiga Fa’ailoga ma Tusi Pasi ma o latou Uiga.

O le Vaega 5 o le Tulafono o le Pūlega o Fa’ailoga ma Tusi Pasi Taualoa a Samoa 2010 o lo’o aiaā ai le Fa’atonufofou o Fa’ailoga ma Tusi Pasi Taualoa a Samoa e avea “ma faiga ua fa’avasegaina e iloa ai le tulaga ma le la’asaga maua ma itūaiga o fa’ailoga ma tusi pasi taualoa ua fa’amaonia o latou tulaga mana’omia ia e mafai ona aofia ai le fa’avasegaga i vaega e pei ona mafai ona fa’atonutonuina e tulafono fa’atonutonu”.

Ua manino ma malamalama lelei i le aiaā o le Tulafono, o le Ta’iala Fa’avae lava ia o se fa’atulagaga fa’avasegaina ma e mafai e fa’alapotopotoga o tu’uina atu a’oa’oga fa’aauau ona talosaga i le Pūlega o Faailoga ma Tusi Pasi Tuaualoa a Samoa ina ia fa’amaui se fa’ailoga ma Tusi Pasi Taualoa i le Fa’atonufofou o Faailoga ma Tusi Pasi Taualoa a Samoa e ala i se tusi resitala o lo’o faamaui e le Pūlega o Fa’ailoga ma Tusi Pasi Taualoa a Samoa.

Na o fa’ailoga ma tusi pasi taualoa aloa’ia o A’oa’oga Fa’aauau e mafai ona fa’amaui i le Tusi Resitala o le Fa’atonufofou o Fa’ailoga ma Tusi Pasi Taualoa a Samoa.

Ata 1: ua tu’uina atu ai se ata o lo’o fa’ailoa ai le Fa’atonufofou o Fa’ailoga ma Tusi Pasi Taualoa i le maua o tulaga ma itūaiga fa’ailoga ma tusi pasi taualoa.

O le Fa'atonufofau o Fa'ailoga ma Tusi Pasi Taualoa a Samoa o se ta'iala fa'avae ua tu'ufa'atasia mo a'oa'oga fa'aauu uma ma fa'agasolo atu ai i le fa'ae'eina o fa'ailoga ma tusi pasi taualoa aloa'ia. O fuaitau e pei o "a'oga tau tomai fa'apitoa ma matātā ese'ese ma a'oa'oga" fa'atasi ai ma "a'oga maualuga e pei o le iunivesite", e masani lava ona fa'aaogaina e iloa ai le ese'esega o le tulaga a'oa'oina ma fa'ailoga ma tusi pasi maualuluga fa'apitoa. Peita'i e lē tatau ona fa'aaogaina nei fuaitau e fa'ae'e atu ai ni tapula'a tau le fa'atulagaga i le fa'agasolo atu i le isi vaega maualuga o le Fa'atonufofau o Fa'ailoga ma Tusi Pasi Taualoa a Samoa.

Ua i ai le manatu i le Fa'atonufofau o Fa'ailoga ma Tusi Pasi Taualoa a Samoa e fa'apea, o le a'oa'oina i so'o se vaega maualuga e mafai ona aofia uma ai le itū tau fa'atinoga ma matā'upu a'oa'oina tau le mafaufau e fua fa'atatauina e ala i le fa'aaogaina. O iloiloga e fa'avae i luga o le agava'a, po'o tulaga ua ausia tau le a'oa'oina i lea fa'asologa. O fa'ailoga ma tusi pasi e tatau ona ausia mo se fa'amoemoega, ma e lē masani ona mana'omia le ausia o se tulaga maualuga i le Faatonufofau o Faailoga ma Tusi Pasi Taualoa a Samoa mo fa'ailoga ma tusi pasi, ina ia fa'amalieina ai le fa'amoemoe o se tagata o a'oa'oina po'o mo se tagata e pule i le galuega.

Ua fa'ataoto le Fa'atonufofau o Fa'ailoga ma Tusi Pasi Taualoa a Samoa ina ia mafai ona **fetu'utu'unai** e ausia ai taunu'uga o le a'oa'oina mo fa'ailoga ma tusi pasi e tusa ai ma ta'iala ua fa'atulagaina i le fa'amatalaina o fa'ailoga ma tusi pasi taualoa. Mo se fa'ata'ita'iga, o se Ātamua o le Tulaga Maualuga III e mafai ona aofia ai vaega o fa'ailoga e maualuga atu po'o le vaega e maualalo ifo e tusa ai ma ta'iala ua fa'ata'oto i le fa'amatalaga o fa'ailoga ma tusi pasi taualoa.

Ua fa'atagaina i le Fa'atonufofau o Faailoga ma Tusi Pasi Taualoa a Samoa tagata ina ia latou fa'aaogaina ni isi auala ese e a'oa'oina ai i latou i galuega fa'atasi ai ma ni isi a'oa'oga fa'aopo'opo i le soifua a'oa'oina.

Ata 1: Fa'atonufofau o Fa'ailoga ma Tusi Pasi Tauloa a Samoa

TULAGA MAUALUGA	FA'AILOGA MA TUSI PASI TAUALOA O A'OGA FA'AĀUĀU
X	MATUA O FAIVA O LE TOFAMANINO
IX	LĀTŪ O FAIVA
VIII	TIKERĪ Ē'ETA'I; 'ATAMUA GATOGIĀ; TIPILOMA SI'ITA'I FILIMAFUA
VII	TIKERĪ; 'ATAMUA MAFATOMAI; TIPILOMA FILIMAFUA
VI	TIPILOMA SI'ITA'I
V	TIPILOMA
IV	ĀTAMUA
III	ĀTAMUA
II	ĀTAMUA
I	ĀTAMUA

2.2. Tulaga Maualuga ma le Fa'amatalaina o Tulaga Maualuga

Ua fa'amatalaina fa'ailoga ma tusi pasi tauloa e fua fa'atatau i le tulaga maualuga ma le faamatalaina o tulaga maualuga. E 10 tulaga maualuga o lo'o i le Fa'atonufofau o Fa'ailoga ma Tusi Pasi Tauloa, o le Tulaga Maualuga 1 – o le tulaga aupito maualalo lea o le faigata ma lavelave o taunu'uga o le a'oa'oina, ma le Tulaga Maualuga X, o le tulaga aupito i maualuga lea o le faigata ma lavelave o taunu'uga o le a'oa'oina (**Ata 1**).

O le taunu'uga o a'oa'oga i le vaega lautele i le Fa'atonufofau o Fa'ailoga ma Tusi Pasi Tauloa a Samoa, o lo'o ta'ua ai le mana'omia ona iloa e tagata a'oga fai fa'ailoga mea e mafai ona latou faia i le mae'a ai ona fa'ai'uina manuia ma maua fa'ailoga po'o tusi pasi i se tulaga maualuga o le Fa'atonufofau o Fa'ailoga ma Tusi Pasi Tauloa a Samoa. O le taunu'uga o a'oa'oga i le Fa'atonufofau o Fa'ailoga ma Tusi Pasi Tauloa a Samoa ua fa'amatalaina i fuaitau e pei o le iloa, atamai ma le fa'aaogaina o le iloa ma le atamai (**Fua fa'asolo 1**).

O le Atamai, e fa'asino i le tagata a'oga fai fa'ailoga ma le mea ua ia iloa ma malamalama i ai. O le atamai ua fa'amatalaina i le loloto (lautele po'o le fa'apitoo), tulaga lautele (matā'upu ta'itasi e fa'asolo atu i matātā ese'ese), itūaiga poto (maua'a/oto'oto, ni vaega/fa'aputupu) ma le (lavelave) o le tu'ufa'atasiga o le loloto, lautele, ma itūaiga poto ese'ese.

O Tomai e fa'asino i le tagata ua fa'au'u ma fa'ailoga ma gaoioiga e mafai ona ia faia. O tomai ua fa'amatalaina i ni itūaiga ese'ese (ua mafai ona iloa ma fa'aaoga le mafaufau e faia ai se gaoioiga, ua iai tomai fa'apitoa, tomai tau feso'otaiga, tomai i le va ma isi tagata ma tomai lautele), fa'atasi ai ma tomai e lavelave ma faigata (ua tu'ufa'atasia le tomai loloto ma itūaiga tomai ese'ese).

O le fa'aaogainā o le tomai ma le atamai e fa'atatau i le si'omaga e iloa ai e le tagata a'oga fai fa'ailoga ona fa'aaoga lona tomai ma le iloa, e aofia ai aga ma amioga fa'aleaganu'u, o le itū muamua lava o le si'omaga fa'a-Samoa ae peita'i, e mafai foi ona fa'atatau i le fa'aaogaina i isi fa'alapotopotoga ma aganu'u. O le fa'aaogaina o le tomai ma le iloa o lo'o fa'amatalaina i lona tulaga tuto'atasi, fa'atuatua ma le mafai ona tali atu, ma o lea uiga e mafai ona fesuisuia'i mai le tulaga e iloa lelei lona taunu'uga po'o le leai foi, ma le tulaga ua iloa ma malamalama lelei po'o le aunoa ai foi, a'o mafai ai ona fesuisuia'i gaoioiga mai le tulaga masani ai po'o le leai foi.

Fua fa'asolo 1: Fa'amatalaina o le Fa'atonufofau o le Mauauga o Fa'ailoga ma Tusi Pasi Tauloa a Samoa (taunu'uga o le a'oa'oina i le vaega lautele)

TULAGA MAUALUGA	ATAMAI	TOMAI	FA'AAOGAINA O LE TOMAI MA LE ATAMAI
X	O le a iai i tagata a'o'oga fai fa'ailoga le poto ma le tomai i le ulua'i vaega auiluma o se matātā tau a'oa'oga po'o se a'oa'oga tau tomai e fa'ailoa ai le malamalama moni i se itūtino tāua ma faigatā o tomai.	O le a iai i tagata a'o'oga fai fa'ailoga agava'a tau atamai fa'apitoa, poto ma tomai tau su'esu'ega i se matātā ina ia atagia manino ai, fa'afaigofie ma iloilo auala ma su'esu'ega fa'ale-maufaufau, atia'e, faia suiga ma fa'atino auala mo su'esu'ega ina ia fa'alautele atu ai po'o le toe fa'amatala manino o le atamai ua iai nei, po'o a'oa'oga tau tomai, ma fa'asoa atu ma una'ia auala ma metotia i pā'aga tutusa ma isi. O le a iai foi i tagata a'o'oga fai fa'ailoga le poto e avea ai ma tagata su'esu'e tuma'oti, tagata tomai i se matātā fa'apitoa po'o se faia'oga tomai auiluma. E tatau foi ona latou fa'ama'ite le ulua'i iloa ma le malamalama ina ia faia ai se sao tāua i se matātā po'o isi vaega tau a'oa'oga.	E fa'aaogā e tagata a'o'oga fai fa'ailoga le poto ma le tomai e fa'ailoa ai lo latou tulaga tuto'atasi, fa'ai'uga fai to'atasi, mafai ona faia suiga ma le matāfaioi i le avea ai ma tagata agava'a fa'apitoa ma faia'oga ta'ita'i po'o se tagata tau tomai, e atagia ai le fa'atumauina e lagolago i le atia'eina o auala ma metotia fou e fa'afoe ai, po'o ulua'i galuega o matātā po'o vaega o galulue ai.

TULAGA MAUALUGA	ATAMAI	TOMAI	FA'AAOGAINA O LE TOMAI MA LE ATAMAI
IX	O lo'o iai i tagata fai fa'ailoga le malamalama si'ita'i i se vaega lavelave o le iloa i se tasi po'o le sili atu o matātā po'o vaega o galulue ai lea ua avea ma fa'atomuaga o lea matātā/vaega o galulue ai.	O le a iai i tagata a'oga fai fa'ailoga tomai fa'apitoe e mafauina ai ma galue i se fa'alapotopotoga tau tomai, po'o se vaega o matātā tau galuega ina ia auili'ili, fa'aataata manino ma fa'afaigofie fa'amatalaga lavelave ma faigatā, fa'afitauli ma matā'upu a'oa'oina, ma fa'apea ona fa'atautaia su'esu'ega ma fa'aaogā ma fa'auiga matā'upu fa'avae a'oa'oina, aemaise le fa'asoa atu o le atamai, tomai ma metotia i tagata popoto fa'apitoe ma i latou foi e lē o aofia ai.	O le a fa'aaogā le atamai ma le tomai o tagata a'oga fai fa'ailoga e fa'ailoa ai le latou tulaga tuto'atasi, fa'ai'uga fai to'atasi, le mafai ona fa'aogaina ma faia suiga ma le matāfaioi e avea ai ma faia'oga po'o se tagata o a'oa'oina.
VIII	O le a iai i tagata a'oga fai fa'ailoga le atamai maoa'e e fa'aali ai manatu ma mafauuga fa'atasi ai ma le tomai fa'apitoe i se tasi po'o le sili atu o matātā e ilogofie ai le atamai talafeagai lelei i ta'iala fa'avae 'autū.	O le a iai i tagata a'oga fai fa'ailoga tomai fa'apitoe e mafau ai, galue ma feso'otai atu i isi ina ia auili'ili ato'atoa, fuafua ma faia suiga i fa'amatalaga ina ia fa'amae'a ai se vaega ese'ese o gaioiga, ma auili'ili ma faia ni fa'ai'uga i fa'afitauli lavelave ma faigatā ma fa'ailoa atu auala e fo'ia ai, le iloa, tomai ma auala e fa'aaogāina i isi tagata.	O le a fa'aaogāina e tagata fai fa'ailoga le iloa ma tomai e fa'ailoa ai le tulaga tuto'atasi ma fa'ai'uga lelei ona fa'atino, suiga ma le matāfaioi o le avea ai ma tagata o a'oa'oina po'o se tagata o galue i se galuega fa'apitoe.
VII	E iai i le tagata a'oga fai fa'ailoga le atamai loloto tau tomai fa'apitoe ma/po'o le atamai e fa'aali ai manatu ma mafauuga i se tasi po'o le sili atu o matātā tau a'oa'oga po'o galuega foi.	E tatau ona lava tapena tomai o tagata fai fa'ailoga e mafau ai ma galue aemaise le feso'otai atu, auili'ili, fuafua ma fa'aaogā tomai tau fa'amatalaga e fa'amae'a ai le tele o galuega, saunia ma mafauina auala e fo'ia ai fa'afitauli faigatā ma lavelave ma fa'ailoa atu o latou taunu'uga, le atamai ma auala e fa'afoe ai i isi.	O le a fa'aaogā e tagata a'oga fai fa'ailoga le atamai ma le tomai e fa'ailoa ai le tulaga tuto'atasi, faia o fa'ai'uga ma le matāfaioi e fa'atonotonu ai ma fa'afoe e ia lava tulaga e alia'e mai. E mana'omia tagata a'oga fai fa'ailoga ina ia tu'uina atu fautuaga tau tomai fa'apitoe ma fa'atino galuega tau'ave tau tomai fa'apitoe.
VI	E lautele le iloa o tagata a'oga fai fa'ailoga e fa'aali ai manatu ma mafauuga fa'atasi ai ma le tomai fa'apitoe i matātā ese'ese	E loloto ma lautele tomai o tagata a'oga fai fa'ailoga e mafauina ai, galue ma feso'otai atu i isi tagata ina ia auili'ili	O le a fa'aaogā e tagata fai fa'ailoga le iloa ma le tomai e fa'ailoa ai le tuto'atasi ma faia fa'ai'uga fa'apea foi ma le tau'aveina o le matāfaioi

TULAGA MAUALUGA	ATAMAI	TOMAI	FA'AAOGAINA O LE TOMAI MA LE ATAMAI
	fa'apitoa po'o le vaega o galuega lautele/po'o le tulaga tau le a'oa'oina.	ma iloilo ai fa'amatalaga e fa'amae'a ai ni isi o gaoioiga ma sailia fofō i fa'afitauli ua mautinoa o latou taunu'uga fa'apea foi ma fa'afitauli lavelave ma faigatā ma fa'asoa atu le iloa, tomai ma auala e fo'ia ai i isi tagata ina ia mafai ai ona fo'ia.	manino o le fa'auigaina o ni matā'upu 'autū, ma tu'uina atu fautuaga fa'apitoa aemaise le fa'atinoga o galuega tau'ave tau tomai. O le tulaga mauualuga leni e fa'aaogāina ai tomai fa'ata'ita'i o le tagata fai fa'aailoga e fa'asino i le fesuisuia'i o tulaga e alia'e mai ma ua lava taoso e fa'afocina lelei le fa'atinoga o a latou galuega ma/po'o le tulaga a'oa'oina.
V	O le a iai foi i tagata a'o'oga fai fa'aailoga le tomai fa'apitoa ma le iloa e fefa'aalia'i ai manatu ma mafauauga e fa'asino i se vaega o matātā fa'apitoa po'o se si'omaga tau galuega lautele atu ma/po'o le tulaga tau le a'oa'oina.	E lautele le tomai o tagata a'o'oga fai fa'aailoga e mafauafau ai, galue ma feso'otai atu i isi ina ia auili'ili lelei ai ma sailia fofō e fo'ia ai fa'afitauli ma tulaga e tula'i mai, ua iloa lelei ona taunu'uga ma e lē o mailoa ma fa'apea ai ona logoina atu leni fa'amatalaga i isi.	O le a fa'afoc lava e tagata fai fa'aailoga a latou a'oa'oga ma avea o se tasi o a latou matāfaiioi o galuega ma le a'oa'oina o isi tagata. E fa'aaogā le atamai ma tomai o le tagata a'oga fai fa'aailoga e fa'aailoa ai lona tulaga tuto'atasi e faia ai fa'ai'uga e ala i le mafai ona tali manino atu i ni fa'afitauli e masani ona tula'i mai ma fa'apea foi fa'ai'uga o fa'afitauli i si'omaga e fesuisuia'i fa'atasi ai ma le fa'afocina o galuega fa'atino/po'o le a'oa'oina o isi tagata.
IV	E iai i tagata a'o'oga fai fa'aailoga le atamai loloto o mea moni ma galuega fa'atino fa'atasi ai ma le atamai e fa'aali ai manatu ma mafauauga e uiga i se vaega fa'apitoa, po'o se vaega lautele o galuega/po'o le tulaga a'oa'oina.	O le a iai foi i tagata a'o'oga fai fa'aailoga se vaega tele o tomai ese'ese e mafauafau ma galue ai ma fefa'asoa'i ina ia iloilo ma fuafua auala e fo'ia ai fa'afitauli ua tula'i mai ma ni isi e lē o mailoa fa'atasi ai ma le fa'aaogāina o ni isi o metotia, meafaigaluega, meafaitino ma fa'amatalaga e fa'amae'a ai se vaega o galuega masani po'o ni galuega fou foi.	E tatau i tagata a'o'oga fai fa'aailoga ona fa'aaogāina lo latou iloa ma le tomai ina ia fa'aailoa ai le tulaga tuto'atasi o fa'ai'uga fai o matā'upu ua iloa taunu'uga e le'i tupu ma fa'apenā foi i fa'afitauli e lē o mailoa le taunu'uga.
III	E tatau foi ona iai i le tagata a'oga fai fa'aailoga le iloa o vaega ua maioio lelei o galuega ma/po'o le tulaga tau le a'oa'oina.	O le a iai le tomai e mafauafau ai, galue ma feso'otai atu e filifili ma fa'aaogā auala e fo'ia ai ni fa'afitauli e masani ona	O le a fa'aaogā e tagata a'o'oga fai fa'aailoga lo latou iloa ma le tomai e fai ai fa'ai'uga e tusa ai ma fa'afitauli o lo'o seāseā ona

TULAGA MAUALUGA	ATAMAI	TOMAI	FA'AAOGAINA O LE TOMAI MA LE ATAMAI
		tula'i mai e ala i le fa'aaogāina o metotia fa'apitoa ese'ese, meafaigaluega, meafaitino i le galuega ma/po'o le tulaga tau le a'oa'oina.	iai taimi e fo'ia ai ona e tulaga ese. E tele fa'afitauli masani ma e mafai ona iloa mamao le taunu'uga ma fa'apea ona mana'omia ai le galulue fa'atasi ma isi tagata. O le a tau'ave e tagata a'oga fai fa'ailoga le matāfaiioi o le a'oa'oina o i latou lava ma a latou galuega fa'atino.
II	O le a iai i tagata a'o'oga fai fa'ailoga le iloa o mea moni 'autū po'o gaoioiga talafeagai ma galuega i se si'omaga mautū lelei ma/po'o le a'oa'oina.	Ua iai i tagata a'o'oga fai fa'ailoga le tomai fa'alemafau, galue ma feso'otai atu i isi e fa'aaogā ai fa'agasologa ua iloagofie fa'atasi ma le auala e fo'ia ai fa'afitauli e masani ona tula'i mai. E fa'apenā foi ona iai le tomai e fa'aaogā ai metotia ta'atele, meafaigaluega ma meafaitino tau galuega po'o le fa'alautele atu o le tulaga a'oa'oina.	E fa'aaogā le iloa ma le tomai o tagata a'o'oga fai fa'ailoga i ta'iala fa'atulagaina i lalo o le va'ava'aiga lautele i le galulue fa'atasi ai ma isi tagata.
I	O le a iai i tagata a'o'oga fai fa'ailoga le lelei fa'afoe o le iloa ona faitau tusi ma tusitusi fa'atasi ai ma le malamalama lelei i le fa'aaogāina o fuainumera, ma iloa ona fa'afoe, galulue ma faia su'esu'ega ma isi tagata ina ia ola manuia ai i nu'u ma afio'aga, ma ulufale atu i galuega po'o le toe tau'aveina o ni isi a'oa'oga fa'aopoopo.	O le a iai i tagata a'o'oga fai fa'ailoga le tomai e mafau ai, galue ma feso'otai e uiga i galuega masani i lalo o le fa'atonuga ma le va'ava'aiga, ma fa'ailoa ma ripoti atu e uiga i so'o se fa'afitauli e masani ona tula'i mai.	O le a fa'aaogā le tomai ma le atamai o tagata a'o'oga fai fa'ailoga i galuega mautū lelei ma galuega e fa'atonotonu e tulafono, si'omaga tau aga feso'otai po'o le a'oa'oina lea e galulue fa'atasi ma isi tagata ma mulimulita'ia faiga masani.

2.3 Umi o le taimi e a'oa'oina ai

O le umi o le taimi e a'oa'oina ai e ausia ai fa'ailoga ma tusi pasi taualoa e fa'asino i le tulaga o le mautinoa po'o le "taimi fa'aata" o le umi ua fa'atautaina ia ausia e tagata a'o'oga se fa'ailoga po'o se tusi pasi taualoa. E fesoasoani leni itū e fa'amanino atili ai le tulaga lavelave o fa'ailoga, ona o ni isi o fa'ailoga ma tusi pasi taualoa i le Fa'atonufofou o Fa'ailoga ma Tusi Pasi Taualoa a Samoa, e umi atu le taimi e fa'amae'a ai nai lo isi. O le tapula'a o a'oa'oga e mana'omia e faamae'aina ai se tusi pasi a le Faatonufofou o Faailoga ma Tusi Pasi Taualoa a Samoa e fuafua fa'atatau i le gafatia e le tagata o a'oa'oina o galuega e tu'uina atu i ai. (ft. galuega fa'atino).

E tusa ai ma lenei ata faataitai, e mafai ona faapea e “faigaluega” le tagata a’oa’oina, o loo suesue poo faatinoina gaoioiga fa’amasani ina ia maua tulaga aoaoina. Afai e mana’omia se tagata ia a’oa’oina ma su’esu’e i se taimi atoa fa’apea, e 30 vaiaso i le tausaga, o le fua fa’atusatusa e mana’omia mo su’esu’ega i le vaiaso e tataua ona 40 itūlā. O lona uiga, o le aofa’iga moni o le taimi mo su’esu’ega tau a’oa’oga i se taimi atoa i le tausaga e 1200 itūlā.

Mo le Fa’atonufoalau o Fa’aailoga ma Tusi Pasi Taualoga a Samoa:

- O le fuainumera aupito maualuga o itūlā e a’oa’oina ai se tagata a’oga i le tausaga atoa i totonu o Samoa ia le itiiti ifo i le **1200 itula**.
- O le fuainumera aupito maualuga i le taiala o itūlā tau a’oa’oga o se tagata i Samoa i le tausaga atoa e **1600 itūlā** e ui lava ina fa’apea e tataua ona sili atu le aofa’i e mana’omia e ni isi mo isi o matātā fa’apitoa.
- O nei itūlā e aofia ai ni isi o itūaiga gaoioiga tau fa’atinoga ese’ese, e aofia ai su’esu’ega patino i le tagata a’oga lava ia. O gaoioiga tau a’oa’oga e mafai ona aofia ai: le faitau tusi, ‘auai atu i vasega, o seminā, po’o a’oa’oga fa’amasani; ‘auai atu i a’oa’oga i potu o a’oa’oga fa’asaienisi po’o fa’ata’ita’iga o su’esu’ega fa’asaienisi, gaoioiga tau a’oa’oga i luga o upega tafa’ilagi; fa’atautaia o su’esu’ega lē fa’alateleina; galue ma su’esu’e to’atasi i meaa’oga po’o le galulue fa’atasi ma isi tamaiti a’oga; tusia o tala; galuega e fo’ia ai fa’afitauli ma poloketi; fa’atalanoaga ta’ito’atasi ma faia’oga po’o tagata o a’oa’oina; vaega tau fa’atinoga o matā’upu a’oa’oina; a’oa’oina i totonu o nofoaga o galuega; saunia mo su’ega laiti ma su’ega fa’ai’u.

O le aofa’i aupito maualalo o itūlā e 1200 e tutusa lelei ma le umi o le taimi e a’oa’oina ai i le fa’atonufoalau o fa’aailoga ma tusi pasi taualoga i ni isi o atunu’u o le itūlagi o le Pasefika. O isi o atunu’u, e ui lava ina o lo’o maua e sili atu le umi o le taimi e a’oa’oina ai i le tausaga.

O le aofa’i o itūlā e 1,200 o lo’o fa’aailoga mai ai e fa’apea, afai o lo’o tau’aveina e se tagata ā’oga ni iunite e 8 i le tausaga (ftg. e 4 i le kuata), o le iunite e tasi e tataua ona aofia ai le 150 itūlā tau a’oa’oga o lea tagata a’oga. I lona fa’auigaina, o le fuaitau “iunite” e fa’asino i se vaega iti’iti o se fa’aailoga po’o se tusi pasi, lea e mafai foi ona ta’ua o “se matā’upu a’oa’oina” o se polokalame, o se vaega o se matā’upu a’oa’oina po’o se matā’upu po’o se malamala o le agava’a.

E matuā lē lagolagoina isi auala e fua fa’atatau iai le umi o le taimi e a’oa’oina ai, e pei o “itūlā o a’oa’oga i le potu aoga po’o a’oa’oga fa’amasani” e alu i a’oa’oga i totonu o potu ā’oga po’o a’oa’oga fa’amasani. O le fua fa’atatau e pei o itūlā o a’oa’oga i le potu aoga po’o a’oa’oga fa’amasani o le a lē talafeagai tonu ma a’oa’oga e mafai ona fetu’utu’unai, po’o a’oa’oga e fa’atino e ala i faiga fa’atekonolosi, po’o a’oa’oga e fa’amuamua mana’oga ma le gafatia taulimaina e le tagata a’oga. E leai se fesoasoani o lenei tulaga i tagata a’oga e malamalama ai, e ao foi ona saofagā i latou i le ausia ai o le tulaga maualuga tau a’oa’oga.

O le fuafuaina o le tulaga tutusa o gaoioiga tau a’oa’oga i a’oga tuma’oti, po’o galuega ma gaoioiga i le a’oa’oina i totonu o potua ā’oga/a’oga e fa’atautaia i a’iga e faia’oga tomai/fa’afaigofieina/ma lalo o va’ava’aiga a faia’oga o le a fesuisuia’i e ala i matātā ma iunite fa’atasi ai ma auala e faia ai su’esu’ega tau a’oa’oga, (a’oa’oga i le va o tamaiti ma faia’oga, a’oa’oina o se matā’upu e tasi mo se taimi pu’upu’u, a’oa’oga i luga o upega

tafa'ilagi, a'oa'oga e fa'aaogā ai auala ma faiga fa'atekonolosi). Peita'i ane, e ao lava ona iai ni isi gaioiga tau le a'oa'oga e aofia ai i se fa'ailoga po'o se tusi pasi taualoa o le Fa'atonufofau o Fa'ailoga ma Tusi Pasi Taualoa a Samoa, e aiaia ai fa'amatalaga ma ta'iala e tu'uina mai e faia'oga agava'a e tali mai ai po'o – pe afai o va'ava'aia e ni tagata a'oa'oina lelei i se la'asaga tau le a'oa'oga, po'o le fa'atulagaina foi o tagata ao'oga i la'asaga tau le a'oa'oga.

E mafai ona ofoina atu e ni isi fa'alapotopotoga 'tikeri e lua' i le Tulaga Maua VII, e pei o tikeri e lua o le Fa'atufugaga ma le Fa'a-Loia. O le umi o le taimi e a'oa'oina ai tikeri nei e lua e tatau ona sili atu mo tikeri fa'atulagaina o fa'atufugaga peita'i e masani ona itiiti ifo nai lo le ave fa'atasi o tikeri e lua.

2.4 O Togi Fa'atatau

E ao i fa'alapotopotoga po'o tagata o lo'o fitoitonu ma le Fa'atonufofau o Fa'ailoga ma Tusi Pasi Taualoa a Samoa ona fa'aaogaina se auala e fa'afae ai le tulaga o togi fa'atatau, e fa'ata'oto ai le aofa'i o togi e mana'omia ona pasi e mafai ai ona ausia fa'ailoga ma tusi pasi taualoa fa'apitoa ta'itasi. O togi fa'atatau e mafai foi ona ta'ua o togi o matā'upu.

O le faiga e fa'afae ai togi fa'atatau o se auala lea e fa'atonutonu ai le o'gatasi lelei o le umi o le taimi e a'oa'oina ai iunite o se polokalame o matā'upu a'oa'oina e ausia ai se fa'ailoga po'o se tusi pasi taualoa. I totonu o Samoa, o le aofa'i atoa o itūlā tau a'oa'oga i le tausaga ua ta'ua i luga e tatau ona fa'aaogaina e fa'avae ai se faiga e fa'afae ai togi fa'atatau i matā'upu mo polokalame ta'itasi tau a'oa'oga.

E fesoasoani le faiga e fa'afae ai togi fa'atatau i:

- Fa'alapotopotoga e mafai ai ona fa'asoasoa talafeagai lelei meaa'oga ma galuega tau le a'oa'oga a tagata a'oga, e ala i le manino ma malamalama lelei i taimi e ao ona fa'aaluina e le tagata a'oga i iunite taitasi.
- Tagata a'oga ina ia malamalama i meaa'oga ma galuega fa'atino tau a'oa'oga e mana'omia ona latou faia e ui ina fa'apea o lo'o a'oa'oina i se taimi atoa po'o le leai foi.
- O le mafai ona fefa'aaogā'i o fa'ailoga, tusi pasi taualoa ma iunite i fa'alapotopotoga ese'ese o 'auai.
- Ia fa'atumauiina se taumafaiga sili atu tau fa'afae o le fuafuaina o polokalame ma iunite e tusa ai ma galuega fa'atino tau a'oa'oga a le tagata a'oga fa'atasi ai ma le tāua o le so'otaga o iunite ese'ese i totonu o se polokalame tau a'oa'oga.
- Ia alo'ese mai le so'ona falute o matā'upu e a'oa'oina i le saga fa'aopo'opo o iunite o se polokalame.
- Ia mautinoa e lē "fa'afaigofieina" tulaga mana'omia tau a'oa'oga e ala i le itiiti pe pu'upu'u le taimi po'o ua maualalo ifo le tulaga a'o'aoga fa'atulagaina.

I le Fa'atonufofau o Fa'aailoga ma Tusi Pasi Taualoa a Samoa, **o le togi e tasi e tutusa lea ma le 10 itūlā fuafuaina mo a'oa'oga ia mae'a ai se matā'upu a'oa'oina.**

O lona uiga, o togi fa'atatau maualalo i se matā'upu e mana'omia i le tausaga i a'oa'oga i taimi atoa e tatau ona 120, ma o le tolu tausaga mo le tikeri e mana'omia ai ia itiiti mai le 360 togi.

Mo fa'aailoga ma tusi pasi e maualuluga atu togi fa'atatau, o togi mana'omia e pasi e se tagata a'oga ina ia fa'amae'a ai se fa'aailoga po'o se tusi pasi taualoa. E mafai ona fesuisuia'i e fa'alagolago i luga o le auili'iliga o tomai ma le iloa e amata mai le taimi na amata tau'aveina ai lea matā'upu a'oa'oina. Mo se fa'ata'ita'iga, e na o le 120 togi fa'aopo'opo e mana'omia e se tagata a'oga o lo'o ia umia se tipiloma si'ita'i i se matātā fa'apitoa e pasi ina ia ausia ai ma fa'amae'a se fa'aailoga po'o se tusi pasi taualoa o tikeri.

O le aofa'i o togi fa'atatau mo vaega ese'ese po'o iunite e maua ai le fa'aailoga po'o le tusi pasi aloa'ia, e tatau ona itiiti mai ia tulaga tutusa ma le aofa'i atoa o togi fa'atatau o le fa'aailoga po'o le tusi pasi.

O fa'alapotopotoga o lo'o latou tu'uina atu fa'aailoga ma tusi pasi taualoa fa'amaonia o Fa'aailoga ma Tusi Pasi Taualoa a Samoa e tatau ona latou mulimulita'ia togi fa'atatau ua fa'atulagaina o malamalama o agava'a i le Fa'atulagaina o Fa'aailoga ma Tusi Pasi Taualoa a Samoa.

E mafai e Fa'alapotopotoga e Tu'uina atu Fa'aailoga ma Tusi Pasi Taualoa ona latou fuafuaina le umi o vaitaimi o a'oa'oga, o le aofa'i o iunite i se polokalame ma togi fa'atatau o iunite ta'itasi.

E ono fa'aaoga i se ta'iala masani le 10 po'o le 15 togi i le iunite e tasi po'o se isi fuainumera e faigofie ona malamalama ai le tagata a'oga. E mafai foi ona fa'alua pe fa'atolu togi mo se iunite ua fa'alauteleina atu e pei o gaioiga e fa'atino ai se poloketi tāua tau a'oa'oga.

E ao i fa'alapotopotoga ona ta'ua mai togi fa'atatau mo iunite fa'atasi ai ma fa'aailoga ma tusi pasi taualoa i fuainumera ato'atoa.

O le faiga e fa'afoe ai togi fa'atatau e lē o mafai ona faigofie ma manino ai le galuega moni o aofia ai i le fa'ataotoga o le fa'atulagaga o togi fa'atatau ma vaili'iliga (silasila i le Fuai'upu 3.6.3), ona o mea o lo'o aofia ai i polokalame ma iunite e ao lava ona su'esu'eina ta'itasi i le ulua'i taimi.

Peita'i ane, o le faiga e fa'afoe ai togi fa'atatau o le a faigofie ai ona malamalama ma fa'auiga polokalame ma iunite i fa'alapotopotoga uma, aemaise lava pe afai o lo'o fa'aaogaina le faiga e faafoe ai togi fa'atatau.

O le maualalo mana'omia ma le ta'iala o togi o lo'o aofia i totonu o le fa'amatalaga o itūaiga fa'aailoga ma tusi pasi taualoa ese'ese i le Fuai'upu 2.5 ua ta'ua i lalo.

E ui lava ina e umi atu le taimi e mana'omia e tagata a'o'oga i agava'a tau iunite ma polokalame tau a'oa'oga e ausia ai tulaga agava'a, o togi fa'atatau aupito maualalo e ao ona iloiloina e a'oga fa'aauau ma isi pe a saunia fa'aailoga ma tusi pasi taualoa.

2.5 O Itūaiga Fa'aailoga ma Tusi Pasi Taualoa ma o latou Uiga

O itūaiga fa'aailoga ma tusi pasi taualoa ese'ese o lo'o auili'ili ai le fa'amoemoega ma le a'ano moni o ia fa'aailoga ma tusi pasi i tulaga maualuga ta'itasi. Fa'atasi ai ma isi auili'iliga e ese ai le fa'amatalaga o isi vaega lautele, e aofia ai le umi o le taimi e aoaoina ai.

Fua fa'asolo 2: Fa'amatalaga o Itūaiga Fa'aailoga ma Tusi Pasi Taualoa i le Faatonufofau o Faailoga ma Tusi Pasi Taualoa a Samoa ma Togi.

Silasila i le fa'amatalaga olo'o i le Fuaiupu 2.4.

Tulaga Maualuga	Itu'aiga Fa'aailoga ma Tusi Pasi ma o latou Uiga	Togi Fa'atatau 120 togi = 1 tausaga o a'oa'oaga i vaitaimi tumau
<p align="center">X Matua o Faiva o le Tofamanino</p>	<p>O le Tikeri o le Matua o Faiva o le Tofamanino e agava'a ai se tagata e galue e avefa ma tagata poto fa'apitoa e ala i le fa'aailoaina o le agava'a o lea tagata e fa'aaoga ai se vaega tu'ufa'atasi o a'oa'oaga ma su'esu'ega o se matā'upu a'oa'oaina fa'apitoa e faia ai su'esu'ega, saili'ili ma le atia'eina o tomai fou i le tasi po'o le sili atu o matātā tau su'esu'ega, sikolasipi po'o galuega tau tomai fa'apitoa.</p>	<p>Maualalo 360 Ta'iala maualuga 480</p>
<p align="center">IX Lātū o Faiva</p>	<p>Lātū o Faiva, o tagata a'o'oga o i latou ia latou te fa'aaoga se vaega o a'oa'oaga ma su'esu'ega auiluma i se tulaga lautele o si'omaga tau su'esu'ega, se auale toe a'oa'oaina atili ai, galuega tau tomai fa'apitoa ma po'o sikolasipi. O se Tikeri o Lātū o Faiva e masani lava ona fa'avae mai i luga o se Tikeri o Fa'atufugaga, Tusi Pasi o Tagata a'oga Fai Fa'aailoga, Tikeri Taualoa o Fa'atufugaga po'o se Tipiloma Maualuga o Tagata a'oga Fai fa'aailoga i se matātā fa'apitoa. E mafai foi ona fa'avae i luga o le poto talafeagai tau tomai fa'apitoa. O taunu'uga ua mafai ona fa'amaonia ona tulaga auiluma nai lo a'oa'oaga mo tikeri tau fa'atufugaga, ma e mana'omia ai tagata a'o'oga ina ia auai ma fa'atino su'esu'ega ma po'o sikolasipi mo tagata a'oga e mafai ai ona latou fa'atino gaioiga ma su'esu'ega i matā'upu a'oa'oaina. O le Lātū o Faiva o lo ua tu'ufa'atasia i se matātā e tasi po'o polokalame tau a'oa'oaga manino ma malamalama lelei. E mafai ona aveina e ala i a'oa'oaga e fa'atino i potu ā'oga po'o su'esu'ega foi, po'o fa'atinoga uma nei e lua.</p>	<p>Maualalo 180 fa'atasi a itiiti mai e 120 i le Tulaga Maualuga IX (e ese ai po'o le fa'atasi ai ma fa'aailoga ma tusi pasi o fa'atufugaga maualuluga) po'o le Maualalo 120 e mulimuli mai se fa'aailoga ma tusi pasi o Tikeri Taualoa o Fa'atufugaga. Ta'iala maualuga 240 mo le tele o Tikeri o Lātū o Faiva o Fa'atufugaga. Ta'iala maualuga 600 mo tagata ā'oga fai fa'aailoga e ulufale atu ai i polokalame tau tomai fa'apitoa i le fa'asaienisi, soifua mālōlōina po'o le fa'aloia.</p>
<p align="center">VIII Tipiloma Si'ita'i Filimafua</p>	<p>O le Tipiloma Si'ita'i Filimafua e fa'alautele ai ma loloto le iloa ma tomai o se tagata. E fa'avae i luga o tomai ma le iloa ua iai mai matā'upu a'oa'oaina fa'apitoa, e masani ona maua i se Tikeri o</p>	<p>Maualalo 120 fa'atasi ai a itiiti e 80 i le Tulaga Maualuga</p>

Tulaga Maualuga	Itu'aiga Fa'ailoga ma Tusi Pasi ma o latou Uiga	Togi Fa'atatau 120 togi = 1 tausaga o a'oa'oga i vaitaimi tumau
	Fa'atufugaga, Tipiloma po'o se Tusi Pasi o le Tagata A'oga Fai Fa'ailoga. O fa'ailoga ma tusi pasi e mafai ona saunia ai tagata a'o'oga e tau'aveina su'esu'ega tūto'atasi ma sikolasipi i se matā'upu fa'apitoa.	VIII po'o le maualuga atu Ta'iala maualuga 240
VIII 'Atamua Gatogiā	O le 'Atamua Gatogiā e fa'alatelele atu ai ma loloto le iloa ma le tomā o se tagata. E fa'avae i luga o le tomā ma le iloa ua iai mai se matā'upu fa'apitoa, e masani lava ona maua i se Tikeri o Fa'atufugaga i le matā'upu lava lea e tasi.	Maualalo 60 i le Tulaga Maualuga VIII po'o le maualuga atu Ta'iala maualuga 120
VIII Tikeri E'eta'i	<p>O se Tikeri E'eta'i e agava'a ai se tagata o ia lea ua ia fa'aaogaina se vaega o le aotelega o a'oa'oga ma su'esu'ega i se matā'upu a'oa'oina fa'apitoa, ina ia tau'aveina ai su'esu'ega po'o galuega tau tomā ma, fa'aaogaina e ave lea ma feso'ota'iga tau a'oa'oga mo su'esu'ega ma le fa'alateleleina o a'oa'oga.</p> <p>O le a iai i tagata a'o'oga fai fa'ailoga i lea la'asaga le iloa ma le tomā auiluma mo galuega tau tomā po'o galuega tau tomā fa'apitoa maualuga ma/po'o isi a'oa'oga fa'aopoopo.</p> <p>O fa'ailoga ma tusi pasi o le Tikeri E'eta'i e masani lava ona tu'uina atu i na o tagata o i latou ia e maualuga togi e ausia o le La'asaga Maualuga VIII ma/po'o ua fa'ailoa lo latou naunau e tau'aveina su'esu'ega.</p> <p>E ono mafai foi ona aofia ai i totonu o se fa'ailoga po'o se tusi pasi o Fa'atufugaga po'o se tikeri aloa'ia maualuga pe a mae'a ona 'ūmia ai se Tikeri E'eta'i.</p>	<p>Maualalo 120 i le Tulaga Maualuga VIII po'o e maualuga atu (e ese mai ai), fa'atasi ai a itiiti mai e 30 togi mo su'esu'ega.</p> <p>Maualalo 480 pe afai ua aofia ai i totonu o se Tikeri o Fa'atufugaga, fa'atasi ai a maualalo mai e 30 togi mo su'esu'ega.</p> <p>Ta'iala maualalo 240 (e ese mai ai)</p>
VII Tipiloma Filimafua	<p>E mafai i se Tipiloma Filimafua ona limata'ita'iina ai se tagata a'oga fai fa'ailoga ua maua sona Tipiloma Filimafua e tulituliloa ai le a'oa'oina i se vaega o le aotelega o a'oa'oga ma su'esu'ega i se matā'upu a'oa'oina fa'apitoa i se la'asaga auiluma mo tagata a'o'oga e le'i maua ni fa'ailoga. E mafai ona ave le Tipiloma o Tagata a'o'oga fai fa'ailoga ma so'otaga aga'i i a'oa'oga mo i latou e le'i maua ni fa'ailoga ma/po'o le fa'alatelele atu ai o le iloa, po'o le atia'eina ai o le tomā i se isi matātā.</p> <p>O se tagata ua ia umia se Tipiloma e mafai ona ia fa'ailoaina atu taunu'uga tau le a'oa'oga uma o se Tikeri i se isi matātā fou tau a'oa'oga po'o le tomā tau su'esu'ega ma le poto fa'apitoa i matātā o iai po'o se vaega o galuega.</p>	<p>Maualalo 120 fa'atasi ai a itiiti mai e 80 i le Tulaga Maualuga VII po'o luga atu</p> <p>Ta'iala maualuga 240</p>
VII 'Atamua Mafatomai	O se 'Atamua Mafatomai e mafai ai ona limata'ita'iina se tagata a'oga fai fa'ailoga o le Tikeri e tulituliloa le toe a'oa'oina i ni isi a'oa'oga fa'aopoopo, ma e masani lava o se isi matātā fou i se la'asaga auiluma o tagata a'o'oga e le'i pasi ma ni	<p>Maualalo 60 fa'atasi ai a itiiti mai e 40 i le Tulaga Maualuga VII po'o luga atu.</p> <p>Ta'iala Maualuga 120</p>

Tulaga Maualuga	Itu'aiga Fa'aailoga ma Tusi Pasi ma o latou Uiga	Togi Fa'atatau 120 togi = 1 tausaga o a'oa'oga i vaitaimi tumau
	<p>fa'aailoga. O lona fa'amoemoe e masani lava ona avea ma so'otaga i a'oa'oga mo i latou ua pasi tikeri ta'itasi e atia'e ai le itu tau a'oa'oga, tau tomai fa'apitoa po'o le iloa tau matata ese'ese i se isi atu matata, galuega po'o mat'upu ma/po'o le toe fa'alatelele atu po'o le loloto o le atamai ma tomai ua leva ona maua i se isi fa'aailoga po'o se tusi pasi taualoa.</p> <p>O fa'aailoga ma tusi pasi taualoa o le a tu'uina atu ai i tagata ao'oga fai fa'aailoga le iloa ma le tomai auiluma i galuega ma galuega tau tomai maualuluga. E mafai e se tagata ua ia umia se Tusi Pasi o Tagata A'oga Fai Fa'aailoga ona ia fa'aailo taunu'uga o le a'oa'oina o se Tikeri i se matata fou tau a'oa'oga.</p>	
VII Tikeri	<p>O se tikeri ua fa'amafatotoga ai le tagata i le iloa ma le manino o le poto lavelave ma auala e fo'ia ai fa'afitauli i galuega e fa'atino e le tagata lava ia e aunoa ma le va'ava'aia fa'atasi ai ma a'oa'oga.</p> <p>O se tikeri e aofia ai a iti'iti mai e tasi se polokalame tau a'oa'oga fa'atulagaina pe afai o a'oa'oga o aofia ai o lo'o i se fa'agasologa lelei ina ia fa'amautu ai le fa'avae o a'oa'oga fa'aopo'opo po'o galuega tau tomai fa'apitoa.</p> <p>O le tikeri o se li'otau fa'atulagaina mo a'oa'oga auiluma po'o tomai si'itia.</p> <p>O le tikeri 'atoa e tataua ona fa'ama'oti mai ai le fa'atulagaga o togi e amata mai le Tulaga Maualuga V i le Tulaga Maualuga VII ina ia fa'aailo manino ai le fa'agasologa, atagia ai aiaiga fa'ata'oto ma ausia ai sini o le tulaga a'oa'oina e talafeagai ma le mat'upu a'oa'oina.</p>	<p>Maualalo 360 le aofa'iga i le Tulaga Maualuga V e o'o atu i le VII, fa'atasi ai a itiiti ifo e 80 i le Tulaga Maualuga VII po'o luga atu.</p> <p>E ono tula'i mai a maualalo e 480 mo se fa'aailoga po'o tusi pasi e fa'atufugaga lea e aofia ai se Tausaga Fa'avae i le Iunivesite.</p> <p>Ta'iala maualuga 720 (ft. Fa'aailoga ma tusi pasi taualoa o le tikeri e ono tausaga pe afai e fa'apitoa ona suia ma e mana'omia ona fa'amalieina taunu'uga auili'ili tau a'oa'oga).</p>
VI Tipiloma Si'ita'i	<p>O se Tipiloma Si'ita'i i le Tulaga Maualuga VI e agava'a ai tagata ua pasi i le iloa ma tomai i su'esu'ega fa'alemafaufau ma/po'o tomai fa'apitoa ma atamai i se matata fa'apitoa e pei o se si'omaga taua o fuafuaga mamao. O le a iai le iloa ma tomai lautele i tagata fai fa'aailoga i galuega tau tomai fa'apitoa maualuluga po'o le toe fa'aopoopo atili le a'oa'oga</p>	<p>Maualalo 120 fa'atasi ai a itiiti mai e 80 i le Tulaga Maualuga VI po'o luga atu</p> <p>Ta'iala maualuga 240</p>
V Tipiloma	<p>O se Tipiloma o e agava'a ai se tagata a'oga ua aloa'ia fai fa'aailoga ua iai le iloa ma tomai tau su'esu'ega fa'alemafaufau ma/po'o le tomai</p>	<p>Maualalo 120 fa'atasi ai a itiiti mai e 80 i le</p>

Tulaga Maualuga	Itu'aiga Fa'aailoga ma Tusi Pasi ma o latou Uiga	Togi Fa'atatau 120 togi = 1 tausaga o a'oa'oga i vaitaimi tumau
	fa'apitoa ma le atamai i se matātā fa'apitoa tau galuega po'o a'oa'oga. O le a agava'a le tagata a'oga fai fa'aailoga i galuega lagolago ma fesoasoani i faia'oga ma tamaiti a'oga i totonu o potu a'oga po'o galuega tau tomai fa'apitoa.	Tulaga Maualuga V po'o luga atu Ta'iala maualuga 240
IV Ātamua	O le Ātamua IV e agava'a ai tagata a'o'oga fai fa'aailoga i le iloa ma tomai o le tusipasi lona 4 e galulue ai po'o le tau'aveina o a'oa'oga i se matātā lautele po'o matātā fa'apitoa. O le a iai ia te i latou le iloa ma tomai tau su'esu'ega ma fa'atinoga mo galuega fa'apitoa po'o a'oa'oga foi. Silasila i fa'amatalaga fa'aopoopo i le Fuai'upu 2.6.	Maualalo 60 fa'atasi ai a itiiti mai e 40 i le Tulaga Maualuga IV po'o luga atu, po'o le aofa'iga 'ātoa e 120 mo le Tausaga Fa'avae i se Iunivesite. Ta'iala maualuga 120
III Ātamua	O le Ātamua III e agava'a ai tagata a'o'oga i le iloa ma tomai o le tusipasi lona 3 e fa'atino ai matāfaioi o galuega fa'apitoa po'o le toe a'oa'oina i se isi matātā fa'apitoa tau a'oa'oga. O le a maua e le tagata ā'oga fai fa'aailoga le iloa ma tomai lautele e galue ai i se galuega po'o se matātā fa'apitoa.	Maualalo e 60 fa'atasi ai a itiiti mai e 40 i le Tulaga Maualuga III po'o luga atu Ta'iala maualuga 120
II Ātamua	O le Ātamua II ua agava'a ai tagata a'o'oga i le iloa ma le tomai o le tusipasi lona lua e ulufale atu ai i se matātā tau galuega e mafuli atu i fa'atinoga masani po'o le toe tau'aveina o a'oa'oga.	Maualalo e 60 fa'atasi ai a itiiti e 40 i le Tulaga Maualuga II po'o luga atu Ta'iala maualuga 80
I Ātamua	O le Ātamua I ua agava'a ai tagata a'o'oga i le ulua' i tusipasi/iloa ma le tomai muamua e fesoasoani ai ma saunia e ulufale atu i galuega, a'oa'oga fa'aopo'opo po'o le auai i galuega i totonu o le atunu'u.	Maualalo e 40 i le Tulaga Maualuga I po'o luga atu Ta'iala maualuga 80

2.6 Fa'amatalaga fa'aopoopo o itūaiga fa'aailoga ma tusi pasi.

2.6.1 Ātamua IV

E mafai ona fa'ae'e atu se Ātamua IV (i le Tulaga Maualuga IV) e avea ma tusi pasi e tu'ua ai ma mae'a le Tausaga Fa'avae i Iunivesitē e pei o le Tausaga Fa'avae o le Iunivesitē Aoao o Samoa. O lenei fa'aailoga e fa'ae'e atu i tagata a'o'oga o e ua lē mafai ona fa'aauau a latou a'oa'oga, ona o ni isi o mafua'aga. Peita'i ua fa'amalieina aiaiga mo le fa'amae'aina o le Tausaga Fa'avae, e ala i le fa'amalieina o taunu'uga tau le a'oa'oina ma aofa'iga o togi fa'atatau e tatau ai ona ausia mo se fa'aailoga po'o se tusi pasi o le Tulaga Maualuga IV.

2.6.2 Tu'ufa'atasia o Fa'ailoga

O le tu'ufa'atasia o fa'ailoga o ni fa'ailoga ma tusi pasi taualoa, o ni matā'upu ua ave lua tulaga maualuga ese'ese, o le maualalo ma le maualuga a'e ina ia avagalima le ulufale ma fa'ai'u se polokalame. O polokalame o le tulaga maualuga i lalo ua fa'amatalaina o tusi pasi "ave lua" e tata'i ai i tusi pasi ma fa'ailoga e i tulaga maualuluga. O le fa'ata'ita'iga, o le ave o le Tipiloma Si'ita'i o se vaega o le Tikeri. O le tasi o se Tipiloma Filimafua o lo'o aofia ai i totonu o le Lātū o Faiva i so'o se matātā.

E le fa'au'uina tagata ao'oga i fa'ailoga ma tusi pasi taualoa uma: E fa'atoa fa'ae'e le "Tusi pasi ave lua" pe a fa'aauau i le a'oa'oga maualuga atu.

O le tu'ufa'atasia o fa'ailoga e masani ona ofoina atu e se fa'alapotopotoga se tasi e tu'uina atu a'oa'oga fa'aauau peita'i e mafai ona fa'amae'aina i se isi fa'alapotopotoga e tu'uina atu a'oa'oga fa'aauau fa'amauina. I le ausia ai o fa'ailoga ma tusi pasi "ua tu'ufa'atasia" e ala i le fa'atulagaga o togi fa'ata'au ma vaili'iliga i le va o fa'alapotopotoga e tu'uina atu a'oa'oga fa'aauau.

E ao ona fa'amaonia ma aloa'ia le tu'ufa'atasia o fa'ailoga fa'apea foi ma fa'ailoga ma tusi pasi o le la'asaga maualuga, ma ia fa'amalieina taunu'uga o aoaoga fa'atasi ai ma togi fa'ata'au e tata'au ona ausia mo ia fa'ailoga ma tusi pasi i la'asaga maualuga ta'itasi.

2.6.3 Tikeri

Ua fautuaina Aoga Fa'aauau ina ia latou ofoina atu e "ave lua" le Tipiloma (Tulaga Maualuga V) ma se Tipiloma Si'ita'i (Tulaga Maualuga VI) ia ausia ai le 360 togi o le tikeri. E fesoasoani tele leni faiga i a i latou ua lē mafai ona ausia aiaiga mo le fa'ailoga tikeri, ae ua fa'amalieina mana'oga o le tulaga maualuga V po'o le VI.

2.6.4 Tikeri Lātū o Faiva

E tolu ituaiga tikeri o le Lātū o Faiva i le tulaga lautele, ma e aofia uma i le tulaga maualuga IX:

O le Tikeri o le Lātū o Faiva (su'esu'ega) e saofagā ai tagata i le poto ma le tomai maoa'e i vala e lasi mo su'esu'ega ma saili'iliga tau le atamai ma o se faitoto'a mo le fa'alauteleina atili o le iloa i se vaega auili'ili o a'oa'oga ma su'esu'ega i se matā'upu a'oa'oina fa'apitoa i si'omaga lautele tau su'esu'ega ma sikolasipi, ma avea ma feso'otaiga o a'oa'oga mo le fa'alauteleina atu o le tulaga a'oa'oina. O leni fa'ailoga e mafai ona aofia ai iunite o galuega tau a'oa'oga ma su'esu'ega.

O le faiga masani, o togi fa'ata'au e lē iti'iti ifo i le 70% e auala mai i faiga fa'avae tau su'esu'ega ina ia ta'ua ai o se tikeri o le Lātū o Faiva (Su'esu'ega). O le aofa'i o togi fa'ata'au o totoe ai, pe afai o iai, o le a maua mai i iunite o galuega fa'atino tau a'oa'oga.

O le Tikeri o le Lātū o Faiva (galuega fa'atino tau a'oa'oga) o le a agava'a ai se tagata a'oga e fa'aaoga le tomai ma le poto maoa'e o vala ese'ese i galuega taualoa po'o su'esu'ega po'o le fa'alauteleina atili o le a'oa'oina.

E mafai ona aofia ai i se fa'aailoga o le Lātū o Faiva le “tu'ufa'atasia o fa'aailoga” e avea ma vaega amata po'o le fa'aiuga o se polokalame tau a'oa'oga ina ia mafai ai e le tagata a'oga ona fetu'utu'unai, e pei o se 'Atamua Gatogiā po'o se Tipiloma Si'ita'i Filimafua.

O le Tikeri o le Lātū o Faiva (fa'aopoopo le taimi) o se tikeri Lātū o Faiva e umi atu lona fa'atulagaga, o lona fa'amoemoega autū lava o galuega fa'atino tau a'oa'oga mo le saunia ai i galuega tau tomai i matātā e pei o le tulafono, vaila'au tau togafitiga, tomai fa'apitoa tau fa'amalositino, tagata tomai i gagana tautala, galuega tau agafeso'otai po'o isi matātā tau tomai. O tikeri nei o le umi o le vaitaimi e a'oa'oina ai e masani lava e tolu i le lima tausaga pe a auai i a'oa'oga i se taimi atoa.

2.6.5 Tikeri o le Matua o Faiva o le Tofamanino

O le fa'atinoga o su'esu'ega o matā'upu ese'ese e fa'amatala manino ai fa'aailoga o le Matua o Faiva o le Tofamanino. O le Matua o Faiva o le Tofamanino o se igoa lautele mo fa'aailoga tau su'esu'ega i le Tulaga Mauuluga X, e iai foi tikeri o le Tofamanino (e masani ona ta'ua o le Matua o Faiva o le Tofamanino i le (matātā tau le a'oa'oga) lea e mautū ma mauuluga lona ulua'i sao tau le atamai i si'omaga tau tomai ma poto fa'apitoa, po'o le fa'atinoga tau galuega fa'ama'ite. Silasila i le Fuaiupu 3.7.

O vaega tau a'oa'oga ma su'esu'ega o se matā'upu a'oa'oina e fa'asolo atu ai i le maua o se fa'aailoga o le Matua o Faiva o le Tofamanino i Samoa, e mafai ona tasi po'o le sili atu tulaga nei:

- tūsiga āusiusi
- o se tūsiga āusiusi e fa'a'autū i se galuega tau tomai fa'apitoa
- o se tūsiga āusiusi ma le fa'atinoga o mafaufauga fa'ama'ite ma tusigāata ma fa'afiafiaga
- o se tūsiga āusiusi po'o se su'esu'ega fa'ama'ite fa'atasi ma matā'upu a'oa'oina
- galuega fa'ama'ite fa'alemaufau i le tusi ata po'o siva ma fa'afiafiaga
- lōmiga fa'asalalau o galuega. (lōmiga fa'asalalau o le tūsiga āusiusi o le matua o faiva o le tofamanino).

Afai e aofia ai i le polokalame tau a'oa'oga o le tikeri o le Matua o Faiva o le Tofamanino galuega ma gaoioiga fa'atino tau a'oa'oga, a iti'iti mai e tataua ona ausia le 70 % o le aofa'iga atoa o togi fa'ataua e ala i a'oa'oga tau su'esu'ega po'o ulua'i galuega ma a'oa'oga tau le mafaufau.

O tikeri mauululuga atu o le Matua o Faiva o le Tofamanino (e ta'ua o le Tikeri o le Matua o Faiva o le Tofamanino i le Fa'asaienisi po'o le Tikeri o le Matua o Faiva o le Tofamanino i le Mafaufau, Tagata Soifua ma Agafeso'otai) e ofoina atu mo galuega tuma'oti tulaga aupito mauululuga, e pei ona fa'auigaina ai e tagata poto fa'apitoa fa'avāomālo, lea e mae'a a'o lumana'i ai faia se talosaga a se tagata e ulufale atu ai mo se tikeri. E masani ona mana'omia ai tagata ia fa'amae'aina a iti'iti ifo e sefulu tausaga o galuega tuma'oti poto fa'apitoa ma/po'o i ni tusi iloga fa'avāomālo. O le a tataua foi i tagata o su'esu'eina matātā tau tusi ata po'o siva ma fa'afiafiaga ona tulaga tutusa ma mauuluga le latou sao i galuega e fa'atino e i latou lava.

O le Fa'atonufofau o Fa'ailoga ma Tusi Pasi Taualoa a Samoa o le a lē fa'aaogaina i tikeri taualoa o le Matua o Faiva o le Tofamanino ia e lē o ni fa'ailoga ma tusi pasi o le Faatonufofau o Faailoga ma Tusi Pasi Taualoa a Samoa. O tikeri taualoa o le Matua o Faiva o le Tofamanino e fa'ae'e atu e se fa'alapotopotoga latou te tu'uina atu, e masani lava o se Iunivesite e amana'ia ai tulaga tau a'oa'oga iloga ua ausia e se tagata, au'aunaga a le mālo, galuega tau pisinisi po'o le mālo. O le igoa "Matua o Faiva" e lē mafai ona fa'aaogaina e i latou o lo'o umia fa'ailoga taualoa.

2.7 Fa'ailoga ma Tusi Pasi o Kolisi Mauualuluga a Samoa

O Fa'ailoga ma Tusi Pasi o A'oga Mauualuluga a Samoa o auala tau a'oa'oga ia aupito sili ona tāua i fa'ailoga ma tusi pasi o a'oa'oga fa'aaau i la'asaga ese'ese o le Fa'atonufofau o Fa'ailoga ma Tusi Pasi Taualoa a Samoa, e aofia ai le ulufale atu i le la'asaga o fa'ailoga ma tusi pasi o le Tikeri (Tulaga Mauualuga V i le VII i le Faatonufofau o Faailoga ma Tusi Pasi Taualoa a Samoa). O fa'ailoga ma tusi pasi taualoa o a'oga o lo'o pūlea e le Matagaluega o A'oga ma Aganu'u, ae lē o le Pulega. E lē o ni fa'ailoga ma tusi pasi taualoa o A'oga Fa'aaau.

I lalo o le Tulafono o Fa'ailoga ma Tusi Pasi Taualoa a Samoa 2010, o le tasi o galuega tau'ave a le Pūlega o le "una'ia o so'otaga ma auala e a'oa'oina ai i le va o vaega o a'oga ma le Vaega o A'oa'oga Fa'aaau". O le fa'amalosia ai o nei so'otaga o se fuafuaga fa'ata'atia o lo'o i le Fuafuaga a le Vaega o A'oga 2019-2024.

E lē gata i lea, o le amana'ia ai i totonu o le Fa'atonufofau o Fa'ailoga ma Tusi Pasi Taualoa a Samoa o auala e a'oa'oina ai mai a'oga aga'i atu i fa'ailoga ma tusi pasi taualoa o A'oga Fa'aaau. O le a lagolago malosi lea i le fa'atusatusaga fa'avāomālo o fa'ailoga ma tusi pasi taualoa ina ia fesoasoani ai i tagata ao'oga o Samoa. O i latou ia o lo'o fuafua e malaga atu i atunu'u mamao e fa'alauteleina ai le a'oa'oina.

Peita'i ane, e ono lē mafai pe talafeagai le mana'omia ai o taunu'uga o a'oa'oga o fa'ailoga ma tusi pasi taualoa o a'oga e feso'ota'i ai i se la'asaga fa'apitoa o le Faatonufofau o Faailoga ma Tusi Pasi Taualoa a Samoa, pe afai o taunu'uga o a'oa'oga o le Tulaga Mauualuga o le Tusi Pasi ma fa'ailoga a A'oga Fa'aaau, e afua mai i taunu'uga tau galuega.

O lona uiga, o le tu'uina atu o fa'ailoga ma tusi pasi o a'oga i le Fa'atonufofau o Fa'ailoga ma Tusi Pasi Taualoa a Samoa o le a noatia i ni isi fa'atalatalanoaga e faia i le va o le Pūlega o Fa'ailoga ma Tusi Pasi Taualoa a Samoa, ma le Matagaluega o A'oga ma Aganu'u.

3. FAIGA FA'AVAE O LE FA'ATONUFOLAU O FA'AILOGA MA TUSI PASI TAUALOA A SAMOA

3.1 O Fa'ailoga ma Tusi Pasi Taualoa e mafai ona Fa'amauina i le Fa'atonufofau o Fa'ailoga ma Tusi Pasi Taualoa a Samoa

E lua itūaiga fa'ailoga ma tusi pasi taualoa e mafai ona fa'amauina i le Fa'atonufofau o Fa'ailoga ma Tusi Pasi Taualoa a Samoa: Fa'ailoga ma Tusi Pasi Taualoa a Samoa ma Fa'ailoga ma Tusi Pasi Taualoa a A'oga Fa'aaau.

3.1.1 Fa'ailoga ma Tusi Pasi Taualoga a Samoa

- a) O fa'ailoga ma tusi pasi nei ua fa'amalieina alafua mo le fa'aaogāina ai o le fuaitau 'Samoa' ma ua avanoa ma mafai ona fa'aaogaina i totonu o le atunu'u.
- e) Ua saunia ma atia'e nei fa'ailoga ma tusi pasi taualoga ina ia tusa ai ma Ta'iala o le Atina'e ma le Fa'amauina o Fa'ailoga ma Tusi Pasi Taualoga a Samoa.
- i) O Fa'ailoga ma Tusi Pasi Taualoga a Samoa o lo'o aofia ai agava'a aloa'ia, ia e ta'ua o iunite o tulaga agava'a.
- o) O le taimi lava e fa'amauina ai, o le a tu'uina atu loa se numera fa'apitoa tulaga ese i fa'ailoga ma tusi pasi taualoga a Samoa ma agava'a aloa'ia e atagia ai le matātā ma'oti o lea fa'ailoga po'o tusi pasi.

O fa'alapotopotoga o A'oga ma fa'alapotopotoga e tu'uina atu a'oa'oga fa'aauau o i latou ia e manana'o e ofoina atu polokalame tau a'oa'oga e maua ai fa'ailoga ma tusi pasi taualoga a Samoa, e ao ona fa'amauina muamua e avea ma A'oga Fa'aauau ma avanoa ai i polokalame ua fa'amaonia aloa'ia mai le Pūlega o Fa'ailoga ma Tusi Pasi Taualoga a Samoa.

3.1.2 Fa'ailoga ma Tusi Pasi Taualoga a Fa'alapotopotoga e Tu'uina atu A'oa'oga Fa'aauau

- a) O fa'ailoga ma tusi pasi taualoga nei e atia'e e se A'oga Fa'aauau.
- e) O fa'ailoga ma tusi pasi taualoga nei e mafai ona aofia ai agava'a aloa'ia ua mae'a ona fa'amauina i Fa'ailoga ma Tusi Pasi Taualoga a Samoa ma iunite patino i le a'oga fa'aauau, pe afai e le sili atu ma le 50% fa'ailoga ma tusi pasi e maua mai i tulaga fa'ata'atitia o agava'a aloa'ia o le atunu'u.
- i) O Fa'ailoga ma Tusi Pasi Taualoga a a'oga fa'aauau o lo'o aofia ai agava'a aloa'ia e tataua ona aofia ai foi ma se fa'amatalaga e fa'aailoa ai le fa'aaogāina o agava'a aloa'ia ma Fa'ailoga ma Tusi Pasi Taualoga a Samoa na maua mai ai.
- o) O Fa'ailoga ma Tusi Pasi Taualoga a a'oga fa'aauau ma Tusi Pasi Taualoga ua mae'a ona fa'amauina i le Fa'atonufofua o Fa'ailoga ma Tusi Pasi Taualoga a Samoa e avea ma vaega o le fa'agasologa o le polokalame ua fa'amaonia aloa'ia a le Pūlega o Fa'ailoga ma Tusi Pasi Taualoga a Samoa.
- u) O lo'o fa'amalosia e le Pūlega o Fa'ailoga ma Tusi Pasi Taualoga a Samoa fa'alapotopotoga o talosaga e fa'amauina a latou lava fa'aailoga ma tusi pasi taualoga ina ia iloilo ina lo latou tulaga agava'a e fa'atonutonu ai a latou polokalame aga'i i Fa'aailoga ma Tusi Pasi Taualoga a Samoa o iai nei i so'o se tulaga e talafeagai lelei ai.
- f) E lē fa'atagaina ona fa'aaogaina le upu "atunu'u" po'o "Samoa" i igoa o Fa'aailoga ma Tusi Pasi Taualoga a se A'oga Fa'aauau. O lo'o i le **Pepa Fa'apipi'i E** le lisi o **fuaitau puipuia**.

3.2 Fa'amatalaga o tomai o se Fa'ailoga po'o se Tusi Pasi Taualoa

I lalo o le Fa'atonufofau o Fa'ailoga ma Tusi Pasi Taualoa a Samoa, e ao ona aofia ai i se fa'ailoga po'o se tusi pasi taualoa ni fa'amatalaga fa'avae o tomai ina ia mafai ai ona fa'amauina. O fa'amatalaga fa'avae nei o tomai e fa'apea:

- i se fa'amatalaga o le fa'amoemoe
- ii se igoa, e aofia ai le fa'alapotopotoga mo atina'e o fa'ailoga ma tusi pasi taualoa
- iii se fa'amatalaga o taunu'uga
- iv se tulaga maualuga talafeagai
- v se fa'amatalaga o oto'otoga o le alamanuia ma le lagolago a le atunu'u mo le fa'ailoga po'o le tusi pasi taualoa
- vi togi fa'atatau
- vii fa'amatalaga fa'apitoa o vaega laiti o le fa'ailoga poo le tusi pasi taualoa
- viii vaega fa'amalieina mo le ulufale

O fa'ailoga uma ma tusi pasi taualoa e fa'amauina i le Fa'atonufofau o Fa'ailoga ma Tusi Pasi Taualoa a Samoa e tatau ona fa'amalieina uma alafua mo le fa'amauina o fa'ailoga ma tusi pasi taualoa. O nei alafua o lo'o ta'ua i le **Pepa Faapipii I**. Ua aia'ia foi e le Pūlega o Fa'ailoga ma Tusi Pasi Taualoa a Samoa Ta'iala mo le Lesitala o Fa'ailoga ma Tusi Pasi Taualoa i luga o le Fa'atonufofau o Fa'ailoga ma Tusi Pasi Taualoa a Samoa (i se pepa aloa'ia e ese ai).

A'o lumana'i ai ona fa'amauina i luga o le Fa'atonufofau o Fa'ailoga ma Tusi Pasi Taualoa a Samoa fa'ailoga po'o tusi pasi taualoa o le tulaga maualuga VIII ma luga atu, e mafai e le Pūlega o Fa'ailoga ma Tusi Pasi Taualoa a Samoa ona feutaga'i ma fa'alapotopotoga talafeagai i atunu'u i fafo, ina ia fa'amautūina tomai fa'avāomālo ma aloa'ia tomai fa'apitoa o fa'ailoga ma tusi pasi taualoa ua talosagaina.

O se solitulafono i lalo o le Tulafono o le Pūlega o Fa'ailoga ma Tusi Pasi Taualoa Samoa 2010 le avasesēina o le fa'amoemoe, igoa, taunu'uga tau a'oa'oga po'o le tulaga o se fa'ailoga po'o se tusi pasi taualoa ua fa'amauina e le Pūlega o Fa'ailoga ma Tusi Pasi Taualoa a Samoa, po'o le talosaga taufa'asesē po'o le pepelo e fa'apea ua mae'a ona fa'amauina e le Pūlega o Fa'ailoga ma Tusi Pasi Taualoa o Samoa se fa'ailoga po'o se tusi pasi taualoa.

3.3 A'oga Fa'aūau mai fafo ma faailoga ma tusi pasi taualoa.

Afai ua fa'avaeina i totonu o Samoa se fa'alapotopotoga mai fafo, ma ua fa'amauina e avea ma ā'oga fa'aauau i totonu o Samoa ma ofoina atu fa'ailoga po'o tusi pasi taualoa e atia'e i totonu o Samoa, e mafai e lea ā'oga fa'aauau ona latou tu'uina atu Fa'ailoga po'o Tusi Pasi Taualoa a Samoa.

E tusa ai ma Faiga Fa'avae o le Oloula o le mao'a'e 'ausigatā a le Pūlega o Fa'ailoga ma Tusi Pasi Taualoa a Samoa, o polokalame mai fafo po'o ni vaega o polokalame ua ofoina mai Samoa ma fa'alapotopotoga o tu'uina atu a'oa'oga o lo'o galulue i Samoa, e tatau lava ona iai le fa'amaoniga a le Pūlega o Fa'ailoga ma Tusi Pasi Taualoa a Samoa e tu'uina atu ai i totonu o Samoa. O lona uiga, e ao ona fa'amaonia aloa'ia e le Pūlega o Fa'ailoga ma Tusi

Pasi Taualoa a Samoa. E mae'a loa ona fa'amaonia aloa'ia le polokalame e le Pūlega o Fa'ailoga ma Tusi Pasi Taualoa a Samoa, ona fa'atoa mafai loa lea ona fa'amauina ia fa'ailoga ma tusi pasi taualoa i luga o le Fa'atonufofou o Fa'ailoga ma Tusi Pasi Taualoa a Samoa.

3.4 Fa'amauina o Tusi Aloa'ia o Agava'a ma Tomai i le Fa'atonufofou o Fa'ailoga ma Tusi Pasi Taualoa a Samoa

O lo'o iai se atugaluga o Samoa i le tulaga e ono mafai ai ona fa'amauina i le Fa'atonufofou o Fa'ailoga ma Tusi Pasi Taualoa a Samoa o ni isi o fa'ailoga ma tusi pasi taualoa tau tomai e iti'iti ifo le vaitaimi tau a'oa'oga nai lo le 40 togi fa'atatau, e ta'ua "o a'oa'oga pupu'u". I tulaga fa'avāomālo, o tusi aloa'ia o agava'a ma tomai nei e masani ona ta'ua o "tusi aloa'ia o agava'a ma tomai" ma o le fuaitau "tulaga lautele o tomai ma agava'a" o lo'o fa'apena foi ona fa'aaogaina i totonu o Ausetalia mo tusi aloa'ia o agava'a ma tomai e o'o atu i le tulaga maualuga VI.

I le ta'atele ai o le itū tau fa'amaoniga tau alamanuia e pei foi o matā'upu a'oa'oina pupu'u mo le atia'eina o tomai fa'apitoa po'o a'oa'oga, o le tele o vaega o a'oa'oga fa'atulafonoina i ni isi o atunu'u e tusa ai ma la latou fa'atonufofou o fa'ailoga ma tusi pasi taualoa a le atunuu (National Qualifications Framework), sa taula'i le silasila se'ia o'o mai i le taimi nei i le fa'alauiloina o fa'ailoga ma tusi pasi "aloha'ia" tau a'oa'oga.

I lalo o le Tulafono, e mafai ona aloa'ia e le Pūlega o Fa'ailoga ma Tusi Pasi Taualoa a Samoa fa'alapotopotoga e tu'uina atu a'oa'oga ma polokalame o A'oa'oga Fa'aūau/A'oa'oga Pupu'u (Non Formal Learning), lea ua toe fa'aigoaina nei o "A'oa'oga Tau Tomai ma A'oa'oga mo Tagata Lautele" (Professional and Community Learning) (silasila i le Fuai'upu 3.5). E lē mafai ona amana'ia uma A'oa'oga Tau Tomai ma A'oa'oga mo Tagata Lautele e avea ma "tusi aloa'ia o agava'a ma tomai". O le tulaga aupito tāua, e mana'omia lava se iloiloga aloa'ia pe na tau'ave moni ni a'oa'oga o tusi aloa'ia o agava'a ma tomai.

E na o fa'ailoga ma tusi pasi taualoa ua mae'a ato'atoa e **fa'amauina** i le Fa'atonufofou o Fa'ailoga ma Tusi Pasi Taualoa a Samoa i le taimi nei. A'o **fa'amauina** ai Agava'a Aloa'ia e avea ma vaega o se Fa'ailoga po'o se Tusi pasi Taualoa a Samoa, e lē mafai ona tuto'atasi nei fa'ailoga ma tusi pasi taualoa i le Fa'atonufofou o Fa'ailoga ma Tusi Pasi Taualoa a Samoa (silasila i le Fa'asologa o Upu Fa'apitoa i le **Pepa Fa'apipi'i A** mo se fa'amatalaga o le fuaitau "fa'amauina"). E lē mafai ona fa'amauina i le Fa'atonufofou o Fa'ailoga ma Tusi Pasi Taualoa a Samoa iunite ta'itasi (vaega iti o se polokalame tau a'oa'oga, matā'upu a'oa'oina, matā'upu, pepa) a Fa'alapotopotoga e Tu'uina atu Fa'ailoga ma Tusi Pasi Taualoa. I le tulaga fa'avāomālo, o lo'o fa'atino nei taumafaiga ina ia maua ai se malamalama'aga lautele e uiga i a'oa'oga pupu'u. O lona fa'amatalaina lata mai: O "tusi aloa'ia o tala'aga o agava'a ma tomai":

- o se fa'amauga o tulaga ausia o a'oa'oga tulimata'i o lo'o fa'amaonia ai mea ua iloa, malamalama ma mafai ona fa'atino e le tagata ā'oga;
- e aofia ai iloiloga e fa'avae i luga o li'otau ua manino lona fa'amatalaina ma tu'uina atu e se fa'alapotopotoga fa'atuatua e tu'uina atu a'oa'oga;

- e iai agatausili e tuto'atasi ai ma mafai foi ona fai lona sao i, po'o ato'atoa isi tala'aga o agava'a laiti po'o le aotelega o tulaga agava'a e aofia ai e ala i le amana'ia o ulua'i a'oa'oga;
- ua fa'amalieina li'otau mana'omia e ala i le fa'amaonia o le oloula o le maoa'e e ausigata

(Ripoti a le UNESCO 2022 'Taumafaiga mo se Fa'auigaga Lautele o Tusi Aloa'ia o Tala'aga o Agava'a ma Tomai').

O le tele o fa'alapotopotoga tau a'oa'oga i totonu o Samoa i le taimi nei, ua latou ofoina atu 'tusi aloa'ia o tala'aga o agava'a ma tomai' fa'atasi ai ma a latou fa'ailoga ma tusi pasi taualoa aloa'ia i le Fa'atonufofou o Fa'ailoga ma Tusi Pasi Taualoa a Samoa, e avea ma tusi aloa'ia o agava'a ma tomai le fa'atulafonoina. O nei tusi aloa'ia o agava'a ma tomai e mafai ona tula'i mai ua "fa'atumuina" ina ia amana'ia ai se fa'ailoga po'o se tusi pasi aloa'ia.

O fa'amanuiaga e ono maua mai o le aloa'ia ai po'o le fa'amauiina o tusi aloa'ia o agava'a ma tomai ua ofoina atu e se fa'alapotopotoga e tu'uina atu a'oa'oga fa'aauau i le Fa'atonufofou o Fa'ailoga ma Tusi Pasi Taualoa a Samoa e aofia ai:

- Le fa'amalosia o isi tagata a'o'oga ina ia tau'aveina a'oa'oga fa'aauau e ala i le fa'ailoaina atu o auala faigofie e maua ai ma ausia le tulaga malamalama lelei i a'oa'oga.
- O le mafai ona fetu'utu'unai o auala i le vave ona a'oa'oina ai o tagata a'o'oga i tomai fou fa'alemafaufau, e tali atu ai po'o le feagai ai ma suiga tau tamao'aiga po'o suiga fa'alefa'alapotopotoga.
- Aiaia o se maliega e laugatasia ai se fa'ailoga po'o se tusi pasi tau a'oa'oga fa'atulafonoina i le Fa'atonufofou o Fa'ailoga ma Tusi Pasi Taualoa a Samoa, ma aloa'ia aoga pupu'u.
- Faamauiina agava'a aloa'ia e avea ma tusi aloa'ia o agava'a ma tomai, e fa'aleleia ai le fa'aauau pea ona fa'aogaina e aoga fa'aauau.

Peita'i ane, e iai foi a'afiaga e tataua ona fa'ailoa, e aofia ai le tulaga fa'aluafesasi ma le le mautinoa o tagata e ona galuega fa'atasi ai ma tagata a'o'oga, i le ese'esega o tusi aloa'ia o tala'aga o agava'a ma tomai ma fa'ailoga ma tusi pasi taualoa aloa'ia ato'atoa. Aemaise le tulaga e ono tula'i mai o le pa'u ai o le fuainumera o le vaega fa'atatauina o tagata a'o'oga o lo'o fa'amae'aina o latou fa'ailoga ma tusi pasi taualoa ato'atoa i le Fa'atonufofou o Fa'ailoga ma Tusi Pasi Taualoa a Samoa.

Ua fa'alauiloaina e le Pulega o Fa'ailoga ma Tusi Taualoa a Samoa le mana'omia ai o se Faiga Fa'avae e fa'asino i Tusi Aloa'ia o Agava'a ma Tomai ma A'oa'oga Pupu'u, ina ia aiafa ai se auala e fa'agasolo ai i luma mo Samoa ma ana a'oga fa'aauau. O le taimi lava e saunia ai, fa'atalanoaina ma fa'amaonia se Faiga Fa'avae a le Pulega o Fa'ailoga ma Tusi Pasi Taualoa a Samoa, o le a fa'apea loa ona teuteuina le Fa'atonufofou o Fa'ailoga ma Tusi Pasi Taualoa a Samoa ina ia tusa ai ma lea tulaga.

3.5 A'oa'oga Tau Tomai Fa'apitoa ma A'oa'oga i Totonu o le Atunu'u (na fa'aigoa muamua i A'oga Pupu'u)

O Ta'iala a le Pūlega o Fa'ailoga ma Tusi Pasi Taualoga a Samoa (silasila i le **Pepa Fa'apipi'i E**) o lo'o aofia ai mana'oga e tusa ai ma le aloa'ia e le Pūlega o Fa'ailoga ma Tusi Pasi Taualoga o gaoioiga a A'oga Pupu'u lea ua suia le igoa i le "A'oa'oga tau tomai faapitoa ma a'oa'oga i totonu o le atunu'u" (Professional and Community Learning), ia o lo'o fesoasoani tele e fa'aopo'opo atu i Fa'amaumauga o Tulaga Ausia e tagata a'o'oga. O le fuaitau lenei e fa'asino tonu i le tulaga tau le a'oa'oga e tula'i mai e ala i le fa'autautaga tataua a le tagata a'oga lava ia e a'oa'oina ai o ia, o lona uiga, "e a'oga ma lona fa'amoemoe". O nei a'oa'oga e mafai ona fa'atino i fafo atu ma si'omaga o a'oa'oga i fa'atulagaga masani fa'atulafonoina, peita'i ane e masani ona fa'agasolo i ni isi itūaiga fa'atulagaga fa'a-le-fa'alapotopotoga. E ese'ese le itū lenei ma "a'oa'oga lē fa'atulagaina i fa'atulagaga masani" ia e mafai ona fa'atino i so'o se nofoaga ma so'o se taimi foi (OECD, Aloa'ia o A'oga Pupu'u ma A'oa'oga e lē Fa'atulagaina i Fa'atulagaga masani).

O seisi fuaitau ua suia ai nei e le Pūlega "a'oa'oga faifaipea i so'o se fa'atulagaga" i le "a'oa'oga tau tomai faapitoa ma a'oa'oga i totonu o le atunu'u" e fa'ailoa ai o lenei itūaiga auala tau a'oa'oga e aofia ai le fa'autautaga fa'alemafaufau, e masani lava ona alia'e mai i nofoaga tau galuega, si'omaga tau tomai fa'apitoa po'o totonu foi o le atunu'u ma e aloa'ia ma ta'ua o a'oa'oga.

E tele ma anoanoa'i avanoa mo a'oa'oga tau tomai fa'apitoa ma a'oa'oga i totonu o le atunu'u. Mo se fa'ata'ita'iga, afai ua taulimaina e se tagata faigaluega se "tusi pasi ua mae'a a'oa'oga" ona sa auai atu i le fa'agasologa o ni mafutaga tau a'oa'oga, o lona uiga ua latou tau'aveina a'oa'oga faifaipea i fa'atulagaga le masani. O se tasi o fa'ata'ita'iga o se tagata a'oga na auai atu i a'oa'oga pupu'u e maua ai ni tomai fa'apitoa e a'otauina ai i atina'e, e pei o le fa'aaogaina o Tomai Fa'apitoa Fa'atekonolosi i a latou matātā fa'apitoa o tau'aveina.

O le auai atu i mafutaga tau a'oa'oga ma seminā e fa'afoe e tagata popoto fa'apitoa tau alamanuia po'o fa'alapotopotoga tau tomai e mafai ona si'itia ma fa'aleleia ai le iloa i le tomai ma le poto fa'apitoa maoa'e, mo se fa'ata'ita'iga, e fa'amalieina ai mana'oga mo le fa'aauuina o le si'itia o tomai fa'apitoa. O le isi itū tāua o le auai ma a'oa'oina i luga o a'oa'oga o lo'o fa'atino e ala i le anoanoa'i o polokalame fa'atekonolosi, e pei o A'oa'oga o loo tu'uina atu e fa'aaogaina ai auala fa'atekonolosi e pei o le Coursera, Udemy, po'o le LinkedIn, e mafai foi ona maua ma tu'uina atu ai le poto ma tomai fa'apitoa.

O a'oa'oga i totonu o le Atunu'u e mafai ona aofia ai vasega e a'oa'oina ai se matā'upu e pei o le Tala'aga o le Lalolagi po'o se Gagana, po'o; gaoioiga e faia mo le fa'amoemoe e a'oa'oina ai ma atia'e le tomai tau fa'atinoga.

O a'oa'oga o lo'o tu'uina atu e le tele o fa'alapotopotoga a le mālo i totonu o Samoa e aofia ai leoleo po'o a'oa'oga a le au'aunaga tau tineimū, ia e mafai ona iloiloaina ma amana'ia e avea ma "a'oa'oga tau tomai po'o a'oa'oga pupu'u i totonu o le atunu'u". O Tusi aloa'ia o tala'aga o agava'a ma tomai o se fa'ata'ita'iga lea o a'oa'oga tau tomai ma a'oa'oga pupu'u i totonu o le atunu'u, peita'i e lē o itūaiga a'oa'oga fa'aauu uma i fa'atulagaga masani o le a mafai ai ona aofia ma tu'ufa'atasia ai se tusi aloa'ia o tala'aga o agava'a ma tomai.

Ua aloa'ia ma fa'amauina a'oa'oga tau tomai ma a'oa'oga i totonu o le atunu'u e le Pūlega o Fa'aailoga ma Tusi Pasi Tauloa a Samoa, peita'i e lē o fa'amauina i luga o le Fa'atonufofau o Fa'aailoga ma Tusi Pasi Tauloa a Samoa. (silasila i le Fa'asologa o Upu Fa'apitoa i le **Pepa Fa'apipi'i A**).

3.6 Auala e A'oa'oina ai ma le Aloa'ia o Ulua'i A'oa'oga

3.6.1 Auala e a'oa'oina ai

O le Fa'atonufofau o Fa'aailoga ma Tusi Pasi Tauloa a Samoa o se meafaigaluega tāua lea ua tu'uina atu ai i tagata auala tau le a'oa'oga e mafai ona fetu'utu'unai (Flexible Learning Pathway) i le va o a'oa'oga ma galuega.

Ua fa'amalosia i I'ugāfono o A'oga a Mālo Aufa'atasi 2030 atunu'u uma ina ia atia'e vaega uma mo le fa'atinoga lelei o faiga ma polokalame tau a'oa'oga e tu'uina atu ai a'oa'oga e mafai ona fetu'ina'i mo i latou o a'oa'oina. O le tu'uina atu po'o le aiaia ai o tulaga agava'a e ulufale ai i se polokalame tau a'oa'oga, ma auala e fa'agasolo ai i le va o fa'alapotopotoga, matā'upu a'oa'oina, po'o la'asaga tau a'oa'oga, o le a mafai ai ona tele fa'amanuiaga e maua mo tagata ao'oga taito'atasi ma fa'alapotopotoga, aemaise lava i le tulaga tutusa o tagata uma, agava'a e galulue i galuega, po'o le lava tapena ma saunia e fa'afoe ma pūlea puna'oa tau galuega.

(UNESCO IIEP Auala fetu'utu'unai e a'oa'oina ai i ā'oga maualuluga atu, n.d;)

E pei ona ta'ua, o fa'aailoga ma tusi pasi tauloa a a'oga maualuluga ma kolisi o se auala maoa'e lea e fa'aopo'opo atili ai le tulaga tau a'oa'oga po'o galuega foi. O lo'o lagolago malosi le Pūlega o Fa'aailoga ma Tusi Pasi Tauloa a Samoa ia fa'aauau le atia'eina o fa'aailoga ma tusi pasi tauloa o a'oga (Samoa Secondary School) ma a'oga fa'aauau (PSET Providers) mo vaega 'autū tau tamao'āiga i totonu o Samoa.

E lua auala e mafai ai e a'oga fa'aauau ona lagolagoina ai auala e a'oa'oina ai:

- O le vaega e faamalieina mo le ulufale (entry requirements) o fa'aailoga ma tusi pasi tauloa; o le a aiaia ai le anoanoa'i o auala e a'oa'oina ai, mai isi fa'aailoga ma tusi pasi, po'o fea lava e ausa'i ai ia tulaga.

O vaega e fa'amalieina mo le ulufale (po'o le taliaina) ua fa'atulaga mai e a'oga fa'aauau e fesuisuia'i mo ni isi o fa'aailoga ma tusi pasi tauloa fa'apitoa i le la'asaga maualuga lava e tasi, ma e mafua lena tulaga ona o le ese'esega i matātā tau a'oa'oga. O le fa'amoemoega o vaega fa'amalieina mo le ulufale, o le fa'amautinoa lea o le tulaga e amataina ai se fa'aailoga po'o se tusi pasi o se tagata a'oga, ma ia lava saunia lona tomai ma le iloa e mafai ai ona fa'amae'a ma le manuia a'oa'oga.

O auala e a'oa'oina ai e mafai ona atagia ai itūaiga fa'aailoga ma tusi pasi tauloa o le vaega lautele i le Fa'atonufofau o Fa'aailoga ma Tusi Pasi Tauloa a Samoa, lea e mafai ai ona avanoa ma ulufale atu i a'oa'oga ma isi fa'aailoga ma tusi pasi tauloa o le Fa'atonufofau o Fa'aailoga ma Tusi Pasi Tauloa a Samoa. E mafai foi e a'oga fa'aauau ona fa'atulaga vaega e faamalieina mo le ulufale, e pei o mana'oga tau le gagana,

fa'ailoga ma tusi pasi e tatau ona iai muamua i tulaga tau a'oa'oga po'o la'asaga maualuga ua ausia, fa'ataitaiga, o tulaga i a'oa'oga. O se fa'ata'ita'iga o lea itū e fa'apea:

E tatau ona agava'a se tagata talosaga e taliaina i le polokalame o le Tipiloma o Fa'atufugaga pe afai o lea tagata talosaga:

- a) *Ua mae'a ona fa'amalieina mana'oga mo se Tusi Pasi o le Tausaga Fa'avae po'o lona tulaga tutusa, po'o*
- e) *Ia lē iti'iti ma le tolu tausaga o lona poto masani na galue ai i se galuega tumau ma/po'o a'oa'oga fa'amasani.*

- O le lagolagoina o le sa'olotoga e ulufale ai ma le aloaia o uluai a'oa'oga (Recognition of Prior Learning), po'o togi fa'atautu ua tu'uina atu i tagata a'oga, ina ia aua ne'i toe a'oa'oina fa'alua i a'oa'oga ua mae'a ona ausia ai o latou tulaga. O le amana'ia felagolagoma'i ai o fa'ailoga ma tusi pasi taualoa ua ofoina atu e a'oga fa'auau o le a fa'ailoaina e avea ma vaega o le a fa'auau ai ona galulue so'ofa'atasi le Pūlega o Fa'ailoga ma Tusi Pasi Taualoa a Samoa ma a'oga fa'auau.

E mafai e so'o se a'oga fa'auau ona ofoina atu se fa'ailoga po'o se tusi pasi taualoa o a'oga fa'auau i so'o se la'asaga maualuga o le Fa'atonufofau o Fa'ailoga ma Tusi Pasi Taualoa a Samoa peita'i ane, e fa'atoa talafeagai lava pe afai ua fa'amalieina mana'oga fa'atufafono i le Fa'atonufofau o Fa'ailoga ma Tusi Pasi Taualoa a Samoa ma, fa'atasi ai ma le o'gatasi lelei ma le manulauti a le a'oga fa'auau.

E ao i a'oga fa'auau ona tu'uina atu fautuaga manino e uiga i vaega faamalieina mo le ulufale ina ia manuia ai tagata a'oga, e aofia ai auala e a'oa'oina ai mai le a'oga tau tomai fa'apitoa ma matātā ese'ese ma a'oa'oga aga'i atu i fa'ailoga ma tusi pasi taualoa i le Tulaga Maualuga V ma luga atu, po o fea lava le tulaga e talafeagai ai. E tatau foi i a'oga fa'auau ona ta'ua auala e a'oa'oina ai mai fa'ailoga ma tusi pasi taualoa, o lona uiga, o galuega ua fa'amoemoe e galue ai ma isi taunu'uga tau a'oa'oga.

3.6.2 O le Aloa'ia o Ulua'i A'oa'oga

O le aloa'ia o uluai a'oa'oga o se fuaitau lautele e fa'amatalaina ai le tele o auala e mafai ai ona iloilo aloa'ia ma fuafua le iloala ma le tomai talafeagai o le tagata o iai nei pe ua ia fa'amalieina taunu'uga o a'oa'oga o se fa'ailoga po'o se tusi pasi, malamala/vaega o le fa'ailoga/po'o li'otau e pei o Agava'a Aloa'ia.

O le fa'agasologa aloa'ia o ulua'i a'oa'oga o le a lē amana'ia ai po'o fea na a'oa'oina muamua ai pe na maua e ala i a'oa'oga fa'auau i fa'atulagaga masani, a'oa'oga pupu'u, po'o a'oa'oga lē fa'atulagaina i fa'atulagaga masani. Na maua le tulaga a'oa'oina e ala i le galuega o galue ai, poto masani e ala i le soifuaga, mea e fiafia ai, a'oa'oga fa'amasani i atunu'u i fafo, matā'upu a'oa'oina i vaitaimi pupu'u po'o isi auala e ese ai.

E ao i A'oga Fa'auau le tu'uina atu o le ulua'i a'oa'oga ona fa'amautūina se faiga e fa'afoe ai le aloa'ia o ulua'i a'oa'oga ina ia avanoa i tagata a'oga uma pe a talosagaina. E mafai e le Pūlega o Fa'ailoga ma Tusi Pasi Taualoa a Samoa ona tu'uina atu lana lagolago ma le faufautua.

O le aloaia o ulua'i a'oa'oga e ono:

- a) Ulufale i se polokalame tau a'oa'oga
- e) Fa'amatu'u atu togi fa'atatau mo a'oa'oga e aga'i atu ai i se fa'ailoga po'o se tusi pasi taualoa o le Fa'atonufofau o Fa'ailoga ma Tusi Pasi Taualoa a Samoa
- i) Fa'ae'e atu o se fa'ailoga ua mae'a ona lesitalaina i le Fa'atonufofau o Fa'ailoga ma Tusi Pasi Taualoa a Samoa

O le aofa'i aupito maualuga o a'oa'oga muamua e mafai ona aloa'ia e tusa ai ma se fa'ailoga i le Fa'atonufofau o Fa'ailoga ma Tusi Pasi Taualoa a Samoa po'o le agava'a aloa'ia e 100%, o lona uiga o le fa'ailoga o le Fa'atonufofau o Fa'ailoga ma Tusi Pasi Taualoa a Samoa po'o le agava'a aloa'ia na tatau ona ausia ma maua e le tagata a'oga, ma e mafai ona fa'ae'e atu e le a'oga fa'aauau na fa'atautaia le iloiloga.

Ua auili'ili atu e le Pulega o Fa'ailoga ma Tusi Pasi Taualoa a Samoa Ta'iala mo le fa'asologa o le Aloa'ia o Ulua'i A'oa'oga, ma o le a tu'uina atu foi fautuaga i a'oga fa'aauau, ma fa'apea ona mata'ituina le fa'atinoga o le aloa'ia o ulua'i a'oa'oga.

3.6.3 Fa'aliliuina o Togi

O le fa'aliliuina o togi ua tu'uina atu po'o togi ua fa'ae'e atu e tusa ai ma tulaga ausia i a'oa'oga muamua, o se faiga fa'apitoa lea o le aloaia o ulua'i a'oa'oga o le tagata a'oga po'o fa'ailoga, ina ia tu'usaunua mai ai lea tagata a'oga mai le toe aveina o ni isi matā'upu po'o iunite o tulaga agava'a pe afai e fa'amauina ma ulufale atu ai i se polokalame fou tau a'oa'oga.

I totonu o lenei matā'upu, o le fuaitau "togi fa'atatau" o lona uiga ua mae'a ona "fa'amau ma teuina" tulaga ausia o le ulua'i a'oa'oga o le tagata a'oga, ina ia mafai ai ona tu'uiti'itia le taimi e fa'aaluina e toe a'oa'oina ma ausia ai se fa'ailoga e feso'otai ma lea matā'upu. O ni isi o taimi e faia ai maliega i le va o le a'oga fa'aauau e aunoa ma le fa'atali, pe afai ua si'itia atu le tagata a'oga i se isi fa'alapotopotoga.

I le fa'amautinoa ai e lē sili atu togi fa'atatau ua tu'uina atu e tusa ai ma a'oa'oga muamua, e mana'omia le iai o ni tapula'a i luga o le aofa'i maualuga o togi fa'atatau e ono mafai ona aloa'ia, mo le fa'ae'eina atu o se fa'ailoga ua mae'a ona lesitalaina i le Fa'atonufofau o Fa'ailoga ma Tusi Pasi Taualoa a Samoa, e se a'oga fa'aauau.

Mo Fa'ailoga ma Tusi Pasi Taualoa a Samoa, e 100% e tu'uina atu e aunoa ma le fa'atali o agava'a aloa'ia ua fa'amae'aina o tulaga agava'a, po'o le fa'aaogāina o iunite pe afai e talosaga tagata a'oga ina ia fa'auma fa'ailoga po'o tusi pasi e le'i mae'a i le fa'ailoga lava lea, po'o se fa'ailoga maualuga atu i le matātā lava lea e tasi.

Mo Fa'ailoga a A'oga Fa'aauau i le Tulaga Maualuga I e o'o i le VI a , e 100% le maualuga o le aofa'i o togi fa'atatau e mafai ona tu'uina atu i le mae'a ai o iunite o tulaga agava'a, po'o le fa'asolo atu ai i se fa'ailoga fou pe maualuga atu i tulaga maualuga o le Fa'atonufofau o Fa'ailoga ma Tusi Pasi Taualoa a Samoa. Peita'i ane, afai o le fa'ailoga fou e tulaga tutusa po'o le tulaga maualuga lava lea, e fa'aaoga le 70%.

Mo se fa'ailoga i le Tulaga Maualuga VII Tikerī o le maualuga o le aofa'i o togi e mafai ona tu'uina atu mo se fa'ailoga muamua i le Fa'atonufofou o Fa'ailoga ma Tusi Pasi Taualoa a Samoa, po'o fa'ailoga e tulaga tutusa (po'o fa'ailoga mai i atunu'u i fafo) e fa'apea:

- e 240 togi fa'atatau o se polokalame 360 togi o le tikerī, mo togi fa'atatau ma vaili'iliga mai ā'oga maualuluga atu, po'o le Tipiloma Si'ita'i VI i le matātā lava lea, po'o se matātā tau a'oa'oga e feso'ota'i iai.
- e 120 togi fa'atatau o se polokalame 360 togi o le tikerī, mo togi fa'atatau ma vaili'iliga mai a'oga maualuluga atu, po'o se Tipiloma o le Tulaga Maualuga V i le matātā lava lea, po'o se matātā tau a'oa'oga e feso'ota'i iai.

O le fuainumera aupito maualalo e tatau ona fa'aaogāina i se fa'ailoga po'o se tusi pasi taualoa muamua i se isi matātā tau a'oa'oga e lē feso'ota'i iai.

O le maualuga o le aofa'i o togi fa'atatau e mafai ona fa'aliliuina atu, e lē aofia ai i le fa'atulagaga o polokalame ua tu'ufa'atasia, i se fuataga o le polokalame o 'Atamua Gatogiā, mo le ulua'i fa'ailoga o le Tipiloma Si'ita'i Filimafua po'o ni fa'ailoga ua na o se vaega ua mae'a:

- e 50% o le aofa'i atoa o togi fa'atatau ua fa'ae'e atu o le polokalame, mole fa'aliliuina o togi fa'atatau e fa'aliliuina atu i se matātā tau a'oa'oga e feso'ota'i iai.

O le aofa'i aupito maualuga o togi fa'atatau ia e mafai ona fa'aliliuina atu i le fa'atulagaga o polokalame ua tu'ufa'atasia mo fa'ailoga o le 'Atamua Gatogiā ma le Tipiloma Si'ita'i Filimafua ua fa'amaonia e le fa'alapotopotoga e fa'amaonia le aloa'iaina, e 100% o le aofa'iga atoa o togi fa'atatauina. Mo se fa'ata'ita'iga, e 100% o se Tipiloma Si'ita'i Filimafua polokalame ua tu'ufa'atasia o le aloa'ia mo togi fa'atatau pe afai e fa'aauau pea a'oa'oga a lea tagata e fa'agasolo atu i tulaga maualuga e soso'o ai, aemaise lava le fa'ailoga e pei o le Tikerī o le Lātū o Faiva.

O auili'iliga atoa o leni tulaga o lo'o i totonu o **Ta'iala a le Pūlega o Fa'ailoga ma Tusi Pasi Taualoa a Samoa mo le Aloaia o Ulua'i A'oa'oga ma togi fa'aliliuina.**

3.6.4 Amana'ia o Agava'a o iai nei

O le Amana'ia o Agava'a o iai i le taimi nei o se fa'atulagaga e ese mai ai, e fa'aaogaina pe afai ua mae'a ma fa'amalieina mana'oga o se malamalama'aga o agava'a ma ua mana'omia loa (fa'ata'ita'iga, e se pūlega o laisene), ina ia toe faia le iloiloga e mautinoa ai o lo'o tumau pea lea agava'a ia te oe.

O le amana'ia ai o le tumau pea ona iai agava'a o le tagata a'oga i le taimi nei, mo tulaga alia'e mai pe afai ua mana'omia le toe fa'afou o se laisene tau galuega.

3.7 Fa'asinoala mo le Fa'aigoaina o fa'ailoga a A'oga Fa'auau

3.7.1 Maliega mo le fa'aaogaina o Igoa

Ua tu'uina atu i le Fa'atonufofau o Fa'ailoga ma Tusi Pasi Tauloa a Samoa igoa lautele mo fa'ailoga ma tusi pasi e pei o le Ātamua III, Tipiloma, Tikerī ma le Lātū o Faiva. O Fa'ailoga e tu'uina atu e A'oga Fa'auau o lo'o fa'apea foi ona aofia ai fa'amatalaga e uiga i fa'ailoga ese'ese. O le vaega masani o le igoa Faatonufofau o Faailoga ma Tusi Pasi Tauloa a Samoa, ft. Ātamua III, Tikerī. O le vaega fa'apitoa o lo'o aiaia ai le matātā tau a'oa'oga, e ui ina fa'apea e lautele atu se igoa fa'apitoa, ft. Tikerī o le Faatufugaga, Tikerī o le Fa'asaienisi.

O fa'ata'ita'iga nei:

- Ātamua II a Samoa i Suiga o le Tau ma Fa'afoga o Tulaga Lamatia o Fa'alavelave Matuiā
- Ātamua I II Pūlega o Pisinisi
- Ātamua II i Fa'amatalaga Fa'atekonolosi
- Tipiloma i Pisinisi
- Tipiloma Si'ita'i Auiluma i le Inisinia Fa'aeletise
- Tikerī ole Tausisoifua
- Tikerī E'eta'i o le Fa'asaienisi (with Honours)
- Tikerī i le Fa'asaienisi/Tikerī o Fa'atufugaga i Tulafono
- Tikerī o i Fa'amatalaga Fa'atekonolosi
- Tipiloma Filimafua I Tomai Fa'afaia'oga
- Tipiloma Si'ita'i Filimafua i Tomai i Komepuita Fa'asaienisi
- Lātū o Faiva i Pūlega o Pisinisi
- Matua o Faiva o le Tofamanino.

O le tele o polokalame tau a'oa'oga e aofia ai le fa'atulagaina o matā'upu a'oa'oina 'autū ma matā'upu fa'aleiloga o le a ta'ua lava i luga o fa'amaumauga o i'uga o su'ega, peita'i e lē atagia ai igoa o matā'upu ia i luga o le tusi pasi e fa'ae'e atu i le tagata a'oga fa'au'u fai fa'ailoga, e ta'ua o le pepa fa'amaonia aloa'ia po'o le fa'amatalaga o le tulaga maualuga ua ausia.

O se tulaga ta'atele mo le tele o fa'ailoga ma tusi pasi tauloa le fa'aaogāina o fa'apu'upu'uga o igoa ma fa'apena foi i igoa atoa o fa'ailoga ma tusi pasi tauloa. O le fa'apu'upu'uga o igoa mo fa'ailoga ma tusi pasi tauloa e tataua ona mulimulita'i i maliega fa'avāomalo mo tikerī o lo'o a'oa'oina i le gagana Peretania, i le amana'ia ai o lo'o iai ese'esega i igoa ma le fa'amatalaina o ni isi o fa'ailoga ma tusi pasi tauloa i isi atunu'u.

O le igoa tau tomai fa'apitoa "Matua o Faiva" e mafai ona fa'aaogāina e fa'apea e lē o se igoa o i le Fa'atonufofau o Fa'ailoga ma Tusi Pasi Tauloa i ni isi matātā e feso'ota'i ma le soifua mālōlōina lea o lo'o ta'atele ai galuega e pei o vaila'au mo togafitiga ma foma'i o nifo, e ui ina ua mae'a ma fa'ae'eina atu i lē o umia na o le Tikerī (Tulaga Maualuga VII) po'o se fa'ailoga po'o se tusi pasi (Tulaga Maualuga IX o le Lātū o Faiva).

E lē mafai ona ta'ua se fa'aailoga o le Lātū o Faiva o se tikerī o le matua o faiva o le tofamanino i so'o se fa'amatalaga tusitusia, tu'u fofoga po'o fa'amatalaga fa'atekonolosi foi, se'i vagana ai vaega ua tāua i lalo:

- O le fa'aaogaina o le igoa 'Juris Doctor' i se fa'aailoga e fa'atagaina mo se Tikerī o le Lātū o Faiva i galuega Fa'alōia.
- O le fa'aaogāina o le igoa 'Doctor of ...' i se fa'aailoga e fa'atagaina mo se Tikerī o le Lātū o Faiva o Fa'atufugaga (fa'aopoopo le taimi) mo galuega nei: galuega fa'afoma'i, galuega tau fa'amalositino, galuega fa'i nifo, galuega fa'afoma'i o mata ma foma'i o manu. A lē o lena, e mafai foi ona fa'aigoaina le fa'aailoga "Matua o Faiva o le Tofamanino o ..." po'o le 'Lātū o Faiva o ...', e pei o le Matua o Faiva o le Tofamanino/ Lātū o Faiva o Nifo, Matua o Faiva o le Tofamanino/Lātū o Faiva o Mata po'o le Matua o Faiva o le Tofamanino o Vaila'au Tau Togafitiga.
- E lē fa'atagaina Iunivesitē latou te ta'ua nei tikerī o ni tikerī o le matua o faiva o le tofamanino ma e ao ona fa'amatalaina i luga o fa'amaumauga e pei o tusitusiga fa'amauina e fa'apea o se Tikerī o le Lātū o Faiva (fa'aopoopo le taimi).

3.7.2 Mata'itusi po'o fa'apu'upu'uga o igoa o itū'aiga fa'aailoga.

E agava'a tagata a'o'oga fai fa'aailoga o i latou ia ua maua fa'aailoga ma tusi pasi taualoa i le Fa'atonufofua o Fa'aailoga ma Tusi Pasi Taualoa a Samoa, latou te fa'aaogaina mata'itusi po'o le fa'apu'upu'uga o igoa o fa'amatalaina ai o latou fa'aailoga e avefa ma fa'amatalaga e au'ili'ili ai (i tua ane o o' latou igoa), pe afai ua fa'amaonia i le maliega. E lē ta'atele le fa'aaogāina o lenei tulaga mo Ātamua I e o'o atu i le Ātamua IV.

O fa'ata'ita'iga ua ta'ua i lalo o ni isi ia o fa'apu'upu'uga ma mata'itusi e masani ona fa'aaogāina i fa'aailoga:

- Tipiloma i Pisinisi (DipCom)
- Tipiloma Si'ita'i i le Fa'akomepiuta (DipCompSci)
- Tikerī o Fa'atufugaga (BA)
- Tikerī E'eta'i o Fa'atufugaga (BA(Hons))
- Tikerī o le Fa'asaienisi (BSc)
- Tikerī i Vaila'au Tau Togafitiga, Tikerī i Ta'otoga o Gasegase (MBBS)
- Tikerī i le Fa'ainisinia (BEng)
- 'Atamua Mafatamai i Matā'upu Tau Fa'ato'aga (GCertAgrbus)
- Tipiloma Si'ita'i Filimafua i Atina'e Gafataulimaina (PGDip SustDev)
- Lātū o Faiva o Fa'atufugaga (MA)
- Lātū o Faiva o le Fa'asaienisi (MSc)
- Lātū o Faiva i Pūlega Tau Pisinisi (MBA).

O le igoa o le a'oga fa'aaauu , po'o sona fa'apu'upu'uga, e mafai foi ona aofia ai pe a mae'a le igoa o le fa'aailoga po'o le tusi pasi taualoa, ft. *DipCom USP* mo se Tipiloma o Pisinisi mai le Iunivesitē o le Pasefika i Saute.

Mo se fa'aailoga o le matua o faiva o le tofamanino, o le fa'apu'upu'uga ta'atele lava o le 'PhD' lea e ta'ua o le Matua o Faiva o le Tofamanino o Filosofia. E iai isi fa'aailoga ma tusi pasi taualoa e tele atu o latou igoa fa'apitoa. O le fa'ata'ita'iga o le Matua o Faiva o le Tofamanino o A'oa'oga (EdD) ma le Matua o Faiva o le Tofamanino o Pūlega Tau Pisinisi (DBA).

O tagata ao'oga ua fa'amanuiaina e "umia ma maua" (not Honorary) matua o faiva o le tofamanino (not Honorary), e mafai ona latou fa'aaogaina igoa e pei o le 'Dr', e **aunoa ma le fa'aaogaina o mata'itusi po'o le fa'apu'upu'uga** o igoa o fa'aailoga po'o tusi pasi taualoa.

3.8 Fa'asinoala mo le tu'uina atu o tusi pasi ma fa'amaumauga o i'uga tau le a'oa'oina

E tu'uina atu e a'oga fa'aauau fa'amatalaga tūsia i tagata a'o'oga fai fa'aailoga ta'ito'atasi e fa'amaonia ai o latou fa'aailoga aemaise a latou fa'atinoga tau a'oa'oga. O tusi pasi nei ma fa'amaumauga o le a avea ma molimau fa'amaoni o tulaga ua ausia tau a'oa'oga a tagata a'o'oga ta'ito'atasi. E masani lava ona tu'uina atu i ata o pepa aloa'ia peita'i o ō latou fa'amaumauga fa'aletoroni (electronic copy) e ao lava ona tausia ma teuina. E ao foi ona lava 'ato'atoa fa'amatalaga e tu'uina atu i luga o se pepa aloa'ia ma fa'amaumauga o i'uga o su'ega ina ia mautinoa ai le mafai ona fa'amaonia le moni o fa'amatalaga tusitusia ina ia fa'aiti'itia ai le tulaga tau fa'asesē.

O tagata fa'au'u uma ma fa'aailoga o i latou ia ua mae'a se polokalame tau a'oa'oga lea ua aga'i atu e fa'ae'eina atu iai se fa'aailoga po'o se tusi pasi o le Fa'atonufofau o Fa'aailoga ma Tusi Pasi Taualoa a Samoa, e ao ona ia maua ma talia se pepa aloa'ia ma se tusi pasi fa'amaonia o tulaga ua ausia.

O tusi pasi aloa'ia nei e fa'amaonia ai e fa'apea ua mae'a ma fa'amanuiaina lea tagata i se polokalame tau a'oa'oga ua fa'agasolo atu ai i le fa'ae'eina o le fa'aailoga po'o le tusi pasi taualoa. Ua mae'a ona sainia e le fa'alapotopotoga aloa'ia. E ao ona aofia ai i totonu o nei tusi pasi ta'itasi fa'amatalaga 'ato'atoa e iloagōfie ai le moni ma sa'o o lea tagata a'oga fai fa'aailoga.

3.8.1 Faamaoniga o se Faailoga poo Ātamua

O le tulaga masani lava, o le fa'amaoniga o se fa'aailoga e aofia ai fa'amatalaga nei:

- Igoa o le fa'alapotopotoga tau a'oa'oga: Ia ma'oti le fa'aailoaina o le igoa o le fa'alapotopotoga ua latou tu'uina atu le pepa aloa'ia fa'amaonia po'o le tusi pasi.
- Igoa o le tagata ua ia taulimaina: Ia aofia ai le igoa atoa o le tagata a'oga o ia lea ua mae'a ma le manuia le polokalame, o lona uiga, o le tagata a'oga fai fa'aailoga lea o le a fa'au'u ma le fa'aailoga o le Fa'atonufofau o Fa'aailoga ma Tusi Pasi Taualoa a Samoa.
- Igoa o le Fa'aailoga ma Tusi Pasi Taualoa: Ia ta'ua ai le fa'aailoga po'o le tusi pasi taualoa ua mae'a a lē ua ia taulimaina, o ni isi foi o taimi o ni fa'amatalaga fa'apitoa talafeagai po'o le matā'upu 'autū o le polokalame tau a'oa'oga na ia tau'aveina.

- Aso na Mae'a ai: Ia fa'ailoa ai le aso na mae'a ma uma ai le polokalame. (O le aso na tu'uina atu ai/fa'ailoga/fa'ae'e atu).
- Saini Fa'amaonia: E masani lava ona sainia pepa fa'amaonia aloa'ia po'o tusi pasi e sui lautogia o le a'oga fa'auau o i latou ia ua fa'atagaina e sainia, e pei o le Ta'ita'ifono o le fa'alapotopotoga e pūlea, o le Peresetene, fa'atonu, pule a'oga ma/po'o le resitara.
- Fa'amau Fa'ailoga Aloa'ia: Afai e mana'omia i tulafono lava ia a le a'oga fa'auau, e ao ona aofia ai ma le fa'amau fa'ailoga aloa'ia po'o se tagāvai a le a'oga fa'auau.
- Fa'ailoga patino pe a mana'omia: E ono mafai ona mana'omia le fa'ailoga patino a se lālā so'o'upu o le mālō ina ia aofia ai i luga o le pepa fa'amaonia aloa'ia.
- O isi meafaitino tulaga ese e iloagofie ai: E mafai e le a'oga fa'auau ona aofia ai isi pepa aloa'ia ina ia tu'uititia ai faiga taufa'asesē i pepa fa'amaonia aloa'ia, e pei o tusi pasi e lē manino ata (watermarks) po'o ia e fa'aaogā iai le sulu e iloa ai ata po'o fa'amatalaga (holograms).

O le fa'amaoniga o se fa'ailoga e fa'aaogā e aveia ma fa'alauiloa aloa'ia o tulaga tau le a'oa'oga ua ausia e le tagata a'oga ma e mafai foi ona fa'aaogaina e aveia ma fa'amatalaga molimau o le fa'ailoga po'o tusi pasi taualoa pe a talosaga ai se galuega, toe fa'auau ai le a'oa'oina po'o laisene tau tomai. O se pepa aloa'ia tele o lo o umia ma fa'amauina ai agatausili ma agava'a i totonu o le atunu'u. O le masani lava a tagata a'oga fai fa'ailoga, o le fa'amaoniga o se fa'ailoga e fai lelei o latou fa'ava'a ma fa'ailoa ai i luga itū uma nei.

3.8.2 Fa'amaumauga o I'uga tau le a'oa'oina, po'o pepa aloa'ia o fa'amatalaga tusitusia tau a'oa'oga

O se fa'amaumauga o i'uga tau le a'oa'oina, po'o "fa'amatalaga tusitusia tau le a'oa'oina" e fa'asino tonu i se pepa aloa'ia o lo o tu'uina atu ai se oto'otoga 'ato'atoa o fa'atinoga tau a'oa'oga a se tagata a'oga, tulaga, o togi i se fa'atulagaga fa'apitoa o iloiloga ao auai ai lea tagata a'oga i se fa'alapotopotoga tuma'oti. E tatau lava ona aofia ai ma fa'amatalaga e uiga i matā'upu a'oa'oina, matātā, iunite po'o matā'upu pupu'u fa'alea'oa'oga na tau'aveina fa'atasi ai ma taunu'uga tau a'oa'oga e feso'ota'i iai ua ausia e lea tagata a'oga.

O tagata a'oga o i latou ia ua mae'a ma fa'amalieina so'o se vaega o mana'oga o se fa'ailoga po'o se tusi pasi taualoa o le Fa'atonufofou o Fa'ailoga ma Tusi Pasi Taualoa a Samoa lea na fa'amauina ma ulufale ai i latou, e agava'a i latou e mauaina se fa'amaumauga atoa o i'uga o su'ega.

E tatau ona aofia ai i fa'amaumauga o i'uga tau le a'oa'oga fa'amatalaga nei:

- Pepa e iloagofie ai le tagata: O le a aofia i le fa'amaumauga le igoa atoa o le tagata a'oga, fuainumera e iloagofie ai lea tagata a'oga, fa'atasi ai ma so'o se isi lava auili'iliga talafeagai e iloagofie ai.
- Auili'iliga o le polokalame tau a'oa'oga: O le a oto'oto mai i fa'amaumauga iunite fa'apitoa o agava'a, iunite, matā'upu po'o matā'upu pupu'u fa'alea'oa'oga na tau'aveina e lea tagata, e aofia ai numera fa'ailo fa'apitoa ma igoa e feso'ota'i i ai. E mafai ona

fa'aailoa mai i le pepa aloa'ia o fa'amatalaga tusitusia pe na ausia le fa'aailoga po'o le tusi pasi e ala i su'esu'ega po'o galuega fa'atino tau a'oa'oga.

- Tulaga po'o Togi: O le a fa'aailoa mai i fa'amaumauga le tulaga, maka, togi na maua e lea tagata mo iunite ta'itasi. E mafai ona faia leni itū e ala i se fa'amatalaga o uiga agava'a, mata'itusi o le tulaga, fuainumera o togi po'o isi faiga fa'apitoa o le tulaga i le a'oga fa'aauau.

Togi ma togi fa'atatau: Afai ae talafeagai ai, e mafai ona aofia ai i fa'amaumauga fa'amatalaga e uiga i togi ma togi fa'atatau e feso'otai tonu ma iunite ta'itasi ma fa'aailoga ma tusi pasi taualoa i lona aotelega.

Fa'amatalaga tu'ufaatasi: E mafai ona tu'uina mai i fa'amaumauga oto'otoga tu'ufa'atasi o le aotelega o le fa'atinoga a le tagata a'oga, aemaise lava pe afai o fa'aaogāina iloiloga o le tulaga, fa'ata'ita'iga, o le fua maualuga fa'atusatusa o togi i pasene, po'o le fua o le maualuga fa'atusatusa e laugatasia ai, lea e atagia ai a latou fa'atinoga i le tele o isi iunite po'o matā'upu pupu'u fa'alea'oa'oga. Afai e tu'uina atu fua maualuga fa'atusatusa o togi i pasene, e ao foi ona aofia ai i totonu o le fa'amatalaga aloa'ia tusitusia se fa'amatalaga e fa'amatalaina ai fua maualuga fa'atusatusa o togi i pasene, o lo'o fa'aaogāina e ā'oga fa'aauau.

- Aso ma vaitaimi tau a'oa'oga: E mafai ona aofia ai i fa'amaumauga fa'amatalaga o aso na ulufale ma fa'amauina ai, kuata po'o isi fa'amatalaga e uiga i taimi na a'oa'oina ai.
- Fa'amatalaga i le A'oga Fa'aauau: E tataua ona aofia ai i fa'amaumauga le igoa o le a'oga fa'aauau, le saofaiga po'o vaega e fitoitonu ma le polokalame, fa'asolo atu ai i fa'aailoga ma tusi pasima so'o se isi lava auili'iliga talafeagai e fa'asino i le a'oga fa'aauau.
- Saini fa'amaonia po'o fa'amau fa'aailoga aloa'ia: O le fa'amaumauga o i'uga o le tulaga a'oa'oina e ao ona sainia pe fa'amaonia e se sui lautogia o le a'oga fa'aauau, o i latou ia ua fa'atagaina e sainia e aveva ma sui o le a'oga fa'aauau, e pei o le resitara. E mafai foi ona tu'uina atu isi fa'amatalaga molimau o le moni ato'atoa o lea pepa aloa'ia.

O fa'amaumauga o i'uga tau a'oa'oga o le a aveva ma pepa aloa'ia o lo'o atagia ai tulaga ua ausia tau le a'oa'oina o lea tagata a'oga fa'atasi ai ma ana fa'atinoga. E fa'aaogāina leni fa'amaumauga mo le tele o fa'amoemoega e pei o le talosagaina ai o avanoa e fa'alautele atu ai a'oa'oga, su'eina o se galuega po'o le fa'aailoa ma fa'amautū ai se avanoa sikolasipi, fa'aailoga po'o fa'aailoga taualoa. E mafai e fa'alapotopotoga tau a'oa'oga, fale faigaluega, ma isi vaega talafeagai ona talosagaina fa'amaumauga o i'uga tau a'oa'oga e iloilo ai fa'aailoga, tomai ma tulaga agava'a o se tagata.

E agava'a tagata fai fa'aailoga ua fa'au'u ma fa'aailoga e teuina pepa fa'amaonia aloa'ia ma fa'amaumauga o i'uga tau a'oa'oga i le taimi latou te taulimaina ai, vaganā ai:

- fa'aailoga ma tusi pasi taualoa o le Fa'atonufofau o Fa'aailoga ma Tusi Pasi Taualoa a Samoa e maua i la'asaga tau a'oa'oga e maualalo ifo i le matātā lava lea e tasi i le a'oga fa'aauau fa'amaonia lava lea, ma e iai le faiga fa'avae a le fa'alapotopotoga e uiga i le toe fa'afo'iina atu o pepa aloa'ia ma fa'amatalaga tusitusia; po'o

- E fa'alēaogāina le fa'ailoga po'o le tusi pasi taualoa i lalo o tu'utu'uga o faiga fa'avae a le a'oga fa'aauau fa'amaonia po'o ni isi mafua'aga.

Afai ua fa'ao'oina atu so'o se vaega o le fa'ailoga ma tusi pasi taualoa ma/po'o ua iloiloina foi i se gagana e ese ai na i lo le gagana fa'a-Peretania, e tatau ona aofia ai se fa'amatalaga o lea tulaga i luga o le pepa aloa'ia fa'amaonia fa'atasi ai ma fa'amaumauga o i'uga o a'oa'oga.

E mafai ona mana'omia e le Pūlega o Fa'ailoga ma Tusi Pasi Taualoa a Samoa fa'alapotopotoga fa'amaonia ina ia tu'uina atu ma aofia ai i totonu fa'amatalaga fa'aopo'opo i pepa aloa'ia o fa'amatalaga fa'amaonia tusitusia.

E tatau ona iai se faiga fa'avae a le a'oga fa'aauau, e fa'atagaina ai le toe suia o pepa aloa'ia o fa'amatalaga fa'amauina ma ave ma ana matāfaioi le fa'amautinoa o le tulaga moni ato'atoa o so'o se pepa aloa'ia o fa'amatalaga fa'amauina ua suia ai.

E ao i a'oga fa'aauau ona tausia se tusi resitala o fa'ailoga ma tusi pasi taualoa uma o le Fa'atonufofau o Fa'ailoga ma Tusi Pasi Taualoa a Samoa, ia fa'atagaina i latou e tu'uina atu, ma tausia ma teuina se tusi resitala o fa'ailoga ma tusi pasi taualoa uma ua latou fa'ae'e atu i tagata a'o'oga fai fa'ailoga uma ua mae'a a'oa'oga.

3.9 Suiga o le tulaga aloa'ia mo se fa'ailoga po'o se tusi pasi taualoa fa'amauina

3.9.1 Tulaga aloa'ia o se fa'ailoga ua fa'amauina i le Fa'atonufofau o Fa'ailoga ma Tusi Pasi Taualoa a Samoa.

E ao ona fa'ailoa ma fa'amauina fa'amatalaga manino o tulaga aloa'ia o fa'ailoga ma tusi pasi taualoa ta'itasi uma ua fa'amauina i le Fa'atonufofau o Fa'ailoga ma Tusi Pasi Taualoa a Samoa e fa'aaogaina ai fa'amatalaga nei:

- Taimi nei: O fa'ailoga ma tusi pasi taualoa o le taimi nei o fa'ailoga ma tusi pasi taualoa ia o lo'o ta'ua i luga o le Fa'atonufofau o Fa'ailoga ma Tusi Pasi Taualoa a Samoa i le taimi nei e mafai ona ofoina atu e se a'oga fa'aauau.
- Muta le Aogā: O fa'ailoga ua muta le aogā o fa'ailoga ma tusi pasi ia a lē ua toe suia i se isi fa'ailoga po'o se tusi pasi fou po'o ua mae'a ona faia iai le fa'ai'uga ina ia lē toe aloa'ia ma ua muta le aogā. E masani ona tula'i mai lenei itū ona ua fa'atino le lauliliuina o le fa'ailoga. E mafai ona fa'aauau pea ona iai fa'ailoga ma tusi pasi taualoa i tagata a'o'oga ua faau'uina i lea faailoga a'o fa'aauau ai a latou polokalame tau a'oa'oga, peita'i o le a lē mafai ona toe fa'amauina ma ulufale atu se tagata a'oga fou. O le a mana'omia tagata a'o'oga o iai nei ina ia fa'amae'a a latou fa'ailoga ma tusi pasi a'o lumana'i ai le aso e muta ai le aogā.
- Fa'amutaina: O fa'ailoga ma tusi pasi ua atofaina ina ia fa'amuta o le a lē toe iai po'o le fa'ae'eina atu foi.

3.9.2 Suia o le tulaga aloa'ia o se fa'ailoga po'o se tusi pasi taualoa fa'amauina

Afai ua mana'omia e le a'oga fa'aauau po'o le e tapenaina fa'ailoga ma tusi pasi taualoa, po'o se a'oga fa'aauau ina ia suia le fa'amomoe, igoa, fa'amatalaga o taunu'uga, la'asaga maualuga po'o togi fa'atatau o se fa'ailoga ma tusi pasi taualoa fa'amauina o le Fa'atonufofau o Fa'ailoga ma Tusi Pasi Taualoa a Samoa, e ao ona ia talosagaina se fa'amaoniga mai le Pūlega o Fa'ailoga ma Tusi Pasi Taualoa a Samoa i se taimi vave lava e mafai ai ona fa'atino. E lē tatau ona fa'atinoina nei suiga se'ia vaganā ai ua fa'amaonia muamua mai e le Pūlega o Fa'ailoga ma Tusi Pasi Taualoa a Samoa.

O le a logoina a'oga fa'aauau e uiga i so'o se suiga e faia i se malamala/vaega o le fa'ailoga po'o se tusi pasi taualoa ua fa'amaonia e le Pulega, ma ia malamalama lelei i gaoioiga e mana'omia ona latou faia, fa'atasi ai ma so'o se vaitaimi o le fesuia'iga i se fa'ailoga po'o se tusi pasi taualoa fou po'o toe fetu'una'iga.

Afai o se fa'ailoga po'o se tusi pasi taualoa fou po'o se fa'ailoga po'o tusi pasi taualoa ua toe fetu'una'i e fa'aagaga e suia ai se fa'ailoga po'o se tusi pasi taualoa o iai nei ua fa'amaonia lona tulaga aupito mana'omia, e lē tatau ona iai se tulaga fa'alētonu i le tagata o lo'o a'oga i le taimi nei. E tatau ona fa'amauina fa'atulagaga tau soloaiga ia aiaia ai:

- a) Taimi ma'oti fa'atapula'aina mo le fa'amae'aina o tusi pasi ma fa'ailoga taualoa o iai nei po'o agava'a aloaia
- b) Togi fa'atatau e fa'aliliuna atu po'o tu'usaunoaga mo vaega laiti fa'apitoa.
- c) Tagofiaina o fa'ailoga ma tusi pasi taualoa o lo'o tapenaina.
- d) Auala e fa'atino ai talosaga toe lloilo.
- e) Auili'iliga o faiga e fa'afoe ai fa'atulagaga.

3.9.3 Fa'afouga po'o le fa'amutaina ona toe fa'aaogaina o se fa'ailoga po'o se tusi pasi taualoa fa'amauina

E noatia fa'ailoga ma tusi pasi taualoa uma ua fa'amauina i luga o le Fa'atonufofau o Fa'ailoga ma Tusi Pasi Taualoa a Samoa i le lauliliuga fa'atautaia fa'avaitaimi, ina ia mautinoa ai o lo'o fa'atumauiina pea le talafeagai ma le isi, mo le silafia a le Pūlega o Fa'ailoga ma Tusi Pasi Taualoa a Samoa, o lo'o talafeagai pea ma ō gatasi taunu'uga ma agava'a aloaia ma isi fa'ailoga ma tusi pasi taualoa foliga tutusa.

Mo Fa'ailoga Samoa ma Fa'ailoga a A'oga fa'aauau, o le taimi masani mo le fa'amauina o fa'ailoga ma tusi pasi taualoa, e lima tausaga peita'i e mafai e le Pūlega o Faailoga ma Tusi Pasi Taualoa a Samoa ona vave amata iloilo pe afai ua vave mana'omia i ni tulaga e alia'e mai. E mafai ona fa'atumauiina pea le igoa o le tagata a'oga ma le igoa o le matātā tau a'oa'oga o le fa'ailoga po'o le tusi pasi taualoa lava lea ua fa'afou, e ui ina fa'apea ua vave ona suia agavaa aloaia – o le a fa'aalia lava le tulaga aloa'ia o le fa'ailoga po'o le tusi pasi taualoa o lo'o aloa'ia i le taimi nei. (silasila i le 3.9.1).

O le a lauliliuina e le Pūlega o Faailoga ma Tusi Pasi Taualoa a Samoa le fa'ailoga a le A'oga fa'aauau e fa'aaogā ai le fa'agasologa o le fa'amaoniga ma le iloilo o polokalame ma/po'o le fa'agasolosga o le Suesuega Auiliili o le tulaga aupito mana'omia.

Afai ua manatu le Pulega e ono iai ni mafua'aga e fa'alēaogāina ai e le Faatonufofau o Faailoga ma Tusi Pasi Taualoa a Samoa le fa'amauina o Faailoga a le A'oga fa'aauau, o le a ia tu'uina atu loa se fa'asilasilaga tusitusia i le itūtino o puleaina le A'oga fa'aauau:

a) e fa'atulaga atu ai mafua'aga mo lana fa'ai'uga/gaoioiga.

e) e ta'ua ai se vaitaimi talafeagai ma manino (e masani ona lua i le fa vaiaso) lea e tatau ona tu'uina atu ai talosaga tusitusia e uiga i lea matā'upu.

O le a iloiloina e le Pūlega o Faailoga ma Tusi Pasi Taualoa a Samoa so'o se talosaga tusitusia e tu'uina atu, ma e mafai ona ia tu'uina atu se isi vaitaimi manino e fa'a'ailoa ai nei matā'upu fa'apitoa. O le a fa'apea loa ona faia lana fa'ai'uga ma fa'ao'oina atu se fa'asilasilaga tusitusia mulimuli e fa'ama'oti ai auili'iliga ma le aso e aloa'ia ai lana fa'ai'uga.

E mafai ona amana'ia e le Pūlega o Faailoga ma Tusi Pasi Taualoa a Samoa le gaoioiga ua ta'ua i luga e avea ma taunu'uga o le su'eina fa'asu'etusi mo fa'amoemoega fa'apitoa, po'o le Suesuega Auili'ili o tulaga aupito mana'omia i fafo atu o le lotoifale o le Pūlega.

3.9.4 O le toe maua o le Tulaga aloa'ia o iai nei o Fa'ailoga ma Tusi Pasi Taualoa Fa'amauina

O se a'oga fa'aauau e ana le fa'ailoga po'o le tusi pasi taualoa ua fa'alēaogāina lona fa'amauina mai le Fa'atonufofau o Fa'ailoga ma Tusi Pasi Taualoa a Samoa e mafua mai ona o se su'esu'ega, suesuega auili'ili o tulaga aupito manaomia i fafo atu o le lotoifale o le Pūlega, e mana'omia lava le toe talosaga i le Pūlega ina ia toe fa'afo'i le tulaga aloa'ia o ia fa'ailoga ma tusi pasi taualoa.

Faasilasilaga mo le Tausisia o alafua olo'ula

E mafai e le Pūlega o Faailoga ma Tusi Pasi Taualoa a Samoa ona tu'uina atu se fa'asilasilaga tusitusia i se a'oga fa'aauau e faafoea/faatinoina a'oga fa'aauau ina ia faia, po'o le 'alo ese mai le faia o se gaoioiga ma'oti e fa'asino i le fa'amauina o so'o se fa'ailoga ma tusi pasi taualoa i le Fa'atonufofau o Fa'ailoga ma Tusi Pasi Taualoa a Samoa.

O fa'asilasilaga uma o le a tusitusia (o se tusi aloa'ia mai le Pulega) ma e ao ona:

- a) ia ta'ua le aso ua tu'uina atu ai; ma
- e) fa'ama'oti le taimi tonu tu'upoina po'o se taimi i luma ane, po'o se vaisua i le piliota fa'atulagaina, e fa'amalosia ai A'oga fa'aauau ia usitaia le fa'asilasilaga; ma
- i) ia ta'ua tulaga e ono alia'e mai o le a lē mafai ai ona lē tausisia le fa'asilasilaga.

E ao i se a'oga fa'aauau ua taulimaina se fa'asilasilaga o le tausisia ona ia usita'ia lea fa'asilasilaga i totonu o le taimi ua fa'ama'oti'ina, lea e masani lava ona i le va a iti'iti mai e sefulu aso ma le maualuga e luasefulu aso faigaluega mai le aso na tu'uina atu ai le fa'asilasilaga.

E mafai e le Pūlega o Faailoga ma Tusi Pasi Taualoa a Samoa ona ia lōmia ma fa'asalalau so'o se fa'asilasilaga o le tausisia, po'o se oto'otoga o le fa'asilasilaga o le tausisia i se faiga ua atofaina ina ia logoina ai tagata lautele e uiga i lea fa'asilasilaga o le tausisia ai. E mafai

e le Pūlega o Faailoga ma Tusi Pasi Tauloa a Samoa ona fa'aopo'opo atu le vaitaimi mo le a'oga fa'aauau e tu'uina atu a'oa'oga fa'aauau ina ia fa'asa'o ai le tulaga ua le tausisia ai.

Afai e lē usita'ia e le a'oga fa'aauau le fa'asilasilaga o le tausisia, e mafai e le Pūlega o Faailoga ma Tusi Pasi Tauloa a Samoa i lea lava taimi ona fa'ae'e atu, teuteuina po'o le fa'alēaogāina foi so'o se tu'utu'uga o iai nei o le fa'amauina o so'o sana fa'ailoga po'o se tusi pasi tauloa i le Fa'atonufofau o Fa'ailoga ma Tusi Pasi Tauloa a Samoa.

Pepa Fa'apipi'i A – O Fa'apu'upu'uga o Upu ma le fa'aliliuina ma lisi o Upu ma latou uiga

O le Fa'asologa o fa'apu'upu'uga o upu i mata'itusi ua fa'aaogaina i totonu o lenei pepa aloa'ia

Fa'apu'upu'uga	Fuaitau
DBA	Matua o Faiva o le Tofamanino i le Pūlega o Pisinisi
EdD	Matua o Faiva o le Tofamanino i A'oa'oga
FLPs	Auala fetu'utu'una'i tau le a'oa'oina
GPA	Fua maualuga fa'atusatusa o togi i pasene
HE	A'oga Maualuga e pei o le Iunivesite
NCSs	Agava'a aloa'ia
NQFs	Fa'atonufofau o Fa'ailoga ma Tusi Pasi Taualoa a le Atunu'u
NFL	A'oga Pupu'u
PhD	Matua o Faiva o le Tofamanino
PSET	A'oga Fa'aaauau
RCC	Aloa'ia o Agava'a o iai Nei
RPL	Aloa'ia o Ulua'i A'oa'oga
SAG	Komiti Faufautua mo Fa'ailoga Samoa (i matata eseese)
SQA	Pūlega o Fa'ailoga ma Tusi Pasi Taualoa a Samoa
SQF	Fa'atonufofau o Fa'ailoga ma Tusi Pasi Taualoa a Samoa
TVET	A'oga o Matātā Ese'ese
UNESCO	Fa'alapotopotoga a Mālo Aufa'atasi mo A'oga, Fa'asaïenisi ma Aganu'u
AF	A'oga fa'aaauau
FFTPTS	Fa'atonufofau o Faailoga ma Tusi Pasi Taualoa a Samoa

PFTPTS	Pūlega o Faailoga ma Tusi Pasi Taualoa a Samoa
--------	--

Uiga o Upu ua Fa'aogaina i Igoa o Fa'ailoga

Upu	Faamatalaga ma o latou Uiga ma le Fa'aogaina i Fa'ailoga
Ātamua e pei ona iai le fa'ailoga o Ātamua I - IV	O ulua'i ata segisegi o le taeao fou i le oso ane o le la ma lafoia ona ave i luga o le vasa loloa. O le aso fou. O lona uiga, pe a faatusaina i faailoga. O le ulua'i fa'ailoga po'o le faailoga amata/ faavae. E fa (4) fa'ailoga amata/ faavae i le Faatonufofola o Faailoga ma Tusi Pasi Taualoa a Samoa. E pei ona iai le: <ol style="list-style-type: none"> 1. Ātamua I 2. Ātamua II 3. Ātamua III 4. Ātamua IV
E'etai e pei ona iai le faailoga' E'eta'i o Faatufugaga IX, X	O le tulaga maualuga i le a'oa'oga fa'atufugaga. Ua taunuu tulaga pito sili ona maualuga (with honors) ft. Faatufugaga E'eta'i.
Filimafua	O mafua e aai ai lupe i le Tuasivi po'o atu i tuā'au. Tuutuu loloto le tofā ma fa'autaga e fa'atusa iai le upu 'Tuasivi'. 'Filimafua' o le filifili o mea aupito lelei ma atoatoa. O fua o laau o le vaomatua e aina e lupe. E filifili e lupe fua lelei o laau e aai ai. E mafai foi ona fa'amatalaina ai se filifiliga mo mea aupito lelei ma atoatoa. O lona uiga, pe a fa'atusaina i fa'ailoga, e mafai ona fa'augaina o se fa'ailoga ua filifili'ina ua lelei ma atoatoa le tulaga ua ausiaina.
Gatogiā	o le atu muamua lava o le tuliga atu, e masani lava o le atu lea e muamua te'a ma le alii taua o le nu'u. O mea silisili e ave mo fa'aulu'uluga o le nu'u, alii taua po'o le tu'ua o le nu'u. I le ofi mai o le talalelei, o le fa'amumua lea ua ave i faifeau/ fa'afeagaiga o nu'u. O lona uiga, pe a fa'atusaina i fa'ailoga, o le ulua'i fa'ailoga lea i lona fa'atulagaga ua iai po'o le tulaga maualuga ua iai.
Lātū o Faiva	O le sui ta'ita'i tufuga o le Agaiotupu, tufuga faufale. E iai foi fa'alupega ma upu talafeagai mo le fa'atufugaga o le sui ta'ita'i tufuga. O lona uiga, i le fa'augaina i le Faatonufofola o Faailoga ma Tusi Pasi Taualoa a Samoa e ave lea i le tulaga maualuga IX po'o le tulaga maualuga ua ausia e aofia ai tomai, agava'a ma le silafia/poto fa'aneionapo.
Mafatomai	O le 'mafa' o le upu autu, e fa'amatalaina ai le tulaga maoa'e ma maualuga ua iai, po'o seisi la'asaga ua ausia po'o ua taunu'u iai. E mafai foi ona fa'apea o le malosilili atu, pe tulaga ese. E ona fa'apogai ai isi upu, ft. Ua 'mafamafa' pe ua 'mamafa' lava le tulaga ua iai. E

	mafai fo'i ona fa'auigaina o le malō ma le anagatā. O le 'tomai' o le silafia ua iai. O lona uiga pe fa'atusaina i se fa'ailoga, ua ausia tulaga maualuga ua iai.
Matua o Faiva	O le ta'ita'i tufuga faufale. Ua fa'atogaina i le tomai, agava'a ma le poto masani i nafa fa'atufugaga. O le tualuga po'o le tumutumuga o se fa'atufugaga. E mafai ona fa'amatalaina o se tagata ua ausia fa'atumutumuga o se tausinioga. O lona uiga i le fa'aiugaina i le Faatonufofau o Faailoga ma Tusi Pasi Taualoa a Samoa, ua ausia le fa'atumutumuga o le ola a'oa'oina i tulaga tau fa'ailoga. E pei ona iai le tulaga maualuga X, o le atoaga ma faatumutumuga o ituaiga fa'ailoga.
Si'ita'i.	Ua si'isi'i aga'i i luga le tomai ma le malamalamaga, pe ua fa'aopo'opo i luga le tomai, silafia ma agava'a i matātā ua ausia.
Ese'esega o upu e pei o le 'Siita'i' ma le 'E'eta'i.'	E tali uiga tutusa lava upu e lua ae auga uma lava i le 'tulaga maualuga' ua ausia. O le upu 'Si'ita'i' e faamatalaina ai le fa'aopo'opoga/ faatupulaia o le tulaga maualuga ua iai. O le 'E'eta'i' ua maualuga le tulaga ua iai/ ausia, pe tu matila lava le tulaga maualuga ua iai.

Fa'asologa o Upu Fa'apitoa ma Fuaitau

Mafai ona fetu'utu'unai

O le fa'auigaina i le Faatonufofau o Faailoga ma Tusi Pasi Taualoa a Samoa, o le mafai gafatia ona fa'aaogā fa'amatalaga po'o auala e fa'atino ai mo isi fa'amoemoega e ese ai na i lo le tulaga na fuafua iai (faamatuu atu le iloa ma le tomai)

Saolotoga Faitoatasi

O le fa'auigaina i le Faatonufofau o Faailoga ma Tusi Pasi Taualoa a Samoa, o le mafai/gafatia e fa'aaogā ai le tomai ma le poto masani e faia ai fa'ai'uga i tafa ese'ese uma o se galuega po'o se matātā tau a'oa'oga.

Tikeri

O le Tikeri o le fa'atomuaga lea i le si'omaga lautele o tomai, auala e fa'aaogāina, ta'iala, talitonuga, metotia 'autū tau su'esu'ega ma le poto fa'apitoa e fo'ia ai fa'afitauli o se matā'upu po'o matā'upu a'oa'oina 'autū.

Ātamua

1. O se fa'ailoga po'o se tusi pasi aloa'ia tau a'oa'oga o le Tulaga Maualuga I i le IV o le Fa'atonufofau o Fa'ailoga ma Tusi Pasi Taualoa a Samoa, ma le Tulaga Maualuga VII ma le VIII (silasila i le Tusi Pasi o Tagata Fai Fa'ailoga po'o le Tipiloma ma le Tusi Pasi po'o le Tipiloma Maualuga o Tagata Fai Fa'ailoga). O Ātamua o le Tulaga Maualuga I i le IV e masani lava ona fa'aaogaina e saunia ai tagata a'oa'oga mo, a lē o galuega, po'o le fa'alautele atu foi o a'oga po'o a'oa'oga fa'amasani.

2. O se fuaitau lautele mo le fa'amaumauga o se fa'aailoga po'o se tusi pasi taualoa, po'o le fa'amae'aina o a'oa'oga i fa'atulagaga masani po'o a'oa'oga fa'aauau. Silasila i le pepa fa'amaonia aloa'ia.

Agava'a

O le mafai gafatia e fa'aaoga taunu'uga o le a'oa'oina i se si'omaga fa'apitoa. O tulaga agava'a o se tomai fa'alemafaufau t'ua tele i nofoaga tau galuega ma le a'oa'oina o tomai i mat'ata ese'ese, ona o le mafua'aga, o lo'o fa'amatala auili'ili ai le agava'a o le tagata a'oga e fa'aaoga ai lona iloa ma le tomai i se tulaga talafeagai lelei ona fa'atino i le galuega o feagai ai.

Mat'upu tau a'oa'oga

O mat'upu tau a'oa'oga o se vaega o se polokalame tau a'oa'oga e aofia ai le fa'ao'oina atu o a'oa'oga ua tu'ufa'atasia ai mat'upu tau a'oa'oga t'ua, po'o a'oa'oga fa'agasolo e aofia ai mat'upu tau a'oa'oga talafeagai, auala tau le a'oa'oina ma le malamalama, puna'oa tau a'oa'oga, gaoioiga tau iloiloga, auala e fa'ao'oina atu ai a'oa'oga ma le umi o le vaitaimi e atofaina ina ia ausia ai se vaega o fa'ataotoga o taunu'uga tau le a'oa'oina. O lo'o fa'apea foi ona ta'ua nei tulaga o "iunite", mat'upu pupu'u fa'alea'oa'oga", "pepa" po'o "mat'upu a'oa'oina".

Tusi Fa'amaonia o tomai ma agava'a

I se va'aiga fa'alea'oa'oga, o lona uiga o se pepa aloa'ia e fa'amaonia ai, a'oa'oga fa'aauau i fa'atulagaga masani po'o a'oa'oga fa'aauau, le poto masani po'o le auai e fa'aailoa ai o lo'o i lea tagata tulaga agava'a e faia ai se mea po'o, ua ia mauaina ni isi tomai ma le iloa. O se fa'aailoga po'o se tusi pasi aloa'ia tau a'oa'oga o se tasi lea o tala'aga o tomai ma agava'a.

Togi

O le fa'auigaina i le Fa'atonufofau o Fa'aailoga ma Tusi Pasi Taualoa a Samoa, o togi fa'atatau o lona uiga, o le fuafa'atatauina ma le fa'aailoa aloa'ia o le tulaga a'oa'oina ua ausia i si'omaga tau a'oa'oga. Ua fa'amatala manino e le Fa'alapotopotoga a M'alo Aupa'atasi o A'oga, Fa'asaienisi ma Aganu'u (UNESCO) togi fa'atatau e fa'apea: "O togi fa'atatau o le fua fa'atatauina ua lagolagoina lautele o le maualuga o le tulaga a'oa'oina i vaitaimi o se tagata a'oga e tusa ai ma gaoioiga ma fa'atinoga tau a'oa'oga, e mana'omia ina ia fa'amae'a ai iunite tau a'oa'oga, e afua mai ai taunu'uga tau le a'oa'oina" (Vl'asceanu et al., 2004. p.31). Silasila i "togi fa'atatau fesi'ita'i" ma le 'maualuga o togi fa'atatau'.

Togi fa'atatau e mafai ona fesi'ita'i

O se fa'atulagaga fa'apitoa o le Aloa'ia ai o A'oa'oga Muamua, pe afai o le tulaga a'oa'oina na ausia i fa'aailoga ma tusi pasi muamua ua fa'atagaina ai le fesi'ita'i atu o togi fa'atatau nei i se fa'aailoga po'o se tusi pasi taualoa fou. Ua ta'ua lena tulaga o "togi fa'atatau e mafai ona fesi'ita'i" po'o "togi fa'ae'e atu ona o a'oa'oga muamua po'o tomai tau galuega".

Togi Fa'atatau

O le maualuga fa'anumeraina ua atofaina mo fa'aailoga ma tusi pasi taualoa pasi ato'atoa, ma fa'apena foi ma ona vaega uma, o lo'o fa'aailoa ai le taimi fa'atagaina e mana'omia mo se

tagata a'oga masani e fa'ailoa ai e fa'apea, ua ausia uma taunu'uga ua fa'ama'otiina. I le Fa'atonufofau o Fa'ailoga ma Tusi Pasi Taualoa a Samoa, o le maualuga o togi fa'atatau e atagia ai le "umi o le vaitaimi e aoaoina ai" o lo'o ua fa'ata'oto, lea e 1 le togi fa'atatau = 10 itulā fa'atulagaina o a'oa'oga. E ta'ua foi lenei tulaga "o togi fa'atatau maualuluga".

Tipiloma

O se fa'ailoga po'o se tusi pasi taualoa tau a'oa'oga i le Tulaga Maualuga V ma le VI o le Fa'atonufofau o Fa'ailoga ma Tusi Pasi Taualoa a Samoa, ma le Tulaga Maualuga VII ma le VIII (silasila i le Tusi Pasi Maualuga po'o le Tipiloma ma Tusi Pasi Maualuga po'o Tipiloma o Tagata A'oga Fai Fa'ailoga). O Tipiloma i le Tulaga Maualuga V ma le VI o lo'o aloa'ia ai le mauaina o le iloa ma tomai i le la'asaga maualuga, ma e masani ona fuafuaina i luga o fa'ailoga ma tusi pasi taualoa ma le poto masani.

Matua o Faiva o le Tofamanino

O se fa'ailoga po'o se tusi pasi taualoa tau su'esu'ega o se la'asaga taua aupito maualuga atu na i lo le Tikeri o le Lātū o Faiva, o lo'o atagia ai le tulaga tuto'atasi tau tomai fa'apitoa, ma e fa'ae'e atu e aloa'ia ai galuega tau su'esu'ega ma galuega fa'atino fa'alemafaua ua iloga ona saofagā ai i tomai ma le iloa.

Vaega Fa'amalieina mo le Ulufale

O le fa'auigaina e le Fa'atonufofau o Fa'ailoga ma Tusi Pasi Taualoa a Samoa, o le ta'iala fa'avae ua fa'amautūina e se fa'alapotopotoga e tu'uina atu a'oa'oga fa'aauau lea e fa'atagaina ai se tagata ā'oga ina ia fa'amauina. Ua fa'apea foi ona ta'ua lenei tulaga o se mana'oga e ulufale ai.

Fua Maualuga fa'atusatusa o togi i pasene

Mo galuega tau iloiloga e fa'asino i taunu'uga tau le tulaga, e mafai ona fa'aliliuina le maualuga o le tulaga i fuainumera, e masani ona amata mai le 0 i le 4 po'o le 0 i le 7 pe afai o le 0 e iloa ai ua lē pasi ma le numera 4 po'o le 7 o tulaga ma togi maualuluga ia. E masani ona fa'atatauina se fua maualuga fa'atusatusa o togi i pasene e ala i le fa'aopo'opoina o fa'atulagaga ausia mulimuli uma, ma vaevaeina ai lea aofa'iga i tulaga fa'ae'e atu o tomai ma agava'a ua ausia e lea tagata a'oga, peita'i e mafai foi ona fa'atāua, mo se fa'ata'ita'iga, e ala i le maualuga o togi fa'atatau o iunite uma ua mae'a.

'Atamua Mafatamai poo le Tipiloma Filimafua

O se fa'ailoga Mafatamai po'o se Tipiloma o tagata a'oga fai fa'ailoga ua atofaina e avea ma auala e mafai ai ona mulimulita'ia e tagata a'o'oga fai fa'ailoga le fa'alauteleina atu o a'oa'oga i se la'asaga maualuga atu. O lenei fa'ailoga po'o tusi pasi e mafai ona fuafuaina ina ia fa'alautele ai le iloa ma tomai i se matā'upu po'o se matātā masani, po'o le atia'e ai foi o tomai i se isi matātā fou tau a'oa'oga.

A'oa'oga fa'aauau pea o le soifuaga

E fa'asino i le avea o a'oa'oga ma gaioiga fa'aauau pea ma amana'ia "le tulaga a'oa'oina", o se fa'agasologa e fa'aauau pea i le olaga o le tagata soifua, e pei ona fa'amatalaina e fa'apea:

O le fa'aauau pea ona a'oa'oina a o fa'agasolo le olaga le maua'a ai o le tu'ufa'atasia o gaoioiga tau le a'oa'oga mo tagata uma po'o le ā lava le matua o le soifua (tamaiti, talavou, tagata matutua, teine ma tama, tamaita'i ma ali'i), i si'omaga lautele uma o le olaga ('āiga, ā'oga, nu'u ma alalafaga, o fale faigaluega ma isi mea fa'apenā), ma ala i le tele o itūaiga o vaega tōtino ese'ese (a'oa'oga fa'aauau i fa'atulagaga masani, a'oa'oga fa'aauau e lē i le fa'atulagaga masani), ia a tu'u fa'atasi ua fa'amalieina ai le tele ma le anoanoa'i o mana'oga tau a'oa'oga.

(UNESCO Institute for Lifelong Learning:
<https://www.uil.unesco.org/en/unescoinstitute/mandate/lifelong-learning>).

Tikerī o le Lātū o Faiva

O le Tikerī o le Lātū o Faiva e masani lava ona atofaina ina ia fa'alautele atu ai le matā'upu po'o matā'upu 'autū o se tikerī aloa'ia muamua po'o, e mafai ona atia'e i luga o le iloa ma tomai talafeagai e afua mai i le poto masani tau galuega.

Agava'a Aloa'ia

O aiaiga o tulaga agava'a e mana'omia mo fa'atinoga lelei i le fale faigaluega, ua fa'amatala manino i se fa'ata'otoga o gatasi ma ua fa'amaonia i totonu o le atunu'u e pā'aga masani talafeagai mo le fa'aaogāina i totonu o se alamanuia po'o se vaega fa'apitoa. Fa'aaogāina mo Fa'ailoga ma Tusi Pasi Tualoa a Samoa. Silasila i 'malamala o agavaa'.

Tu'ufa'atasia o Fa'ailoga

O le tu'ufa'atasa o ni matā'upu a'oa'oina e la'asaga ese'ese ia ua aofia ai fa'atulagaga o fa'ailoga ma tusi pasi mai le la'asaga maualalo aga'i atu i le la'asaga maualuga, ina ia mafai ai ona tele avanoa e agava'a ai e amata a'oa'oga ma le fa'ai'uga ua mae'a. O se fa'ata'ita'iga o se 'Atamua Gatogiā ma le Tipiloma ua tu'ufa'atasia i totonu o fa'ailoga ma tusi pasi tualoa o Tagata A'oga Fai Fa'ailoga ua aofia uma ai i totonu o le Tikerī o le Lātū o Faiva.

Itūlā Fuafuaina mo A'oa'oga

O le fua fa'atauaina o itūlā e mana'omia mo gaoioiga tau le a'oa'oina o itūaiga uma ia e mana'omia ai se tagata a'oga "e fua fa'atusatusa le maualuga o lona iloa" e ausia ai se fa'ailoga po'o se tusi pasi. E lē o se fua fa'atusatusa talafeagai peita'i e fa'avae i luga o ta'iala fa'atulagaina ua loa ona fa'amautūina.

Fa'ailoga o le 'Atamua Gatogiā ma le Tipiloma Si'ita'i Filimafua

Ua atofaina fa'ailoga ma tusi pasi tualoa maualuluga o tagata a'oga fai fa'ailoga ina ia fa'alautele atu ai ma loloto le iloa ma tomai e ala i fa'atonuga aloa'ia ma su'esu'ega, e ta'atele i le vaega lava lea e pei o le ulua'i tikerī.

A'oga fa'aauau

O le Fa'alapotopotoga e Tu'uina atu Au'aunaga o A'oa'oga Fa'aauau i totonu o Samoa e aofia uma ai itūaiga uma o gaoioiga tau ā'oga ma a'oa'oga o lo'o faia i fafo atu o faiga tau

a'oa'oga o lo'o fa'aaogāina ai so'o se auala ua fa'atulagaina tau le a'oa'oina. O lenei tulaga e aofia ai:

- A'oga fa'ale-Iunivesitē
- A'oga ma a'oa'oga fa'amasani i Matātā Ese'ese
- A'oa'oga tau tomā ma a'oa'oga fa'amasani mo Faiā'oga e le'i fa'au'uina ma faiā'oga ua fa'au'uina.
- Kolisi fa'afai'au ma fa'alapotopotoga tau tāpua'iga
- A'oa'oga fa'auau, ma
- A'oa'oga fa'amasani mo tagata faigaluega.

Polokalame (o a'oa'oga)

O se fa'atulagaga o gatasi o matā'upu, matā'upu pupu'u fa'alea'oa'oga, pepa, tu'ufa'atasiga o agava'a o le iloa ma tomā po'o iunite ua fuafuaina ia fa'amalieina ai mana'oga o se fa'ailoga po'o se tusi pasi taualoa.

Fa'amaoniga aloa'ia o polokalame

O le fa'asologa o lo'o fa'aaogāina e iloiloaina ai le tulaga gafataulimaina e se a'oga fa'auau e tusa ai ma li'otau faitaulia, e ausia ai se fa'ailoga po'o se tusi pasi taualoa o le Fa'atonufofau o Fa'ailoga ma Tusi Pasi Taualoa a Samoa.

Fa'alapotopotoga e Tu'uina atu A'oa'oga Fa'auau

I le tulaga o iai Samoa, o se fa'alapotopotoga po'o se fa'alapotopotoga tuto'atasi fa'aletulafono ua fa'amoemoe e ofoina atu, po'o latou ofoina atu a'oa'oga fa'auau ma a'oa'oga fa'amasani, e tusa lava po'o a'oa'oga i fa'atulagaga masani po'o a'oa'oga fa'auau foi.

Faailoga a le A'oga fa'auau

O se fa'ailoga po'o se tusi pasi taualoa ua saunia ma fa'ae'e atu e se fa'alapotopotoga ua fa'amauiina e tu'uina atu a'oa'oga fa'auau, po'o le fa'amaoniga aloa'ia e fa'apea ua ausia manuia e se tagata taunu'uga tau le a'oa'oina mo sea fa'ailoga po'o se tusi pasi.

Fa'ailoga

O se fa'ailoga po'o se tusi pasi taualoa o se fa'amaoniga aloa'ia lea e fa'ailoa ai ua fa'amanuiaina ma ausia e se tagata taunu'uga tau le a'oa'oga uma o se polokalame ua fa'amaonia aloa'ia i se la'asaga fa'apitoa o le fa'atulagaga o fa'ailoga ma tusi pasi taualoa.

Malamala o le fa'ailoga

O se vaega e mafai ai ona iloagofie se fa'ailoga po'o se tusi pasi taualoa. O vaega laiti ta'itasi uma o se fa'atulagaga o taunu'uga o a'oa'oga ia e ao i se tagata ona ausia ina ia ona taulimaina ai togi fa'atatau e mauaina ai se fa'ailoga po'o se tusi pasi aloa'ia. Ia silasila foi i "matā'upu a'oa'oina" ma "malamala o agava'a". Mo Fa'ailoga ma Tusi Pasi Taualoa a Samoa, o vaega laiti ta'itasi uma o agava'a aloaia.

Fa'atonufofau o Fa'ailoga ma Tusi Pasi Taualoa

O se fa'atulagaga fa'avasegaina, e masani lava i le itū fa'aleatunu'u po'o le fa'aitūlagi foi, e fa'ailoa ai la'asaga ma itūaiga o fa'ailoga ma tusi pasi taualoa tau a'oa'oga ua fa'amaonia le tulaga aupito mana'omia ia e mafai ona amana'ia aloa'ia po'o le fa'amauina. Ia silasila i le Fa'atonufofau o Fa'ailoga ma Tusi Pasi Taualoa a Samoa.

Oloula o le maoa'e 'ausigatā

O se fuaitau lautele mo gaoioiga uma ia o lo'o talitonuina ai o lo'o fa'atino e a'oga fa'aauau le tu'uina atu o a'oa'oga ma a'oa'oga fa'amasani ina ia tusa ai ma tulaga fa'ata'atitia mana'omia ma o gatasi lelei ma sini 'autū fa'amoemoeina.

Tulaga Aloa'ia

I le si'omaga o le Fa'atonufofau o Fa'ailoga ma Tusi Pasi Taualoa a Samoa, o lona uiga o le fa'alauiloaina e le Pūlega o Fa'ailoga ma Tusi Pasi Taualoa a Samoa o le aloa'ia po'o le tusa ai ma le tulafono o se fa'ailoga po'o se tusi pasi taualoa, po'o se fa'ai'uga foi e faia e isi tagata ina ia fa'amaonia aloa'ia ai le tulaga aupito mana'omia o se fa'ailoga ma tusi pasi po'o polokalame e aunoa ma le taumateina o le fa'amaoniga e tu'usa'o atu e le Pūlega o Fa'ailoga ma Tusi Pasi Taualoa a Samoa i luga o lea lava tulaga aloa'ia.

Aloa'ia o Tulaga Agava'a o umia i le taimi nei

O le Aloa'ia ai o Tulaga Agava'a o umia i le taimi nei ua fa'aaogāina ina ia fa'ailoa ai o lo'o fa'amautūina tulaga agava'a nei pe afai ua fa'ai'u manuia ma mae'a fa'amalieina mana'oga o se malamala o agava'a, peita'i o lo'o iai se taimi fa'atapula'aina e fa'asino i le iai o le iunite i le taimi nei. E masani ona mana'omia e se pūlega o laisene lenei iloiloga.

Aloa'ia o Ulua'i A'oa'oga

O se fuaitau e fa'amatalaina ai auala e iloilo aloa'ia ai le iloa ma tomā talafeagai o se tagata ina ia faia ai se fa'ai'uga pe o ia fa'amalieina taunu'uga tau le a'oa'oga o se fa'ailoga po'o se tusi pasi taualoa, po'o le malamala o le fa'ailoga po'o le tusi pasi fa'atasi ai ma isi mana'oga talafeagai.

Fa'amauina

E tusa ai ma le si'omaga o le Fa'atonufofau o Fa'ailoga ma Tusi Pasi Taualoa a Samoa, o lona uiga o le fa'ata'otoga fa'alau'itele po'o le fa'alauiloaina aloa'ia i luga o fa'amatalaga tusitusia o le Fa'atonulau o Fa'ailoga ma Tusi Pasi Taualoa a Samoa, o se fa'ailoga po'o se tusi pasi taualoa ua fa'amauina, e aunoa ma le tulaga o le mana'omia ai o se fa'amaoniga mo lona fa'amauina. Mo se fa'ata'ita'iga, e tusia agava'a aloaia o se tagata i luga o le Fa'atonufofau o Fa'ailoga ma Tusi Pasi Taualoa a Samoa ae lē fa'amauina, peita'i e fa'amauina Fa'ailoga ma Tusi Pasi Taualoa a Samoa o lo'o aofia ai ma agava'a aloaia.

Lesitala o Fa'ailoga ma Tusi Pasi Taualoa

O le fa'agasologa ua fa'aaogāina e fuafua ai ma faia le fa'ai'uga, po'o ua fa'amalieina e se fa'ailoga po'o se tusi pasi taualoa ta'iala fa'avae mo le aofia ai i totonu o le lisi o fa'ailoga ma tusi pasi taualoa ua fa'amaonia le tulaga aupito mana'omia i luga o le Fa'atonufofau o Fa'ailoga ma Tusi Pasi Taualoa a Samoa, ma le tu'uina ai i totonu o le fa'asologa po'o le fa'amauina aloa'ia o fa'ailoga po'o tusi pasi taualoa i le Fa'atonufofau o Fa'ailoga ma Tusi

Pasi Taualoa a Samoa, e ala i se tusi lesitala ua tausia e le Pūlega o Fa'ailoga ma Tusi Pasi Taualoa a Samoa, e pei ona aiāia ai i le Tulafono o le Pūlega o Fa'ailoga ma Tusi Pasi Taualoa a Samoa 2010.

Fa'ailoga ma Tusi Pasi Taualoa a Samoa

O fa'ailoga ma tusi pasi taualoa nei ua tapenaina i totonu o le atunu'u, ina ia fa'amalieina ai mana'oga po'o aiā o tulaga fa'amuamua fa'apitoa i le atunu'u, o lona tapenaga ua aofia ai, ma ua fa'amaonia lautele lenei tulaga e ala i alamanuia talafeagai lelei i totonu o le atunu'u, galuega tau tomai po'o le fa'asoa atu i le atunu'u o taunu'uga tau le a'oa'oga o fa'ailoga ma tusi pasi taualoa.

Fa'atonufofau o Fa'ailoga ma Tusi Pasi Taualoa a Samoa

O se fa'atulagaga fa'avasegaina o lo'o fa'aילוaina ai tulaga maualuluga ma itūaiga o fa'ailoga ma tusi pasi taualoa ua fa'amaonia aloa'ia le ausia tulaga oloula ausigatā, lea e mafai ona ofoina atu i totonu o Samoa e fa'alapotopotoga tau a'oa'oga.

Si'omaga patino tau galuega po'o a'oa'oga

O si'omaga tau galuega po'o a'oa'oga e patino tonu i le tagata lava ia lea e mafai ai e ia ona faia lana fa'ai'uga mo ia lava e tusa ai ma le natura o le galuega po'o a'oa'oga.

Fa'amaoniga o se Fa'ailoga.

O se tusi pasi e tu'uina atu i se tagata pe a fa'au'uina ma se fa'ailoga po'o tusi pasi taualoa aloa'ia mai se fa'alapotopotoga tau a'oa'oga.

Fa'amaumauga tusitusia (o fa'aiuga o taunu'uga tau le a'oa'oina)

O le fa'auigaina i le Fa'atonufofau o Fa'ailoga ma Tusi Pasi Taualoa a Samoa, o se fa'amaumauga aloa'ia o fa'ai'uga ua ausia e se tagata a'oga i iloiloga tau a'oa'oga e fa'agasolo atu ai i se fa'ailoga po'o se tusi pasi taualoa tau a'oa'oga.

Malamala o agava'a

O se malamala o le faailoga po'o se tusi pasi taualoa o lo'o fa'ama'oti ai se fa'atulagaga o taunu'uga tau le a'oa'oina mo fa'atinoga lelei, e masani lava ona tula'i mai i se si'omaga tau galuega lea e fa'aaogaina ai iloiloga e fa'avae i luga o tulaga agava'a. Mo fa'ailoga ma tusi pasi taualoa a Samoa, o lenei vaega la'itiiti ua ta'ua o se Tulaga Fa'ata'atia o Agava'a o le Atunu'u.

Iunivesite (Iunivesitē)

O se Iunivesite (iunivesitē), o se fa'alapotopotoga lea e lautele ma ese'ese le fa'atulagaga o a'oa'oga ma su'esu'ega aemaise lava i le tulaga maualuga atu, lea o lo'o fa'amausalī ai, fa'agasolo, fa'aילוa atu ma fesoasoani i le fa'aaogāina o tomai; e iai le sa'olotoga ma le tuto'atasi tau tomai; u'unaia a'oa'oga i le atunu'u ma o lo'o fa'a'au'upegaina e le anoanoa'i o faia'oga fai fa'ailoga ma tusi pasi taualoa maualuluga i fa'atufugaga ese'ese.

Umi o le taimi e a'oa'oina ai

O le maualuga o le tulaga a'oa'oina e mana'omia ona tau'aveina e tagata a'o'oga ina ia mafai ai ona ausia se fa'aailoga po'o se tusi pasi taualoa. I le Fa'atonufofou o Fa'aailoga ma Tusi Pasi Taualoa a Samoa, o lo'o fa'amatalaina e fa'apea, o itūlā e mana'omia po'o, e tatau ona a'oa'oina ai ma mae'a se matā'upu a'oa'oina. Silasila i le fuafuaina o le maualuga o "togi fa'atatau".

Pepa Fa'apipi'i E: Fuaitau /Faaupuga Puipuia

O vaega ua ta'ua i lalo o fuaitau puipuia ia o lo'o aofia ai i le Tulafono o le Pūlega o Fa'aailoga ma Tusi Pasi Taualoa a Samoa 2010.

Atunu'u ma Samoa

O le fa'aaogaina o fuaitau o le Atunu'u ma Samoa i se igoa o se fa'aailoga po'o se tusi pasi taualoa e fa'atapula'aina:

- Po'o ai e ona le atina'e o a'afia ai, ma fa'amaonia fa'alauaitetele e le fa'alapotopotoga tau alamanuia talafeagai a le atunu'u, galuega tau tomai po'o le vaega o le atunu'u e feso'ota'i iai i le igoa o le fa'aailoga po'o le tusi pasi taualoa ma taunu'uga o lea fa'aailoga po'o le tusi pasi.
- O lo'o iai vaega laiti ia e mafai ai ona fe'avea'i ai ma fa'aaogāina togi fa'atatau e aunoa ma le fa'atuai (e mafai ona feavea'i).
- O lo'o amana'ia ai le mafai ona fa'aliliuina atu fa'atasi ai ma le tomai lautele aemaise alamanuia fa'apitoa ma le iloa ma tomai tau galuega.
- E mafai ona fetu'utu'unai lona fa'atulagaga ma avanoa ai tagata e ausia matāti'a maualuluga, filifiliga o itūaiga galuega ma feso'ota'iga o galuega ma fa'aailoga ma tusi pasi taualoa, ma
- ua fa'amauiina i luga o le Fa'atonufofou o Fa'aailoga ma Tusi Pasi Taualoa a Samoa.

O lo'o avanoa fa'aailoga ma tusi pasi taualoa a Samoa i fa'alapotopotoga fa'amauiina uma latou te tu'uina atu a'oa'oga fa'aāuau, o i latou ia ua mafai ona latou fa'amalieina mana'oga o polokalame fa'apitoa ua fa'amaonia aloa'ia.

O le fa'aaogaina o fuaitau o le Atunu'u ma Samoa i le igoa o se fa'alapotopotoga e tu'uina atu a'oa'oga fa'aāuau e fa'apea foi ona fa'asāina. O le fa'atagaga e fa'aaogāina nei fuaitau i le igoa o se Fa'alapotopotoga e Tu'uina atu A'oa'oga Fa'aāuau, e tatau ona tūpāina se faamaoniga mai le Pūlega o Fa'aailoga ma Tusi Pasi Taualoa a Samoa.

Tikeri

O se fa'aailoga po'o se tusi pasi taualoa ua fa'ae'eina atu ina ua mae'a ai ona fa'amalieina le, ma ausia ma le manuia se polokalame o a'oa'oga tulaga auiluma ua a'oa'oina e tagata o lo'o fitoitonu ma su'esu'ega, ma ia o lo'o fa'amamafaina ai ta'iala fa'avae lautele fa'atasi ai ma ulua'i tomai e ave ma fa'avae o galuega e patino i le tagata a'oga lava ia.

Fa'ailoga Tikeri

O le Fa'ailoga Tikeri o se fa'atomuaga ua mae'a saunia ato'atoa ma talafeagai lelei ma tomai, auala tau fa'atinoga, ta'iala fa'avae, talitonuga fa'alemafau, metotia tau su'esu'ega ma le poto masani e fo'ia ai fa'afitauli e tusa ai ma se matā'upu po'o ni matā'upu a'oa'oina 'autū aloa'ia o lo'o tau'aveina.

Tikeri o le Lātū o Faiva

O se Tikeri o le Lātū o Faiva e masani lava ona fuafuaina ina ia fa'alautele atu ai le matā'upu po'o matā'upu 'autū o le tikeri e fa'amaonia ai po'o, e mafai foi ona fa'avae i luga o le atamai ma le tomai talafeagai e maua mai i le poto masani o tulaga auiluma tau galuega. O lo'o aofia i se Tikeri o le Lātū o Faiva se vaega tāua tele o su'esu'ega mata'itūina lelei, o ona taunu'uga e masani lava ona fa'aalia ai mafauauga, metotia, talitonuga ma su'esu'ega fa'atino i totonu o se pepa tusitusia tāua. E mafai foi ona fa'apea e fesoasoani tele galuega fa'atino tau su'esu'ega fa'alemafau.

O lenei su'esu'ega e tataua ona fa'ailoa manino ai le agava'a o lea sui e tusa ai ma ona manatu ma talitonuga patino fa'alemafau.

Tikeri o le Matua o Faiva o le Tofamanino

O se fa'ailoga po'o se tusi pasi taualoa e fa'avae i su'esu'ega e matuā iloga le maualuga o lona la'asaga na'i lo le Tikeri o Matua o Faiva o le Tofamanino, o lo'o atagia ai le tulaga tuto'atasi tau tomai, ma e fa'ae'eina atu ona o le aloa'ia ma le tulaga ese o su'esu'ega, po'o galuega fa'atino fa'alemafau ua mafai ai ona avea ma sao tāua ma lava tapena ona o le iloa ma tomai.

Iunivesitē

O le Iunivesitē o se fa'alapotopotoga e lautele ma ese'ese itu'aiga o a'oa'oga ma su'esu'ega o lo'o tu'uina atu ai, aemaise lava i laasaga o tulaga maualuluga atu, ia o lo'o fa'atumauiina ai, fa'agasolo, fa'asalalau ma fesoasoani tele ai i le fa'aaogāina o tomai ma poto fa'apitoa, e iai le sa'olotoga ma le tulaga tuto'atasi tau tomai; e una'ia ai le tulaga a'oa'oina o tagata o le atunu'u ma ua lava saunia ma anoanoa'i ma to'atele faia'oga e umia fa'aailoga ma tusi pasi taualoa maualuluga tau tomai ma poto fa'apitoa.

Pepa Fa'apipi'i I – Ta'iala Fa'ata'oto mo Agava'a aloaia

Igoa o Agava'a Aloa'ia ma Lōmiga o Ta'iala Fa'ailo	<p>O igoa o agava'a aloa'ia o lo'o fa'amatalaina ai galuega tau'ave manino e mafai ona ausia ma fua fa'atatauina. O le fa'aigoaina o agava'a aloa'ia e afua mai i Auli'iliga Aoao tetele.</p> <p>O le fa'atinoga o ta'iala fa'ailo o agavaa aloaia e fuafuaina e le Pūlega o Faailoga ma Tusi Pasi Tauloa a Samoa</p>		
La'asaga i le Faatonufofau o Faailoga ma Tusi Pasi Tauloa a Samoa	<p>E tatau i le fa'alapotopotoga mo atina'e o fa'ailoga ma tusi pasi tauloa ona fa'ailoa mai le tulaga tutusa o la'asaga i le Faatonufofau o Faailoga ma Tusi Pasi Tauloa a Samoa o agava'a aloa'ia ta'itasi.</p>	Togi Fa'atatau o Agava'a Aloa'ia	<p>O agava'a aloaia ta'itasi e iai le maualuga o togi fa'atatauina, e fa'avae i luga o itūlā e mana'omia ma tatau ona a'oa'oina ai se tagata a'oga i se matā'upu a'oa'oina ina ia agava'a na te fa'ailoaina atu taunu'uga tau le a'oa'oina ua fa'amatalaina e agava'a aloa'ia.</p>
Fa'amatalaga o le Fa'amoemoga o Agava'a aloa'ia	<p>O se oto'otoga o le tulaga e tatau i se tagata a'oga ona ia iloa ma faia i lona ausia ai o agava'a aloa'ia.</p> <p>Ao aunoa ai ma le mana'oga ina ia toe ta'ua Taunu'uga o le A'oa'oina, o se tasi lenei o auala e oto'oto ai mea uma o aofia ai i agava'a aloa'ia. E mafai foi ona ta'ua ai po'o le a tonu le fa'amoemoe o le agava'a aloa'ia.</p>		
Fa'avasegaina	<p>Vaega tau a'oa'oga po'o galuega po'o vaega laiti fa'apitoa tau a'oa'oga po'o galuega</p>		
Tu'utu'uga muamua e mana'omia po'o se matā'upu a'oa'oina po'o isi mana'oga e ao ona aveina e le tagata a'oga i lea lava taimi	<p>O agava'a aloa'ia e tatau ona iai muamua, o ia e tatau ona ausia ao lumanai ai fa'atino agava'a aloa'ia nei. O agava'a aloa'ia laiti, o se matā'upu a'oa'oina po'o mana'oga ia e tatau ona tau'ave fa'atasi e le tagata a'oga fa'atasi ai ma se isi matā'upu a'oa'oina po'o mana'oga (e fa'atoa iloa pe afai e iai ni isi).</p>		
Taunu'uga o a'oa'oga 1	<p>O fa'avae ia o agava'a aloaia. E latou te fa'amatalaina gaoioiga ia e ao ona fa'amae'aina ina ia fa'atino ai galuega tau'ave ua fa'amatalaina i totonu o igoa o agava'a aloaia. E masani lava ona sili atu ma le tasi taunu'uga o le a'oa'oina i se agava'a aloaia.</p>		

<p>Igoa o Agava'a Aloa'ia ma Lōmiga o Ta'iala Fa'ailo</p>	<p>O igoa o agava'a aloa'ia o lo'o fa'amatalaina ai galuega tau'ave manino e mafai ona ausia ma fua fa'atatauina. O le fa'aigoaina o agava'a aloa'ia e afua mai i Auili'iliga Aooa tetele.</p> <p>O le fa'atinoga o ta'iala fa'ailo o agavaa aloaia e fuafuaina e le Pūlega o Faailoga ma Tusi Pasi Taualoa a Samoa</p>
<p>Fa'amatalaga e fa'amaonia ai le tulaga tutusa o iloiloga o taunu'uga tau le a'oa'oina o tagata a'o'oga taitoatasi (e fa'atoa aofia ai tagata a'o'oga pe a talafeagai ai)</p>	<p>E mafai ona aofia ai fa'amatalaga e fa'amaonia ai le tulaga tutusa o iloiloga o taunu'uga tau le a'oa'oina ina ia tu'uina mai ai se fa'atulagaga e mautinoa ai o lo'o faia iloiloga a sui uma e tusa ai ma le fa'ata'otoga lava lea e tasi. E mafai foi ona fa'amanino mai ai tu'utu'uga o iloiloga ffg. taimi fa'atapula'aina, malamalama lelei, faigatā ona malamalama, o galuega o galue ai po'o le fa'afoliga e taufa'asesē ai.</p> <p>E mafai foi ona aofia ai mo le fa'aaogaina i agava'a aloa'ia atoa uma lava, o lea tulaga e fa'aaogaina i taunu'uga o le a'oa'oina ina ia tusa ai ma se tulaga fa'ata'atia, po'o se Taunu'uga o le a'oa'oina, po'o, i se Tulaga Fa'ata'atia Tau Galuega Fa'atino.</p> <p>E ao ona malamalama lelei fa'alapotopotoga o tusia ma atina'e o agava'a aloa'ia e uiga i a'afiaga i iloiloga pe a fa'aaogaina fa'amatalaga e fa'amaonia ai le tulaga tutusa o iloiloga, ma ia fa'aogaina ma le fa'autauta.</p>
<p>Tulaga Fa'ata'atia Tau Fa'atinoga 1.1</p>	<p>E fa'amatalaina ai tulaga mana'omia tau fa'atinoga e tatau i se tagata o fa'aaogaina taunu'uga ia e ausia ai galuega fa'atino a agava'a aloa'ia.</p> <p>O tulaga fa'ata'atia tau fa'atinoga e fa'amatala ai auala e mafai ai e se tagata ona ia iloa po'o ua ausia lea taunu'uga pe leai foi.</p>
<p>Tulaga Fa'ata'atia Tau Fa'atinoga 1.2</p>	
<p>Taunu'uga tau le A'oa'oina 2</p>	
<p>Tulaga Fa'ata'atia Tau Fa'atinoga 2.1</p>	
<p>Tulaga Fa'ata'atia Tau Fa'atinoga 2.2</p>	
<p>Fa'amatalaga e fa'amalamalama ai</p>	<p>O fa'amatalaga e fa'amalamalama ai e mafai ona fa'aaogaina ina ia fa'amanino atili ai se agava'a aloa'ia. Ua fa'aaogaina mo le fa'ao'oina atu o so'o se fa'amatalaga ina ia fesoasoani ai i le fa'auigaina o le tulaga fa'ata'atia ma/po'o le si'itia ai foi o le ono alia'e mai o ni fa'ai'uga o gatasi tau iloiloga. E mafai foi ona fa'aaogaina e fa'ailoa ai so'o se mana'oga fa'apitoa tau iloiloga po'o tu'utu'uga. E mafai ona aliali mai fa'amatalaga nei i totonu o lenei vaega pe afai e talafeagai ai.</p>

<p>Igoa o Agava'a Aloa'ia ma Lōmiga o Ta'iala Fa'ailo</p>	<p>O igoa o agava'a aloa'ia o lo'o fa'amatalaina ai galuega tau'ave manino e mafai ona ausia ma fua fa'atatauina. O le fa'aigoaina o agava'a aloa'ia e afua mai i Auili'iliga Aoao tetele.</p> <p>O le fa'atinoga o ta'iala fa'ailo o agavaa aloaia e fuafuaina e le Pūlega o Faailoga ma Tusi Pasi Taualoa a Samoa</p>
<p>Metotia po'o auala o o fuataga</p>	<p>Ua fa'amatalaina ai se tulaga lautele o metotia mo le aoina mai o fa'amatalaga molimau e fa'amaonia ai le tulaga agava'a o se tagata. E tatau ona filifili e se tagata fa'atonu le tasi po'o le sili atu o nei metotia.</p>
<p>Alagā'oa e tatau ona Fa'amalieina</p>	<p>Ua tu'uina atu ai se oto'otoga o alagā'oa e tatau ona fa'amalieina mo le a'oa'oina ma/po'o le fa'atinoga o se fuataga i le tagata i totonu o lenei agava'a aloaia.</p>
<p>Igoa o le Komiti Faufautua mo Fa'ailoga Samoa (i matata eseese) e nafa ma le atia'eina o lenei agava'a aloa'ia</p>	<p>Igoa o le Itūtino o le Vaega Faufautua i le Pūlega o Faailoga ma Tusi Pasi Taualoa a Samoa.</p>
<p>O le aso na Fa'amauina ai Lōmiga 1.</p>	<p>Aso na fa'amauina pe na ulua'i lesitala ai.</p>
<p>Aso fuafuaina mo iloiloga.</p>	<p>I le tuana'i ai o le 5 tausaga o le fa'amauina, po'o le lesitalaina e lauliliuina ai, po'o le faatinoga o le lauliliuina ae le'i mae'a le 5 tausaga. pe a mana'omia.</p>
<p>Fa'amatalaga mo le Iloiloga</p>	

Pepa Fa'apipi'i O – Fa'afetai ma le Fa'amālo ma Fa'asinomaga

Fa'afetai ma le Fa'amālo

E lagona le fa'agae'etia o le Pūlega o Fa'aailoga ma Tusi Pasi Taualoga a Samoa ma e momoli atu lana fa'amālo ma le fa'afetai, ona o se vaega o le Lōmiga Tolu lenei o le Fa'atonufofau o Fa'aailoga ma Tusi Pasi Taualoga a Samoa, na fa'aune mai, po'o, na fa'aaogaina ai pepa aloa'ia mai isi atunu'u po'o fa'alapotopotoga tuto'atasi, e aofia ai Fa'aailoga ma Tusi Pasi Taualoga a Niu Sila, Ta'iala o Tusi Aloa'ia o Agava'a ma Tomai, le Fa'atonufofau o Fa'aailoga ma Tusi Pasi Taualoga a Ausetalia fa'apenā foi ma le Fa'atonufofau o Fa'aailoga ma Tusi Pasi Taualoga a le Pasefika (ta'iala fa'ata'atia o Fa'atonufofau fa'aitūlagi).

Fa'asinomaga

OECD (n.d.). Recognition of Non-formal and Informal Learning – Home (webpage). Retrieved 7 April 2024 from: <https://www.oecd.org/education/skills-beyondschool/recognitionofnonformalandinformallearning-home.htm>

UNESCO (2004). Quality assurance and accreditation: a glossary of basic terms and definitions. Compiled by: Vlasceanu, L., Grünberg, L., and Pârlea, D. Retrieved 20 April 2024 from: <https://unesdoc.unesco.org/ark:/48223/pf0000134621>

UNESCO (2022). Towards a Common Definition of Micro-Credentials. Retrieved 7 April 2024 from: <https://unesdoc.unesco.org/ark:/48223/pf0000381668>

UNESCO (2024). Institute for Lifelong Learning (webpage). Retrieved 7 April 2024 from: <https://www.uil.unesco.org/en/unesco-institute/mandate/lifelong-learning>.

UNESCO IIEP (n.d.). Flexible learning pathways in higher education (webpage). Retrieved 7 April 2024 from: <https://www.iiep.unesco.org/en/our-expertise/flexible-learningpathwayshigher-education>.

Pepa Fa'apipi'i U – Faiga Fa'avae ma Ta'iala a le Pulega o Faailoga ma Tusi Pasi Taualoa a Samoa e Feso'ota'i i ai

1. Faiga Fa'avae o Tulaga Olo'ula 'Ausigatā
2. Ta'iala mo le Fa'amauina o Fa'alapotopotoga e Tu'uina atu A'oa'oga Fa'aāuau e aofia ai:
 - Pepa Fa'atumu o Talosaga mo le Fa'amauina o Fa'alapotopotoga e Tu'uina atu A'oa'oga Fa'aauau
 - Lisi 'Autū o le Fa'amauina o Fa'alapotopotoga e Tu'uina atu A'oa'oga Fa'aauau
3. Ta'iala mo le Fa'amaoniga Aloa'ia o Polokalame a Fa'alapotopotoga e Tu'uina atu A'oa'oga Fa'aāuau e aofia ai:
 - Pepa Fa'atumu o Talosaga mo le Fa'amaoniga Aloa'ia o Polokalame
 - Pepa Fa'atumu o Iloiloga Fa'alotoifale i le Fa'amaoniga Aloa'ia o le Polokalame
 - Pepa Fa'atumu o le Fa'amauina o Fa'ailoga ma Tusi Pasi Taualoa
 - Lisi 'Autū o le Fa'amauina o Fa'ailoga ma Tusi Pasi Taualoa
4. Ta'iala mo le A'oa'oga tau tomai faapitoa ma a'oa'oga i totonu o le atunu'u, e aofia ai le:
 - Aloa'ia o Pepa Fa'atumu o Talosaga mo A'oa'oga tau tomai faapitoa ma a'oa'oga i totonu o le atunu'u
 - Aloa'ia o Pepa Fa'atumu o Iloiloga Fa'alotoifale o A'oa'oga tau tomai faapitoa ma a'oa'oga i totonu o le atunu'u
5. Ta'iala mo le Aloa'ia o A'oa'oga Muamua i totonu o Samoa
6. Ta'iala mo le Aloa'ia o Agava'a o i ai i le Taimi nei
7. Ta'iala mo le Tapenaga ma le Fa'amauina o Fa'ailoga ma Tusi Pasi Taualoa a Samoa
8. Ta'iala mo le Lesitalaga o Faailoga ma Tusi Pasi Taualoa i le Fa'atonufofau o Fa'ailoga ma Tusi Pasi Taualoa a Samoa.